

11
11
11

5

~~Mathem. 270.~~

508, 25

abt. platz.

176
~~206~~



Snderweysung der messung/ mit dem zirkel vñ richt
scheyt/ in Linien ebenen vñnd ganzen corporen/
durch Albrecht Dürer zu samen gezogen/
vñd zu nutz allē kunstlieb habenden
mit zu gehörigen figuren/ in
druck gebracht/ im jar.

M. D. X X v.


Mit begnadung Kayserlicher im end eyngeleiteter Frey-
heyt damit sich ein ygllicher vor scha-
den zu hüten wyß ic̄.



S Eynem in sonder's lieben herren vnd freündt/herrn
Wilbolden Pirckheymer / wünsch ich Albrecht Dürer / heyl vnd seligkheit günsti-
ger herr vnd freündt / man hat byßher in vnsern deuschsen landen / vil geschickter
C jungen / zu der kunst der malleren gethon / die man an allen grundt vnd alleyn
auf einem täglichen brauch gelert hat / sind die selben also im vnuerstand wie eyn
wylder vnbeschnytener bawm auff erwachsen / Wie wol etlich auß jnen durch ste-
tig übung eyn freye hand erlangt / also das sie ire werck gewaltigklich aber vnbedechtlich / vnd alleyn
nach irem wolgefalle gemacht haben / So aber die verstendigen maler vnd rechte künstner / solchs vn-
besunnen werck gesehen / haben sie vnd nit vnbillich diser leüt blindtheit gelacht / die weyl einem rechten
verstand nichts vnangeneumer zu sehen ist / dan falscheit im gemel / vnangesehen ob auch das mit als-
lem fleiß gemalt wirdet / Das aber solche maler wolgefallen in jren yrthumben gehabt / ist alleyn vrs-
sach gewesen / das sie die kunst der messung nit gelernet haben / an die feyn rechter werck man werde oder
seyn kan / Das aber jr meyster schuld gewesen die solche kunst selbs nit gekündt haben / Die weyl aber die
der recht grundt ist aller malleren / hab ich mir fürgenomen allen künstbegyrigen jungen / eyn anfang
zústellen / vnd vrsach zúgeben damit sie sich der messunge zirkels vnd richtscheit / vnderwinden vnd
daraus die rechten warheit erkennen vnd vor augen sehen mögen / damit sie nit alleyn zu künsten
begirig werden / sonder auch zu eynem rechten vnd grösseren verstant komen mögen / Vnangesehen
das ist bey vns vnd in vnseren zeyten die kunst der malererey / durch etliche seer veracht vnd gesagt will
werden / die diene zu Abgötterey / dann eyn neglich Christen mensch / wirdet durch gemel oder byld
nuß als wenig zu einem affterglauben gezogen / als eyn frümer man zu eynem mord / darumb das er
ein waffen an seiner seyten tregt / müst warlich eyn vnuerstendig mensch seyn / der gemel / holtz / oder
steyn anbetten wölt / Darumb gemel mehr besserung dann ergernuß bringt / so das erberlich künstlich
vnd woll gemacht ist / In was eren vnd wurden aber dise kunst bey den Kriechen vnd Römern gewesen
ist / zeygen die alten bücher gnugsam an / Wie woll sie nachfolgent gar verloren vnd ob tausent jaren
verborren gewesen / vnd erst in zweyhundert jaren wider durch die Balthen an tag gebracht ist worden /
Dann gar leychtlich verlieren sich die kunst / aber schwerlich vnd durch lange zeyt werden sie wider
erfunden / Demnach hoff ich diß meyn fürnemen vnd vnderweysung / werde kein verstendiger dade-
len / die weyl es auß einer gutten meynung vnd allen künstbegirigen zu gut geschicht / vnd auch nicht
alleyn den maleren / sonder Goldschmiden Bildhaweren Steynmessen Schreyneren vnd allen den
so sich des maß gebrauchen dienstlich seyn mag / ist niem and gezwungen sich diser meiner ler zu brau-
chen / ich weyl aber woll wer sich der vndersteen / wirdet nit allein eynen grüntlichen anfang daraus
fassen / sonder durch den täglichen brauch / zu eynem grössern verstand reichen / weytter süchen vñ gar
vil mehr dan ich yzt anzeyg erfinden / Die weyl ich aber günstiger herr vnd freündt weyl / das jr eyn
liebhaber aller kunst seyt / hab ich euch dises büchlein auß sonderer zünengung vnd freüntlichen willen
zu geschriben / nit darum das ich vermeynt ich het euch was groß oder fürtrefflichs damit bewysen
Sonder das jr daraus meinen geneygten vñ guten willen verstee vnd ermessen möcht / ob ich euch
gleychwol mit meinem wercken nit sonder's erschießlich seyn mag / das dannoch meyn gemüt allzeyt
bereyt were / euch ewer gunst vnd lieb so jr zu mir tragt mit gleicher widerlegung zubezalen .

Der aller scharff sinnigst Euclides / hat den grundt

der Geometria zusamē gesetzt wer den selben woll versteht / der darff diser
hernach geschriben ding gar nit / dann sie sind alleyn den
iungen vnd denen so sonst niemandt haben
der sie trewlich vnderweyft geschryben.

F Manfang thut not / so man die iungen / messen will le-
ren das sie wissen / was der grund sey darauß man myst / vnd wie da gemessen wirdet
Es sey eyn newerdachs / oder forgemachts ding / Dreyerley ding sind zū messen / Erst-
lich ein leng / die weder breyt noch dick ist / Darnach eyn lenge die ein breyten hat / Zum
dritē ein lenge / die ein breytē vñ dicken hat / Diser aller ding anfang vñ end sind punct-
tē / Aber eyn punctt ist ein solch ding / das weder Groß Leng Breyt oder Dicken hat / Vnd ist doch ein
anfang vnd ende / aller leiblichen ding / die man machen mag / oder die wir in vnsern synnen erdencken
mügen / Wie dan das die hochuerstendigen / diser kunst woll wyssen / vnd darumb erfülle keyn punctt
keyn stat / dann er ist vnserthenlich / vñnd er mag doch auß vnsern synnen oder gedanken / an alle end
oder ort gesetzt werden / Dan ich mag mit dem synn ein punctten hoch in lufft werffen / oder in die tyf-
fen sellen / da hyn ich doch mit dem leib nit reichen kan / Aber damit die iungen verstendig in gebreuch-
licher arbeyt werden / So will ich inen den puncttē als ein gemel mit eym tupff / einer federn fürsetzen /
Vnd das wort punctt darbey schreiben / damit der punctt bedewt wirdet / punctt / Wenn nun di-
ser punctt / von seynem ersten anfang / an eyn ander ende gezogen wirdet / so heyst es eyn Lini / vñnd
dise Lini ist eyn lenge / an alle dicke vnd breyten / vnd mag gezogen werden solang man will . Dise
Lini will ich mit einem geradenstrich hie entgegen mit der federn auffreyssen / vñnd den namen Lini
darauff schreiben /  Auff das die vnichtig Lini / durch den geraden ryß
im gemüt verstan  den werd / Dann durch solche weyß muß der inner-
lich verstand im euffern werck angezeigt werden / Darumb will ich alle ding / die ich in diesem büchlin
beschreib / auch darneben auffreyssen / auff das meyn darthon / die iungē zū einer einbildung vor augen
sehen / Vñnd dest baß begreiffen . Nun ist zū mercken / das die Lini mancherley weyß gezogen mügen
werden / vñnd sonderlich sind dreyerley Linien / darauß vill zū machen ist / Zum Ersten ist eyn gerade
Lini / Zum Andern die Cirkellini / darnach ist noch eyn krume Lini / die angeferdt mit der hand / oder
von punctt zū punctt gezogen mag werden / wie dan das etlich kunst anzeigen / dardurch mancher-
ley verendrung komen / Aber diese krume Lini / weyß ich nit baß zū nennen / dan eyn Schlangen Lini /
darumb das sie hyn vnd her gezogen mag werden / wie man will / Des zū klarem verstand / hab ich
sie hie vnden auffgerissen vnd ire namen auff ygliche geschriben.

Eyn gerade Lini /


Eyn zirkel Lini /

Eyn schlangen Lini /



Es ist zu merckenn / das dise obgedachte drey Linien mügen kurz oder lang gezogen werden / Vnd so mans erreychen möchte / vnd die zeyt nit hyndert / möchte die gerad Lini ewiglich hyn-
 auß gezogen / oder auffss wenigst gesunnen werden / Sy ist auch dreyerley weysß zu brauchen /
 als auffrecht / ober zwerch / vnd ober ort / Aber die zirkellini / mag ganz oder zum teil gebraucht
 werden / vñ kannit lenger gezogen werden / den von anfang wider dahyn / da sie angefangen hat / soll
 sie aber fort gen / so kombt sie wider in den vorigen vmlauff / Diese zirkellini mag groß oder kleyn für
 genümen werden / So man sie aber stengen macht / oder vnder sich felle / so wirt eyn Schlangen lini
 darauß. Aber die Schlangen Lini ist vntentlich zühnerendern / darauß man wunderbarlich ding mag
 machen / Es sey in die Leng / Weyt / Höch / oder Tyff / vñ wie es wißlich ist / das man allein vil seltsams
 dings / mit eyner Lini machen kan / da von die nichts wyssen / die jin nit nach dencken / vnd auch hie we
 nig da von gemeldet wirdet / ist woll züdencken / was mit zweyen dreyen oder vill Linien auß zürichten
 sey / Vnd sonderlich so die Dreyerley vnderschyd der Linien / mit allen züfellen züsamen gebraucht
 werden / Dann es sind vil Linien zümachen / die an hilff andrer Linien nit können gezogen werden /
 Auch ist not zu wyssen / was Paralell lini sind / im Latein also genant / die ich in vnserm deusch par-
 Lini will heissen / Dis sind solch Lini / das sie allweg gleych weyt von eynander lauffen / man zych sie
 schlecht / oder Schlangenkrum / oder in zirkels weisß / Man soll auch wyssen / wo zwü Lini nicht gleych
 miteynander lauffen / das sie im end züsamen komen / vñ eyn spizen winckel machen / Darumb zwey
 Perpendicular neben eynander / Das sind zwü bleyßchnür / die da neben eynander hangen / geben nit
 genßlich zwü auffrecht Barlini / Dañ sie lauffen im mittel puncten des erdrichs züsamen / vnd ma-
 chen eyn spizigen winckel / Also thunt all Linien / die nit gleich miteynander lauffen / Entweder sie ko-
 men im endt züsamen / oder aber sie lauffen stettig weytter von eynander / wie vorgemelt / Das aber
 die auffrechten wag Linien für barlinien gebraucht werden / ist auß der vsach / das sie so weyt als nem-
 lich bis ins mittel des erdrichs zülauffen haben / der halb das vnserm synn im gesicht vnmerckentlich
 wirdet vnd ist / Aber diese sort der bar vnd wag linien / hab ich hie vnden auff gerissen / gerad schlangen-
 krum / zirkelkrum / vnd wagrecht.


Gerad bar Linien / Zirkelkrum bar Linien / Schlangenkrum bar Linien / wagrecht Linien



Wo man nun eyn wenig verstanden hat / was die Lini seyn / vnd jr vnderschyd / So will ich
 fürbaß reden von der selbē leng die auch eyn breytten hat / die allweg mit gee / sie werd schle-
 che oder krum gezogen / Die nent man Planū im latein / aber in deusch weysß ichs nit an-
 ders zü nennen / Dann ein ebne / wie woll mancherley vnderschyd darinn ist / wie hernach
 folgt / Eyn ebne möchte erdacht werden die auff allseyten keyn end het / Aber von der selben woll wir hie
 nit handeln / Alleyn von denen die da anfang vnd endt haben / vnd die mit linien vmbzogen mügen
 werden / auff das sie eyn gestalt gewynnen / Der selben sind mancherley / der ich eynteyls hie will an-
 zeygen / Die erst ebne ist ganz gleich / also das sie weder hoch noch nyder oder krum ist / Zum andern ist

eyn runde ebne/wie eyn halbe kugel/Zum drittten/ ist eyn hohle ebne/wie eyn runder kessel/Zum vierden/ ist eyn beuilette ebnen/ an etlichen enden hoch an den andern nyder/ Es sind auch ebenen wie eyn brennter reiff/ eyn vnd außbogen/ mancherley weys verfert/ dann alle dise ding sollen vnd mögen zu der nutzbarkeyt gebraucht werden in den wercken/ wo das nit geschicht/ brichtman das haubt vergeblich mit/ Erstlich will ich die erst recht ebne mit einer rechten firung vmbzuyhen/ dem thü ich also/ ich reys eyn zwerch lini. a.b. damit far ich eben vnder sich/ als ferr so lang sie ist/ so wirdet darauff eyn gefirte ebne/ Aber eyn runde blatte ebne mach ich also/ Ich reys eyn gerade lini. a.b. vnd halt die bey dem ende a. still an eynrer stat. Aber mit dem end. b. far ich herum/ von dem anfang bis ich herwider vmb come So macht das end. b. eyn runden abschnytt/ vñ bleybt der ort .a. eyn mittel punctt/ vñ von disem punctten. a. ist vberall gleich weyt/ an alle end der runden ebenen/ Solchs hab ich hie vnden als auff geryssen.


Eyn gefirte ebne ganz blat/ Eyn runde ebne Ein kuglete ebne Ein hohle ebne Eyn bogne ebne
Ein beuilette ebne/



S Nun von der leng vñ breyte/ das ist die ebne ein wenig geredt ist/ was sie sey/ So will ich nun sagen was die leng vnd breytte mit sambt der diecke sey/ das sind die Corpora/ auß den selben will ich etliche anseygen vñ lernen/ wie sie gemacht mügen werden/ Erstlich nym die vorgemacht gefirt ebne. a.b.b.a. vnd far gerad mit vbersich/ als hoch als breyt sie ist/ so wirdt ein recht gefirter würffel darauff/ von gleichen seyten/ von gleichē ebenen/ vñ von gleichen wincklen/ Darnach nym die vorgemacht runde ebne/ vnd reis aus dem mittel punctten. a. gerad hynaus byß ans ende der runden/ da setz ein. c. also das. c.a.b. ein gerade lini sey/ vñ setz auff die ein seiten außers halb der runden ebne ein. d. auff die ander seyten. e. Aber. c.a.b. sey die art/ daran mus dise ebne umgewent werdē vom. d. bis zum. e. so reist diser runder ryß/ ein ganz runde kugel/ die von aussen allenthalben gleich weyt zu irem mittel punctten. a. hat/ Doch mus im vmb wenden die art in den punctte. c.b. stett bleiben/ also hastu zwey vollkome Corpora/ Aber kein vollkumener Corpus ist/ das allenthalbē gleicher ist dann ein kugel/ Dise zwey Corpora hab ich auff geryssen.


Eyn gefirt Corpus oder würffel/

Eyn runde kugel oder sper/



W Nun angezeiget ist/was ein lini/eyn breyte oder ebne/vnd eyn Corpus/das ist eyn leib sey so muß man auch wissen / das solche ding/ sie seyen groß oder kleyn / durch kunst gemessen mügen werden/dann das maß erreicht das fern vnd nahent / Nun will ich erstlich wider vornen anheben/ vnd will etlich gemessen linien zihen / die dann in etlichen wercken dinstlich zu brauchen sind/Es ist wyslich/ das auß einer lini allein villerley gestalt gezogen / vnd im auffreissen/ angezeiget mügen werden / Aber erstlich will ich ein schnecken lini/mit dem zirkel zihen/auff einer ebne / dann es wirdet sich der planus oder ebne / stetigs müssen brauchen lassen / es sey vmb der lini oder Corpus willen/ Dise schneckenlini reiß ich also/ich mach ein auffrechte lini die sey oben. a vnden.b.die theyl ich mit dreyen puncten.c.d.e/in vier gleiche felt/ Darnach teyl ich.d.e.mit einẽ puncten.f.in zwey gleiche felt/darnach setz ich auff die recht seyten der lini ein.g.auff die linck ein. h. darnach nym ich ein zirkel/vnd setz in mit dem einen fuß in den puncten.d.vnd mit dem andern in den puncten.a.vnd reiß auff die seyten.h.bys vnden in den puncten.b.Darnach nym ich den zirkel vnd setz in mit dem ein fuß in den puncten.f.vnd mit dem andern in den puncten.c. vnd reiß gegen der seyten.g.bys vnden in den puncten.b.Aber nym ich den zirkel/ setz in mit dem ein fuß in den puncte d.vnd reiß gegen der seyten.h. mit dem andern fuß auß dem puncten.c. byß in den puncten.e. Darnach setz ich den zirkel mit dem einen fuß in den puncten.f.vnd den andern in den puncten .d. vnd reiß von dann auff die seyten.g.bys in den puncte.e. Darnach setz ich den zirkel auff die lini.a.b.mit dem einen fuß/mitten zwischen.d.f.vnd den andern fuß setz ich in den puncten.d. vnd reiß von dann auff die seyten.h.bys in den puncten.f. Also ist dise lini vertig/vnd ist zuvil dingen gebreuchlich vnd vnder andern/ist sie zu einem horn eiffen/an ein capitel nützlich/Vnd das destbaß zuuersteen/ hab ich zwue gerad zwerchlini hie vnden auffgerissen/auß den zweyen puncte.a.c.vnd von der schnecken lini hynder sich gezogen.


Dise Schnecken lini ist mit dem zirkel zogen.




W En will ich ein andre schnecken lini/vnd einer andern weiß zihen/die in vil dingen zu brauchen vnd fast nützlich ist / wirdet auch vil darauff erlernit/ sie ist auch an der vorigen lini stat zu brauchen/iren anfang nym ich auß dem mittel puncten/ von dann geet jr leng in die weyten/so fern man will/doch bleybe jr felt/zwischen der oberlegung der liniẽ hinweg gleich weit darzwischen/allein im ersten vmlauff nit/aber dise schneckenlini/mach ich also ich setz ein puncten.a vnd reiß ein zirkelris darum so weit ich die schnecken lini will lauffen lassen / Vnd teyl dise runde lini mit 12.puncten in.12.gleiche felt/darnach reiß ich auß dem Centro.a.ein gerade lini oberstich byß an den runden ryß der ende sey.b.in den selben puncten setz ich.12. vnd heb die teylung der puncten des runden ryß an zu zelen gegen der lincken hand/1/2/3/12 byß herum auff die 12. Aber die gerad lini.a.b.teyl ich mit. 23. puncten in.24.gleiche felt vnd heb am.a.an zu zellen/1/2/3/24 Darnach nym ich ein gerad richtscheyt vnd stich die puncten der ist gemelten lini.a.b.darauff vnd beseychens mit iren zyffern/vnd leg das bey der myndern zal mit dem ein ort.a.auff den Centrum.a.vnd /mit dem ort.b.auff den zirkelryß auff den puncten.i. vnd wo dann das richtscheyt mit seim puncten.i.hyn zeygt

da setz ich auch ein puncten .i. Also far ich zu ring herumb zu allen zalen im zirkelrifs vnd laß allweg das richtscheyt im Centro .a. stet bleiben / so werden die puncten des richtscheyt alle puncte der schneckenlini anseygen durch die hal wo man sie hyn setzen soll / Darumb merck eben auff die zal so kanst du nit irre werden / Aber so die lini zwysfach vber einander laufft / vnd im zirkelrifs nun / 12 / stett / aber im vmlauffeten richtscheyt . 23 . so hab acht das die zal des richtscheyt ordenlich furge / dann zu der zal . i . kumbt . 13 . auff / 2 / 14 / 3 / 15 / 4 / 16 / 5 / 17 / 6 / 18 / 7 / 19 / 8 / 20 / 9 / 21 / 10 / 22 / 11 / 23 / man mag auch dise lini vilfelsig vbereinander ziehen / wer seyn bedarff / der mehr die zal im richtscheyt mit den puncten / vnd laß die puncten im zirkelrifs vngendert / dise schnecken lini ist hiebey also auff gerissen mit allen ziffern / So man aber dise schnecken lini recht sehen vnd brauchen will / muß man die zirkellini vñ das punct tirt richtscheyt mit allen iren ziffern dannen thun / dardurch dann die schneckenlini gemacht ist worden / vnd allein die schnecken lini mit iren puncten bleiben vnd ledig steen lassen / vnd wie sie gezogen sollen werden / also hab ich sie zweymal wie obgemelt hie nach auff gerissen / Vnd sonderlich hab ich zu der ledigen schneckenlini zwü gestracket linien gethan vñ vberzwerch gezogen gegen der lincken hand / zu gleichenn wincklen / die ober auß dem puncten . 12 . da das . b . stett / aber die vñnder von dem puncten . 12 . der schnecken lini / auff das man sehe was vnderschydt sie gegen der ersten hab .

Die Schnecken lini /




Schnecken lini ledig /



Vn will ich dise egemachte schneckenlini/ noch ein mal verendern/ durch das punctirt rich-
 scheydt. a. b. darauff die schneckenlini gemacht wirdet/ die mus man anderst dann vor punct-
 tirt/ das geschicht durch zweyerley linien/ einer krumen vnd geraden/ die da zusamen gesezt
 werden/ da eine durch die andern gemessen wirdet/ vnd eine der andern vngleich/ doch ver-
 gleichlich/ wie woll durch vngleich teyl die mach ich also/ Ich reiß einn auffrechte lini/ als lang das
 richtscheydt ist damit ich die schneckenlini mach/ die sey oben. b. vnden. a. Darnach reiß ich ein zwerch
 lini. c. d. also das die auffrecht mit dem puncttē. a. gerad zu gleichen wincklen darauff stehe/ Darnach
 reiß ich ein gerade ortlini. d. b. vñ nym ein zirckel vnd ses in mit dem ein fuß in den punctten. d. vnd mit
 dem andern fuß in den punctten. a. vnd reiß von dann rund vber sich byß in den ort strich. d. b. vnd wo
 sie die an rürt da ses ich punctten. e/ Darnach theyl ich dise krumen lini. a. e. mit. 23. puncttē in. 24. glei-
 che felt/ vnd reis auß dem punctten. d. gerad lini durch all punctten in. a. e. byß in die gestracte lini. a. b.
 Vnd wo dise linien die lini. a. b. durch schneiden/ die selben punctt beszeichnen ich mit zyffern/ vñnd heb
 oben vnder dem. b. an zu zellen/ 1/ 2/ 3/ 4/ 5/ 6/ 7/ 8/ 9/ 10/ 11/ 12/ 13/ 14/ 15/ 16/ 17/ 18/ 19/ 20/ 21/ 22/ 23/ byß
 herab zum. a. aus dem erscheindt wie sich die felt zwis-
 schen den punctten vber sich erwentern/ vñnd vnden herab enger werden/ Dvß punctten stich ich auff
 eyn richtscheidt/ das ich in der arbeyt im vmlauffen brauchen will/ Solche zu rüstung hab ich hie vn-
 den auffgerissen vnd merck sonderlich das auß disem stück vill zu machen/ das hie nit angezeigt ist/
 Dise schnecken lini laufft nit parweis vbereinander.



Nach diser lini. b. a. mus das richtscheydt zum vmlauff des schnecken puncttirt werden.



Wiltu aber aussen zwischen der schnecken lini die felt noch mehr erwentern/ vnd hyncin en-
 ger machen/ so leyn die auffrecht lini. a. b. oben mit dem. b. gegen dem punctten. c. Vñnd
 reis darnach die ortlini. d. b. wider zusamen/ so wirdt der zirckelris. a. e. kürzer/ Darnach
 theyl allding von newen wider ein wie vor so finstu in der arbeyt eyn gros endung/ solchs
 ist auch oben im auffreissen zum theil anzeigt/ So nun die verendert lini. a. b. mit iren punctten auff
 das richtscheidt gestochē wirdet/ alsdā reis ein runden zirckelris darin dein richtscheidt vñnd mit dem
 punctten. a. den Centrum/ vñnd oben mit dem punctten. b. den zirckelris anrürt/ vñnd ses oben anff den
 punctten. b. 12. vñnd nym den gebrauch wie vor in der negsten schneckenlini angezeigt/ Doch wie du
 vor auß dem Centro heraus geloffen bist/ also laufft igt von dem euffern zirckelris hinein/ Darum ses
 die zyffer der punctten im zirckelris auff die ander seyten/ vñnd heb an zu zellen. 1/ 2/ 3/ 4/ 5/ 6/ 7/ 8/ 9/ 10/ 11/ 12/ so sichstu den
 vñnderschiedt gegen der vorigen lini/ wie das hie vnden zwoy/ der fordern ordnung gemess auffgerissen
 ist/ da bey du sichst wie eins hübscher dann das ander ist.


Die geendert schnecken lini/

Die geendert schnecken lini ledig/




Sem so du auff eyn schnecken lini bey allen zyffern der puncten/gerad linien stellē wilt/die sich nach ordnung schicken/ So thu jm also/nym eyn richtscheyt/ vnd laß das mit einem ort an rüren den Centro. a. vnd den andern teyl leg an den puncten. 12. vnd reiß am richtscheydt von dannen gerade lini hyn auß/ Also laß das richtscheydt mit dem eyn theyl stettigs an dem Centro. a. still sten/ Aber mit dem andern theyl far zü rings herumb zue allen puncten der schnecken lini/ als da ist zue 1/2/3/4/2c/ vnd reiß gerad linien hyn auß/ byß du herumb kumst zü dem Centro. a. diß sichstu hie vnden auff gerissen.

Wie man die Linien gebürlich auff die Schnecken lini stellen soll.



We du aber finden sollte nach ordnung die leng einer yetlichen geraden Linien / die da auff den Schnecken gefest würde dem thu also / Nym eyn zirkel / setz in mit dem ein fuß in den Punkten .12. Vnd den Andern in den Punkten .i. vnd reiß vondañ rund vber sich / Dar nach setz des zirkels fuß in den Punkten .i. vnd den andern in den Punkten .12. von dañ reiß auch runde vber sich / wo sich dann die zwen runden reiß durch eynander schneyden / da setz eynn Punkten .c. Also thu zwischen allen Punkten der zyffern in der Schnecken Lini / als zwischen .1/2. vnd .2/3. vnd bezeichnen oben die schlüß der runden Reiß nach eynander / Als .d.e.f.g. etc. durchs ganz abe / so weyt es reiche / So du dañ mit geraden Lini zusamen zeuchst .c.d. vnd .d.e. vnd .f.g. etc. also durch den gangen vmb lauff aller büchstaben / so schneyden sie dir ab die gestragten Linien die da gezogen sind aus den Punkten .1/2/3/4/ etc. also durch die andern zall all / So du aber die bletter / die durch die runden Reiß worden sind / füglich mit eym mittel Reiß teylen wilt / so reiß erstlich aus dem Punkten .c. darnach aus den Punkten .d.e.f.g. etc. geradt Linien gegen dem Centro .a. byß auff die Schnecken lini / Also komen diese ding ordenlich / das siehestu hie vnden auffgerissen.

Wie lang nach ordnung die geraden Linien auff der Schnecken Lini seyn sollen.




S


Orthym will ich die Schneckenlini eynfach machen / vnd vom Cirkelreiß in Centri a. führen / auch wider bletter darauff setzen / Aber die geraden Linien / die durch die bletter gezogen werden / stendt anderst / dañ die vorgestellten Linien / Erstlich reiß aus dem Zentrum .a. ein zirkelreiß / vnd punctir in mit zyffern wie vor / Aber die auffrecht Lini / a.b. damit du vmbher ferst / die zerteyl mit .11. puncten in .12. gleiche felt / Vnd far dañ wider mit herüm / wie du vor berichte bist / vnd punctir die Schneckenlini / byß in Centro .a. Also ist diese Lini gemacht vnd zu vill dingen breuchlich / sonderlich ist sie auch zu eynem Bischoffstab zu brauchen / zu dem mus man im also thun / Zeuch von dem zirkelreiß / auß dem puncten .6. eyn gerade Lini vnder sich / vñ brauch den halben zirkelreiß / mit der größern zall / zu sambe der Schneckenlini / Aber den andern halben zirkel / mit der mindern zal / laß aussen / darnach nym ein zirkel / vñ setz in mit dem

ein fuß auf der zirkellini in de puncte. 9. vñ mit de andern fuß/ in de puncte. 7. vñ reiß vondañ rund
heraus/ eyn runde zirkeltrum/ darnach setz den eyn fuß in den puncten. 7. vñ reiß mit dem andern
fuß auß dem puncten. 9. heraus/ vñ wo sich die zwü krumen linien oben schliessen/ da setz eyn punct
ten. e. vñ reiß von der zirkellini/ auß dem puncten. 8. ein gerade lini in dem puncten. c. Also thū im
auch zwischen den zweyen puncten. 9. vñ. 11. vñ setz oben in der runden schlyssung eyn. d. Darnach
setz den zirkel/ mit dem eyn fuß/ im zirkelriß/ in den puncten. 11. vñ mit dem andern fuß/ auff die
schneckenlini in den puncten. 1. vñ reiß von dann vbersich hyn auß/ Darnach setz wider den ein fuß
in den vorgemeltem puncten. 1. vñ den andern in den puncten. 11. vñ reiß von dañ hyn auß wo dañ
die krumen linien schlyssen da setz eyn. e. Also thū im darnach zu gleicher weis/ auff der schneckenlini/
zwischen den puncten. 1/2. vñ. 3/5. vñ. 5/7. vñ. 7/9. vñ. 9/11. vñ bezeichnen oben jr schlüs/ nach
einander. f. g. h. i. k. Darnach reiß den blettern/ auff in der schneckenlini. geradt rys. e. 12/ f. 2/ g. 4/ h. 6
i. 8/ k. 10/ Darnach bleibt noch vber ein trum zwischen. 11. vñ dem Centro. a. das zeuch auch mit dem
zirkel zúsamem/ vñ der schlüs sey oben. l. Solichs wie oben beschriben/ hab ich also nachfolget zwifel
tig auff gerissen/ Erstlich mit allen nöttigen rissen/ darauß dise ding gemacht sind/ darnach ledig/
Dise verzeichnus ist zu vil dingen nützlich/ Auch ist dise schneckenlini/ ledig zu einem laubböffen zu
brauchen/ wie ich das auch hie nach hab auff gerissen.

Dise Lini dient zu eynem Bischoffstab.




Dise blosse lini des Bischoff
stabs/





13

Dise lini dienet
zu ein laubofen.




14

Est zu mercken / das der zirkelrifs durch welche eyn Schneckenlini gezogen wirdet / mit puncten so in vil theil geteilt mag werde / als man will / dan yhe in mehrenter geteylt wirdet yhe genewer damit zumessen ist / vnd in so vil theyl du die zirkellini teylst / so in vil theyl mustu alweg dein richtscheyt theylen / darauß du die schnecken lini eynfach wilt machen / Wiltu sie aber zwysfach trysfach / oder vierfach zc machen / so vilfeltig dein richtscheyt mit den puncten vnd zaln zwysfach trysfach oder vierfach zc / vnd lauff darnach wider mit herum / so findt sich dein begern / Ob du aber sorgest / so du dein richtscheyt vilfeltigst / vnd im vmlauffen auff dem zirkelrifs von der vngleichẽ zal wegen / die sich begeben vnd vbereynander lauffen / du möchtest darin irre werden / so thu jm also / So du die zirkellini geteilt hast / ich setz hie in $1/2$ / teyl / so du dann dein schnecken lini / zwysfach / trysfach / oder vierfach wilt lassen herum lauffen / So theyl dein richtscheyt in so vil puncten du wilt / vnd setz die zyffer darzu $1/2/3$ / zc byß auff 12 . Darnach heb wider an zu zellen $1/2/3$ / zc byß auff 12 . Darnach thu jm wider also / vnd aber also / Vnd richt dein richtscheyt mit den zyffern / das die zal alweg zu samen stymen im zirkelrifs vnd im richtscheyt / darmit du herum lauffest / so kanstu nit irre werden / So nun die schnecken lini auff einer rechten ebne gezogen ist / will ich sie nachvolget von vnden vbersich ziehen leren / Es ist zu mercken so man etwas machen will / soll man jm vor seyn grundt setzen / es sey gebaw oder anders / Des halb kan man die schnecke lini mit woll vbersich furen / sie sey dan vor im grund auff einer ebne nider gelegt / Darumb reiß erstlich den grund der negst vorgemachten blossen schnecke lini mit sambt irer zirkellini / darauß sie dann gemacht ist / wie sie dann da vorn stett / Aber alle ire bletter laß aussen / Doch mustu die ziffer bey den puncten in der schnecken lini verkeren das merck also / so du im zirkelrifs herum komet byß / von 1 byß auff 12 . Darnach drixt du mit den puncten hynen in die schnecken lini / da hebt sich die zal aber an $1/2/3$ / zc dem thu aber hie anderst / so du von dem puncten 12 . der zirkellini in den ersten puncten der schnecken lini drixt da dan vor eins stett / an die selb stat setz 13 . also forthyn in der zal byß auff 23 . So nun diser grundt vnden auffgerysen ist / alsdann reiß eyn auffrechte gerade lini auß dem puncten 6 . vbersich durch den Centrum a . vnd durch den puncten 12 . so hoch du der bedarffst / Vnd zu irem end setz oben eyn a . dann der selb puncten a . stett ob dem Centro a . Darnach schneyd vnden dise auffrechte lini a . mit einer zwerch lini $c.d$. ab / der ort sey b . Dise lini $a.b$ theil mit 23 . puncten / in 24 . gleiche felt / Ich will aber hie die felt vbersich in einer ordnung erlengen / wie voren angezeigt / Darumb nym ich wider den selben weg fur mich / allem die zwen buchstaben verker ich / das a . setz ich oben das b . vnden / des gleichen heb ich mit den zyffern vnden an zu zellen vbersich $1/2/3$ / zc So nun dise auffrechte lini geteylt mit iren puncten vnd zyffern mitten auff dem grund stet alsdan far ich mit einer auffrechte lini auß dem grundt des puncten 1 . vbersich durch die zwerch lini $c.d$. Darnach far ich auß der rechte lini $a.b$. auß dem puncten i . mit einer zwerch lini gegen der auffrechten lini / die auß dem grundt des puncten i . vbersich zogen ist / wo dann dise zwu lini eyn eck schliessen / da setz ich ein puncten 1 . diß ist der erst puncten / der da ansecht in der auffgezognen schnecken lini / Also thu ich im durch die ganz zal vnd puncten / des nyder getrugten grundes vñ der auffzognen lini $a.b$ zu beyden seyten / So punctirt sich die schnecken lini von dem vndersten puncten b . vbersich byß zu dem puncten a . darnach zeuch ich die schnecken lini von puncten zu puncten / Item so durch dise lini eyn schnecken stieg / in ein durn dach gemacht wirdet / so soll die vnderst staffel vil lenger seyn dan die oberst Vnd also hinauff nach ordnung ab geteilt werden / vnd ye mehr in spizen / ye mehr sollen nach obgemelten dingen die staffeln hoher werden / wie ich das hienach erstlich den grund des schnecken / vnd darob den schnecken auffgezogen / mit allen nöttigen gestrackten linien / Vnd darnach die schnecken lini auch ganz ledig hab auffgerysen / Dise schnecken lini mag man eng vbereynander zihen / oder rössch in die hoch streycken lassen / darnach man die lini $a.b$. kurz oder lang macht / Dise lini ist zuvil andern dingẽ nüt / Auch hab ich den dryangel $a.b.c$. darauß ich die lini $a.b$. in iren teylen oben erlengte hab / durch den zirkelrifs $a.e$. mit aller zugehörung hernach auffgerysen / Item die obgemelten schnecken linien / mügen auch ecket gezogen werden so man allweg ein puncten oder zal zwiffchen zweyen aussen lest / merck in dem auffzognen schnecken / so du zeuchst auß dem puncten b . byß auff 2 . ein gestrackte lini / von zweyen auff 4 . von 4 . auff 6 . c. Also forthyn durch auß byß zu dem end / a .



Dies ist der schnecke
 auß dem grund auf
 gezogen / mit allen
 notdürfftigen linien
 darauß er gemacht
 wirdet.

Hie siehtu den
Schnecken bloß



Auß diesem drys
angel. a.b.c. ist
die lini. a.b. dar
auß die schneckē
lini geteylt ist ge
macht.

B ij

Stem noch eyn andre schneckenlini macht man auß eynem rechten zirkelrhyß/ die auch die steyn
messen zu den stygen gebrauchen / sie wirdet aber billicher eynn schrauffen lini genant / doch
man nenn sie wie man will so ist es eynn nütze lini / darumb will ich sie hynnach auch leren
machenn / vnd wer suchen will mag vil darauß finden / Xeyß erstlich eyn runden rhyß wie vor ange-
zeigt auß ein Centro .a. den theyl mit einer aufrechten lini / durch den Centrum .a. in zwey gleiche teil
vnd setz oben da der zirkelrhyß gerürt wirdet. 12. vnd vnden. 6. darnach far auß dem puncten. 12. mit
eyner geradenn lini vbersich / so ferr du der bedarfft / der end sey oben .a. Darnach schneyd dise auff-
rechte lini vnden nahent bey dem grund des zirkelrhyß mit eyner zwerchlini .c. d. zügleichen winckelen
ab / der end sey .b. Darnach theyl den grund der zirkellini mit puncten in. 12. glieche theyl / vnd setz ir
zal darzü / vnd heb zu negst bey der seyten. 12. an züzelen. 1/2/3/4 byß du wider komst zu zwölffen / aber
darnach muß die zal fort lauffen / vnd so weyt du der bedarfft auff eynander gestellt werden / also kume
zum ersten. 13. auff eins. 14. auff. 2. 22 / Also mag man die zal / drey / vier / fünff / mal / vnd so offft man
will vber eynder ziehē vñ führen / nach dem man eyn schnecke hoch machē will / So nun diser grund
zügericht ist / als dann punctir die auffrecht lini .a. b. so in vil theyl als du wilt / vnd setz die zyffer darzü
vnd heb an bey end des .b. vbersich züzellen / 1/2/3/4/22 Darnach far auß dem puncten des grundes .1
auß der zirkellini vbersich durch die zwerch lini .c. d. darnach far auß der aufrechten lini .a. b. von dem
puncten .1. mit einer zwerch lini gegen der auffrechten die auß dem grund des puncten .1. vbersich ge-
zogen ist / Wo dann dise ein eck schliessen da setz auch ein puncten .1. also thue jm durch die ganz zal
des grundes vnd der auffzognen lini .a. b. durch alle puncten / auch in der oberlauffung der zal /

So nun die schneckenlini allenthalben also punctirt ist / alsdann zeuch die schnecken

lini von der hand darein wie ich dann das hynnach hab auffgeriessen / Item

die schnecken lini mügenn auch von punct zu punct ecket gezogen

werden / Man mag auch ein solchē schnecken zwifach machen in

seinem gang / Erstlich macht man die spindel im schnecken

gerad vnd ganz / So mag man sie auch holl machē /

oder gewundene also das man von oben dar

durch byß auf den grund sieht / wie dan

die Steynmessen das in

irem aufreissen sol

len wissen zu machē /

vnd durch verrückung der


grundbretter in das werck ziehen

Item auß diser vorgemeltē lini macht man

schrauffen von ein zweyen dreyē oder vier gengen 22

da mit man so schwer vnd starck ding mag heben vnd

brechen das sich des zuuerwundern ist.




17


Dies ist der vorbe
schryben schneck
vnd seyn grund.

B III

Stem noch will ich leren ein eynfache schneckenlini ziehen / durch ein andern weg dan vor / dem
 thu also / Mach einn rechten quadranten auff deussch ein firteil von eym zirkel . a . b . c . vnn
 das b / sey das Centrum / aber das a / oben / vnd das c / auff der seyten / Darnach teyl solch zir
 ckeltrum mit eylff puncten in zwölff gleiche teil / vñ heb die zal an bey dem puncten . c / vñ zeuch auß al
 len puncten auffrecht barlinien herab / byß in die zwerch lini . c . b . vnd bezeichnen sie mit gleicher weyß /
 mit den zyffern / als das zirkeltrum vnd heb auch die zal an bey dem negsten puncten nach dem . c . als
 so ist dise gerade lini . c . b . vergleichlich geteylt nach dem zirkeltrum . a . c . nun ist der erst grund zügerichte
 Darnach reiß darunder auß einem puncten . c . ein halben zirkel / dem obern quadranten gleich för
 mig / also das die gerade lini die den halben zirkel von eynander schneide / auffrecht sey oben . a . vnder
 b . vnd das Centrum . c . in der mitt . Darnach teil die halbe zirkellini mit eylff puncten in zwölff glei
 che felt / vnd heb die zal oben bey dem . a . an züzelen / darnach zeuch gerad linien / auß allen puncte der
 zalen in den puncten . c / Darnach zeuch stram lini auß dem Centro . c . in all puncte der zal / darnach
 nym ein zirkel / vñ setz in in den oberē quadranten mit dem ein fuß in das Centrum . b . vñ den andern
 fuß setz auff der zwerch lini . c . b . in den puncten . i . vnd nym dise weyten mit dem zirkel / vnn trag sie
 herab in den halben zirkel / vnd setz den zirkel mit dem ein fuß ins Centru . c . vnd den andern fuß setz
 oben vnder dem . a . auff die auffrecht lini . a . b . vnd reiß von dann rund hyn auß byß an die streim lini . i
 c . zü diesem puncten so sich gibt / setz auch die zal eins / Darnach nym den zirkel wider / vnd setz in mit
 dem eyn fuß in quadranten / in das Centrum . b . vnn den andern setz auff der zwerch lini . c . b . in den
 puncten zwey / vnd nym aber dise weyten drag sie in den vndern halben zirkel / vnn setz den zirkel
 mit dem ein fuß in den Centrum . c . aber den andern fuß setz auff die streim lini . i / c . vnd reiß rund von
 dann zü der andern streim lini . 2 / 5 . vnd zü diesem puncten setz auch die zal zwey / Also thu im fürbaß
 zwischen allen streim linien des vndern halben zirkel reiß / So du nun alle vorangeseigte weyten auß
 dem obern quadranten nymst / auff der zwerch lini . c . b . vnd tregst sie herab vnd bezeichens jr puncte /
 die da durch die zirkelreiß worden sind / mit jren zugehörten ziffern / bey den streim linien / so wirdet die
 dardurch angezeygt wie du den gang der schnecken lini von aussen der zirkellini / von dem puncten .
 a . in Centrum . c . führen solt / von punctt zü punctt / wie ich dan solchs hie vnden hab auffgerissen / Item
 du magst allwegen den zirkel mit dem ein fuß der da vmlaufft in der auffrechten lini . a . c . b . stellen / vñ
 von dann reissen byß zü seiner streim lini dyß zeygt etwas anders an / wie du im auffreissen sichst .





Stem auff eyn andre weiß will ich eyn schnecken lini machen mit dem zirkel also/ Erstlich
 setz eyn Centrum .a. darauß mach ein zirkel rhyß/ vnd teyl in wie vor mit 12/ punctten in 12
 gleiche felt/ vnd reiß von allen punctten in Centrum .a. gerad linien/ vnd setz die zyffer dar
 zu/ Heb zu oberst an vnd setz 12 darnach setz bey den punctten herum zal/ 1/2/3/ 2c byß wi
 der auff 12/ Darnach theyl die lini 12/a/ mit 36 punctten in 36 gleiche felt/ vnd heb die ziffer oben an
 bey dem punctten .12. herab zu zelen/ 1/ 2/ 3/ 2c Darnach nym ein zirkel/ vnd setz in mit dem einen fuß
 in den Centrum/ a/ vnd den andern setz an der lini/ 12. a. in den punctten .1. von dann reiß frum gegen
 der streim lini. 1. a. Darnach laß den zirkel mit dem ein fuß stet in den Centrum .a. still steen/ vnd ver
 ruck den andern fuß auff der streim lini. 12. a. in den andern punctten 2/ vnd reiß damit ein runden/
 zwischen den zweyen streim linien/ 1/ a/ vnd/ 2/ a/ Also verruck den ein fuß des zirkels auff der streim li
 ni 12. a. allweg vmb ein grad / vnd reiß mit nach ordnung rund rhyß zwischen allen streim linien / byß
 das du zum dritten mal herum kumbst/ Also wirdet der zirkel durch das verrucken yhe mehr ye enger/
 byß das er schyr zum Centrum a kumbt/ Sodas mit dem zirkel als gethan ist / alsdann zeuch die
 schnecken lini von punct zu punct/ heb bey dem punctten 12 in der zirkellini an/ vnd far zum drittten
 mal herum byß das du zum Centrum .a. kumbst/ wie ich dann das hab auffgeriessen / mit allen nöttig
 en linien dardurch sie gemacht wirdt/ vnd darnach lauter wie sie in jr selbs gezogen ist/ neben eynan
 der gestellt.




Stem noch will ich ein schnecken lini ziehen / reiß auß ein Centrum .a. eyn ganzen zirkel rhyß /
 vnd theil in mit .6/ punctten in 6 gleiche felt/ vnd setz die zal darzu / also das 6 oben steen vnd
 zeuch auß allen punctten der zirkellini streim linien in Centrum .a. Darnach theil die lini .6.
 a. mit .7. punctten in 8 gleiche felt/ darnach thue in wie vor/ nym eyn zirkel vnd setz in mit dem eynn
 fuß in den Centrum a vnd den andern setz in den punctten .1. in der streim lini. 1. a. also thu in für. vnd
 für durch die zal all / wie du das ab zunemen hast auß der vorrigen schnecken lini / söchs hab ich auch
 hienach auffgeriessen mit allen nöttigen beystrychen vnd ledig.


W iij




Ist von nöthen zu wissen / eyn fürgebene lini sie sey lang oder kurz / in drey gleiche theyl zü-
 teylen / Dem thū also / die fürgebē lini sey .a.b. die setz vnden auff ein zwerch lini .c.d. darnach
 nym mit einem zirkel mynder dann die halb leng / von der aufrechten .a.b. vñ setz den zirkel
 mit dem ein fuß / auff die zwerch lini /c.d. neben die lini /a.b / vnd miß damit .3. leng auffrecht
 vbersich / vnd zeuch ein gerade lini dardurch / also das sie paralel sey gegen .a.b / Dise lini sey oben .e. vñ
 den .f. vnd die zween mittel puncten so die / 3. gleiche felt machen / die bezeichnen mit ziffern / 1 / 2 / Dar-
 nach zeuch von dē end / e / ein gerade ort lini herab auff das end .a / vnd fort hynaus byß auff die zwerch
 lini /c.d / vñnd wo sie anrürt setz eyn g / Darnach zeuch auß dem puncten / g / zwü gerad ortlinien in die
 puncten / 1 / 2 / so wirdet die lini /a.b / von dem durchschneiden der ort lini / die is gezogen sind in / 3 / gley-
 che felt geteilt. Noch ein andre meinung / ein lini in / 3 / gleiche theil zü teylen mach vier zwerch barlinien
 mit ziffern / 1 / 2 / 3 / 4 in gleicher weyten obeynander / darnach nym dein fürgenüme lini oben .a. vnden
 b. vñ lein sie mit dem ein end / a / oben an die zwerch lini / 1 / vnd vnden mit dem end .b. an die zwerchen .
 4. so teylen die mittlern zwü zwerch lini .2. 3. die lini .a.b. in drey gleiche teyl wie ich das hie vnden auch
 hab aufgeriessen. Item ehe ich weytter come will ich vor eyn lini recht in der mitt von einander lere
 theylen. vnd das also / Die fürgegeben lini / sey ober zwerch .a.b. nun nym ein zirkel setz in mit dem ein
 fuß in den puncten .a. vnd den andern fuß in den puncten .b. vnd reiß vondann vnder sich vnd vber-
 sich / so weyt du des bedarff / Darnach laß den ein fuß des zirkels still sten / in den puncten .b. vnd reiß
 mit dem andern fuß auß dem puncten .a. krum vbersich vnd vnder sich / Wo dann dise zwen zirkels
 ryß sich schliessen / da setz oben ein .c / vnd vnden ein .d / Darnach reiß ein gerade lini .c/d. die schneidet .a
 b. in der mit von einander / da setz ein / e. Item wer ein gerade lini auff ein zirkeltrum will setzen / der
 thue im züglicher weiß / wie oben angezeigt ist / laß das zirkeltrum .a.b. seyn / vnd die gerade lini .c/d.
 auch soll man in ein holl zirkeltrum / so man des bedarff / der obgemelten meinung nach / ein aufrecht
 lini setzen / Solch beyde weg hab ich hie vnden auffgeriessen / vñnd bey dem hollen zirkeltrum hab ich in
 der aufrechten .c.d. da sie durchschneydt ein .f. gesezt.




Wen will ich leren machen ein lini/die einem wolgestaltē ey gleich werdt dem thū also/ mach
 ein gerade zwerch lini/der anfang sey .a. vnd end/b. die teyl mit .9. punctten in .10. gleiche fele
 Darnach nym ein zirkel ses in mit dem ein fuß mittē auff die lini / in den punctten .5. vñ
 mit dem andern fuß in den punctten .3. vnd reiß ein ganze runde lini/durch den punctten .7
 oben vñ vñden herum/Darnach ses ein zirkel mit dem eyn fuß /in den punctten .a. vñ mit
 dem andern fuß in den punctten .3/ vñ dann reiß rund vñdersich herab/Darnach ses den zirkel mit
 dem eyn fuß in den punctten .a/ vñ mit dem andern in den punctten .7. vñ reiß auch vñ dann
 vñdersich herab/wo dan die zwen runden rñß sich schliessen/da ses ein .e. Darnach reiß vñder der zir
 ckellini ein zwerch barlini gegen der obern .a. b. vñ wo dise zwerch lini von den langen runden rissen
 durch schneiden wirdt/in die selben punctten ses vñder dem punctten .3. ein .c. vñ vñder dem punctte
 7. ein d Darnach reiß ein auffrecht lini auß dem punctten .5. in den winkel .e. Vñ wo sie die zwerch
 lini .c. d/ durchschneit/da ses 10/ Darnach theyl das zirkeltrum zwischen .3. vñ .10. mit eyn punctten
 f. in der mitt von eynander/ Darnach teil das ander trum zwischen .10. vñ .7. anch mit eyn punctte
 ten .g. in der mitt von eynander/ Vñ dann ses ein zirkel/ mit dem eyn fuß/in den punctten .f. vñ
 den andern in den punctten .d. vñ reiß rund vñdersich / durch die auffrecht .5. e. Darnach ses den
 zirkel mit dem eyn fuß auff die ander seyten in den punctten .g. vñ den andern in den punctten .c. vñ
 reiß von dann vñdersich/wo sich dan diese zwü krum linien schliessen an der auffrechten .5. e. da ses ein
 h. Darnach teyl .h. 10. mit einem punctten .i. in zwey gleiche felt / vñ ses den zirkel mit dem ein fuß
 in den punctten .i. vñ dem andern in die zirkellini .c. h. auff das kürzest so du sie er reychen magst /
 Vñ reiß von dann rund herum/byß zü dem andern rñß .h. d. Also ist dise eyer lini gemacht / wie sie
 dann hie vñden mit allen nöttigen linien / vñ auch bloß auffgeriessen ist.



Es wirdet von notten seyn/das man wyß einem zirkeltrum seyn Centrū oder mittel punctt
 zūfinden/Das macht man gleich durch den weg wie vor angezeigt das man ein auffrechte
 lini/auff ein zirkeltrum setz/thū jm also/das fürgegebē zirkeltrum sey.a.b.nun nim ein zir
 kel/vnd setz in mit dem eyn fuß in den punctten.a. vnd den andern setz ein wenig ins zirkel
 trum hyn ein/vnd reiß ein runden ryß vbersich vnd vndersich/so weit du des bedarffst/Darnach nym
 den zirkel vnd setz in mit dem ein fuß in den punctten / den dein krümmen ryß im zirkeltrum gemacht
 hat/vnd reiß mit dem andern fuß auß dem punctten . a . runde vbersich vnd vndersich / wo sich
 dann die zwen runden ryß oben vnd vnden schliessen/da zeuch eyn gerade lini durch/ vnd sollent vn
 dersich so fer/du der bedarffst. Also thū jm auch auff der seyten. b. so werden sich die zwū geraden liniē
 vnden da sich das Centrum findet durch eynander schliessen / da hyn setz eyn. c. Also ist der Centrum
 zū disem zirkeltrum fūnden/wie ich das vnden hab auffgeriessen.




Est nützlich zu wissen / so drey puncte vngleich gestellt werden / das man sie behend so man seyn bedarff / in eyn zirkel verassen müg diß mach also / Die drey puncten seyen .a. .b. .c. die zeuch mit zweyē geraden liniē zusamē .a. .b. vnd .b. .c. darnach thu im zūgleicher weis wie vorn in der .21. figur angezeigt ist / sūch die mittel beider liniē .a. .b. vnd .b. .c. vnd laß die zwü gerade liniē so die zwü für gegebenē liniē .a. .b. vñ .b. .c. ytliche in der mitt von eynander teylen vnder sich herab durch eynander streichen / vnd so es not thut / so erlenger die bed gerad teilliniē / Darnach nym ein zirkel vnd setz den mit dem ein fuß in den puncten .d. vnd den andern in den puncten .a. vnd reiß darauß ein ganken zirkel ryß / so rürt der zirkel / die drey puncten .a. .b. .c. wie ich das vnden hab auffgrieffe.




Ach soll man wissen zu finden / so ein weyter zirkel ryß an ein gerade lini rürt / das man dan enge halben der winkel so die liniē so nahe zusam lauffen / nit wol sehen kan / wo sie rüren / das kan man durch disen nachfolgetten weg zu wegen bringen / Setz ein zirkeltrum .a. .b. vñ eyn gerade lini die sie an rürt .c. .d. Nun nym ein zirkel setz in mit dem ein fuß in das end .c. vñ mit dem andern fuß reiß ein wenig hynem gegen dem end / d. ein runden ryß vnder sich vnd ober sich / wo dan diser ryß die lini .c. .d. durchschneyt / da setz ein .e. Darnach nym den zirkel vnuerrückt / vnd setz in mit dem ein fuß in den puncten .e. vnd reiß mit dem andern fuß rund durch das end .c. wo sich dann dise zween rund ryß oben schliessen da setz ein .f. aber vnden ein .g. Darnach reiß auß den zweyen punctē .f. .g. ein gerade lini / wo dise lini die zwerch .c. .d. durchschneyt da setz ein .h. wo sie aber durchschneyt das zirkeltrum .a. .b. da setz ein .i. Darnach zeuch auß dem puncten .i. ein zwerch barlini. gegen der obern zwerch lini .c. .d. wo dann dise lini das zirkeltrum durchschneidt / gegen dem end .b. da setz eyn .k. Darnach nym die leng .i. .k. vnd leg sie auff die lini .c. .d. mit dem eyn end in den punctē .h. vñ jr leng schneyd gegen dem .d. mit einem puncten .l. ab / Darnach zeuch .l. .k. gerad zusamen so wirdt darauß eyn ablang strung .h. .l. .k. .i. nun so du das mittel wilt finden / in welchem puncten die krum lini .a. .b. die gestreckt .c. .d. anrürt / so nym ein zirkel / setz in mit dem ein fuß in den puncten .l. mit dem andern reiß durch den puncten .h. rund ober sich vnd vnder sich / Darnach verker den zirkel / vnd setz in mit dem ein fuß in den puncten .h. vnd reiß mit dem andern fuß rund durch den puncten .l. ober sich vnd vnder sich / wie das in der .21. angezeygt ist / wo dann dise zween runden ryß sich oben schliessen / da setz ein .m. aber vnden eyn .n. Darnach reiß eyn gerade lini .m. .n. wo dann dise lini / die zwerch .c. .d. durchschneyt da setz eyn puncten .o. der ist das ort / da die krum lini .a. .b. die gerad lini .c. .d. anrürt / wie du das hie vnden auffgeriessen sihest.

25




Wer ist es/das zwü linien/die da in einem puncten eyn spizigen winckel machen/ allweg enger züsamen gezogen mügen werden/vnd doch ewiglich nymmer mehr züsamen komen des zü einer anzeigung vernym es also/Es seyen zwü barlinien/die ober.a.b.die vnder.c.d aber die zwü linien söllen bey iren enden.b.d. an end hyn auß gezogen werden/oder im syñ gedacht/Sodu dann die ober barlini.a.b.gradirst/ mit puncten vnd zallen an entlich/vnnd zeuchst dann eyn lini/von der vndern lini/ auß dem puncten.c.an die ober lini.a.b. in den puncte.1. so mache dise orlini.c.1.ein spizwinckel.c.Darnach zeuch für vnd für/von dem puncten.c.gerad linien/an die

ober lini. a. b. in all puncten. $2/3/4/2^e$. also in eyn vntliche zal / so neyge sich dise ortlini stetiglich /
 neher zu der barlini / c / d / vñ macht für vnd für eyn engern winckel / darumb das sie stet neher zu der an-
 dern laufft / vnd komen doch ewiglich nymmer meer zú samen / wie ich das hie vnden hab auffgerissen.



S mag ein ewige lini erdacht werden / die da stetiglich zu ein Centrum eynwarts / auch an
 dem andern teyl in die weyten ober einander laufft / vñ nymmer mehr zu keym end kombt / Di-
 se lini kan man mit der hand der vntlichen grösse vnd kleine halben nit machen / Dann jr
 anfang vnd end so sie nit sind / ist es nit zu finden / das fast allein der verstand / Aber ich will sie vnden
 mit ein anfang vñ end / so vil dan möglich ist anzeigē / Ich heb an bey ein puncten. a. vñ zeuch dise
 lini zirkelsweis hynein / als solt sie zu ein Centru lauffen / vñ so offft sie in eynander laufft / brich ich der
 weiten zwischē der lini ein halbtteil ab / des gleichē thū ich / so ich mit der lini vom .a. heraus lauff / so offft
 ich mit jr ober eynander lauff / so offft gib ich der lini eyn halbtteil zu / von der weyten / Also laufft dise lini
 ye lenger ye enger hynein / vñnd lenger ye weyter heraus / vñnd kumbt doch nymmer meer zu keim ende /
 weder hynein noch heraus wie ich das zúerstehen hie vnden hab auffgerissen.

27




S Denach will ich aber ein breuchliche lini lerē machē / die sich einen sondern weg beugt / Erstlich
 mach ein zwerch lini. c. d. die theyl mit 9 puncten in 10 gleiche felt / vnd auff den mittel punct-
 ten 5 stel eyn auffrechte lini / zu gleichen wincklen die sey oben. a. vnden. b. Dise lini. a. b. / theyl
 mit 19 puncten in 20 gleiche felt / vñ heb von vnden an zu zelen ober sich / $1/2/3/2^e$. Darnach nym eyn
 richescheyt vñnd stich die leng b. d. / darauff / diser leng end. bezeichnen mit / e. f. / mit diser leng werden alle
 puncten der krumen lini anzeigt die man hie machen will oder soll / Darnach nym eyn theyl auß b. d.
 vnd teyl in 3 gleiche felt / mit der selben dritteyl einem / erlenger den fürgenomen theyl / vñnd nym eyn
 zirkel thū in auff so weyt diser erlengt theyl ist / vnd behalt in stett / vnd miß also mit / sey in mit dem eyn
 fuß in den puncten. d. vnd mit dem andern fuß reiß ein rundes zirkeltrum ober sich / Darnach nym
 C

Diß sind die zwü krumen linien die durch vorbeschrybten weg gemacht werden.


die vorigē leng. e. f. die du auff dein richtschend gestoch
 en hast / vñnd leg sie mit dem einen ende. e. an die auff
 recht lini. a. b in den punctten. 1. vñnd das ander end. f.
 leg auff das zirkeltrum das es anrür / daselb setz von
 newen ein punctten / 1 / Darnach leg dein richtschende
 aber von newem mit dem einen end. e. an die lini. a. b /
 in den punctten / 2 / vñ setz darnach den zirkel mit dem
 einen fuß in den new worden punctten / 1 / vñ mit dem
 andern fuß reiß eynd rund trum vber sich wie vor / wo
 dan die vordacht lini mit dem end. f. die krumē anrürt
 da setz ein punctten / 2 / also thū jm darnach durch die
 ganz 3 al so hoch du komen magst / darnach zeuch dise
 lini in jr krumē vō punctt zū punctt durch jr 3 al / dise li
 ni hab ich hernach zwifach aufzogē mit einer kürzern
 lini. e. g. die krumen oben in der krum neher zūsamem
 dann vñden / diß ist nachfolget also auffgeriessen.

28




Diese vorgemachte lini ist noch eins andern wegs zū endern / nemlich / durch ein solche meynung / Erstlich muß die lini. e. f. die verrückt wirdt vñnd damit dise lini gemessen wirdet gradirt vñnd verzeichnet werden mit .16. punctten in .17. felder / Des gleychen muß sie auch in einem ytlichen verrückten auf legen / vñnd der theyl einen abgeschnyttten werden / Aber solche teyl der lini. e. f. müssen nit einer groß seyn / dann die grad sollen sich gegen dem. e. ergrössern vñnd gegen dem. f. kleyner werde / Solche endrung der grad in dein richtschende zū stechē / müstu finden auß dem vorbeschrybten dryangel. a. b. c. durch den runden ryß. b. e. in der achten figur / doch neig die lini des dryangels. a. b fast von dem zirkeltrum. b. e. auff die seyten. so dann das zirkeltrum. b. e. mit 16. punctten in 17. gleyche teyl geteylt wirdet / vñnd dann auß dem punctten. c. mit gestrackten linien durch die punctten in. b. e. gerissen wirdt / byß an die lini. a. b. so werden die teyl in a. b gegen dem. a. fast groß / aber gegen dem b.

kleyn/ So nun des dryangels lini. a. b. mit puncten vñ ziffern gemacht ist/ vñ die erst zal bey dem klein-
 sten theyl. b. anfehrt/ dann nym sie vñ punctir sie auf dein richtscheyd. e. f. vñnd fer das. b. aufs. f. so
 kumbt das. a. aufs b. wie ich dann das in dem negst folgetten dryangel hab aufgerysen.




W Er dise andre krumme lini machen will
 der muß darzu die ersten vorgemachten
 lini gebrauchten/ nemlich die aufrecht. a
 b. die krum vñ die ortlini. e. f. wie sie dan
 punctirt worden ist/ nun mach das also/ Erstlich
 gebrauch dich der aufrecht lini. a. b. mit weytter dan
 auff 17 puncten/ des gleichen auch der krumen lini
 ni/ vñnd wie die ortlini. e. f. in der zal gestigen ist/ die
 laß bleyben wie vor/ So du aber die new punctirt
 lini. e. f. von vnden auf den vorigen linien auf stey-
 gen lest/ so nym jr allweg vorn bey dem end. f. so offte
 sie steigt/ eyn grad in der zal ab/ byß das der lini. e. f.
 in der obersten ortlini nichts mehzt vber bleibt/ das ge-
 schicht in den 17 puncten/ der aufrechten vñ krum-
 en lini/ Darnach zeuch dise new wordne krumme lini
 von punct zu punct/ so sichst wie sie ein gestalt
 gegen der ersten krumen lini gewindt/ wie ich das
 hie hab aufgerysen.

30




S Vuor soltu wissen das dise krumme lini/
 mancherley weiß züuerkern ist/ aber auß
 in allen will ich sie noch eyn mal also ver-
 kern/ die aufrecht gerad lini. a. b. mach eyn vierteyl
 kürzer dann sie vor ist/ vñnd theyl sie wider wie vor
 mit 19 puncten in 20 felt/ Aber die felt zwischē den
 puncten müssen vñde gegen der myndern zal weit-
 ter/ vñnd oben hynauf gegen der größern zal enger
 werden/ doch durch ein rechte ordnung Solche teyl-
 lung diser lini/ mach durch den forgedachten dryan-
 gel. a. b. c. der achtē figur/ Doch muß für das zirckel
 krum. b. e. die fürgenomenn kurz gerad lini. a. b. ge-
 braucht werden/ nun thu im also/ So du den dryan-
 gel machst so nym die rechteleng der vorige aufrecht

ten lini. a/b/ mit iren 19 puncten damit sie getheylt ist in 20 gleyche felt / vnnnd setz sie aufrecht / auf die zwerch lini b/c/ vnd mach die zwerch lini/b/c/ ein sechs teyl lenger dann die aufrecht/a/b/ also das. a.b.c. vnd b.c. sechs hab/ Darnach zeuch den ortstrich/a/c/ vnd nym die fürgenomen kurz lini. a.b vnnnd leg sie vnden/mit irem end.b. auf des dryangels winckel/b/ vnd neig sie oben mit dem end/a/ gegen dem /c/ byß das sie oben mit dem end/a/die ort lini/a/c/anrürt/Darnach reiß auß allen puncten/der langenn lini.a.b gerad ryß gegen dem winckel/c/ wo dann dise streim liniem/die kurz lini/a/b/ durchschneiden/ dahyn setz all puncten vnnnd zyfer der langen lini /a/b/ Also ist dise kurz lini/a/b/vergleichlich geteilt/ doch werden die felt vnden herab/zwischen den puncten ye lenger ye weyter/ vnnnd oben hinauf enger man soll auch mercken/ye meer man die teyl in/a.b/vnden grösser vnd oben enger will machen ye lens ger soll man die zwü lini/b/c/vnd/a/c/machen/so kan man die kürzer lini/a/b/ oben dest weyter hynder sich leinen/ Doch wo es not thut mag man die lini/ a/ b/ die man in der theyllung endern will / kürzer oder lenger machen / damit sie den ortstrich/a/c/ erreich/ Disen obgemelten dryangel/ mit der verender ten lini.a.b.hab ich vnden aufgerysen.




S Nun dise kurze lini. a.b. gemacht ist/ so stell sie aufrecht an der ersten beschrybnen lini stat/ a.b. darauff du die erst krum lini gezogen hast/vnd gebrauch dich aller vorbebeschrybnen mesung/durch die zal leng höch vnd weyten/wie das in der figur angezeigt ist/ vnnnd punctire darauff die new krumme lini kumbt /Dise lini lauff dir bogens weis weyt ober die aufrecht lini.a.b/dise lini ist zu brauchen in den blettern /vnder ein horn reifen vnder ein captel/ sie ist auch zu brauchen zu ein

thuren dach/oben in den 14 grad/ Ich hab auch der mauren dicken hie bey angezeigt mit der innern li
ni/da bey du merckest wie vil die mauer oben dünner soll seyn dan vnden/diß gibt sich in der maß selbst/
Solchs hab ich hie vnden aufgerissen.





Du nöttte n ist den Steynmessen zu wissen / wie sie ein halben zirkelrifs oder bogen lini in
die leng sollen ziehen/das sie der ersten in der höch vnd sonst in allen dingen gemess bleyben
von der gewelb wegen die sie schliessen/diß wöll wir also machen/Mach ein vberlengte vier
rung/noch so lang als hoch/oben.a.b.vnden.c.d.Darnach teil die lini/c/d/mit eym punctten e/ in der
mitt von eynander/vnd nym ein zirkel/setz in mit dem ein fuß in den punctten/e/vñ reiß mit dem an
dern fuß auß dem punctten c ein runden rifs vber sich herum/byß in den punctten d/ so rürt diser bogen
die ober lini.a.b. Darnach teyl die lini./d/mit eylf punctten in 12 gleiche felt/vnd far auß allen punct
ten mit geradē barlinien vber sich in den bogē/Darnach mach neben dise vberlengte firung zū gleich
er höch vñ stellung/ein andre noch meer vberlengte fierung deins gefallens/die sey oben.f.g.vnden.h
i/vnd teyl sie mit eylf aufrechter barlinien in 12 gleiche felder wie die erst/Darnach zeuch auß allen
punctten/des ersten bogens die durch die eylf aufrechten linien darinn worden sind/ober zwerch gerad
barlinien/durch die aufrechten linien in der lengern fierung/wo sich dan die creuz linien schliessen/da
hyn zeuch die lengern bogen lini/vnd heb beym/h/an vnd zeuch sie von punctt zū punctt/byß du kumst
in den punctten i wie ich dann das vnden hab aufgerissen.

E iij




Die alten haben angezeigt/ das man dreyerley schnydt durch ein kegell mag thun/ die da vnder
 schydlich von einander sind vnd die mit dem fuß des kegels nit ein gleyche zirkellini haben /
 sonst mag man den kegell in der mit von eynnander schneiden/ der wirdt geformbt wie der ke-
 gell/ des acht man auch nit/ Aber die andern drey schnydt machen/ ytllicher ein sondre lini/ die selben liniē
 will ich lern aufreissen/ Den ersten schnydt heysen die gelerten Ellipsis/ der schneidet den kegell schleyms
 ab/ vnd nymbt dem fuß des kegels nichts weg / Diser schlemer schnydt mag an einer seyten höher/ an
 der andern nydrer genūmen werden/ also das ein seyten neher vnd die ander weyter zū irem fuß hat/
 Der ander schnydt ist im aufreissen/ ein barlini/ mit der seyten des kegels. a. b. oder vmb fert/ wie man
 will/ den die gelerten Parabola nennen/ Der dritt schnydt ist im aufreissen/ eynn aufrechte barlini/ mit
 der lini die da auß dem Centrum des kegels fuß vbersich gezogen wirdet/ in des kegels spitz . a . Den
 nennen sie Hiperbole/ diser dreyer schnydt namen weis ich auf deusch nit zū sagenn / wir wöllenn in
 aber namen geben/ dabey man sie kennen müg/ Die Ellipsis will ich ein eyer lini nennen/ darumb das
 sie schyer einem ey gleich ist/ Die Parabola sey genennt eynn brenn lini/ darumb so man auß irem spie-
 gel macht so zündt sie an/ Aber die Hiperbole will ich eynn gabellini nennen/ Nun so ich auf reissen
 will die eyer lini Ellipsis / muß ich zū vor den kegell aufreissen/ vnd den schnydt darinn anzeigenn / des
 gleichen den grund darunder machen dem thū ich also/ Des kegels spitz sey oben/ a. vnd der fuß vnder
 b. c. d. e. nun reiß ich auß dem. a. ein aufrechte lini herab/ vnd der schlemer schnydt durch den kegell sey oben
 f. vnder. g. disen schnydt. f. g. teil ich mit 11 puncten in 12 teyl/ vnd heb die zal vnder dem. f. an. vnder di-
 sem kegell reiß ich seyn grund / so wirdt das. a. ein Centrum. vnd . b. c. d. e. seyn zirkellini / wie das der
 aufrechte kegell gibt/ So nun auß allen puncten aufrecht linien/ von im herab fallen in den grund/ so
 durch schneyden dise linien/ als. f. g. vnd die zaln die darzwischen sind. 1. 2. 3. 2ē den zirkeltrys/ die bezei-
 chen ich auch mit iren bustaben vnd zifern/ So das gemacht ist alsdarn nym ich ein zirkel/ vnd setz in
 im kegell mit dē ein fuß in die aufrechte lini. a. in der höch des schlemer schnydes. f. g. des puncten. 1. vñ
 in diser höch setz ich den zirkel/ mit dem andern fuß/ heraus an die lini. a. d. vnd behalt dise weyten mit
 dem zirkel/ vnd drag sie in den nyder gedruckten grund / vñ setz den ein fuß des zirkels/ in den Centru
 a. vñ den andern fuß/ setz ich auf die gestreckt lini. 1. vñ reiß rund hyn auß gegen dem. d. bis wider zū der
 lini. 1. Darnach setz ich den zirkel wider mit dem ein fuß in dē kegell auf die aufrecht lini. a. in der höch
 des punctē. 2. des schnydes. f. g. vñ den andern fuß setz ich in die lini. a. d. vnd trag die selb weite wider
 in den grund/ vnd setz des zirkels einen fuß/ ins Centrum. a. vnd den andern fuß auff die gerad lini 2
 vnd reiß von dan rund gegen dem. d. bis wider auff die gerad lini. 2. Also thū ich im vort bis auff . 4 .
 Darnach went ich den zirkel in der zal. 5. mitt dem ein fuß auf die lini. a. b. vnd drag das herab/ vnd
 reiß im grund rund herum/ auß dem Centrum. a. von der gestreckten. 5. gegen dem. d. bis wider zū dis-
 ser lini/ 5 / Also thū ich im darnach durch die ganzen zal/ drag all ding auß dem obern kegell in grund/
 Darnach mach ich auß disem grund die bloße lini Ellipsis also / ich reiß die leng des schnydes. f. g. auf-
 recht/ wie sie dann mit iren eilff puncten in 12 gleiche felt geteilt ist / vnd reiß durch all puncten eilff
 zwerch barlinien / Darnach nym ich die breiten auß dem grund / auf der geraden lini. 1. so weit sie der
 zirkel abschneydt/ vñ drag sie zū dem schnydt. f. g. setz sie auf die lini. 1. vnd punctir die breytē/ zū beider

seyten/Also thū ich im durch die ganken zal/so dann dise puncten zu rings herum gemacht sind/ als
 dan zeich ich die eyer lini Ellipsis von punct zu punct/ wie ich solchs hie bey hab aufgerissen.



Die Parabola ist gleicher weis zu mache/ als die Ellipsis/ Ich reiß erstlich den kegell. a.b.c.d.e. vñ
 darin die aufrecht lini. a. vnd schneid das parabel/ von oben herab bis durch des kegels fuß/ al
 so das diser schnyt/ ein barlini sey gegen des kegels seyten. a.b. vnd diser schnyt sey oben f. vnd e
 g.h. Darnach teil ich f.g.h. mit eylf puncten in 12/ gleiche felt/ vnd reiß zwerch linien durch all punct
 ten in f.g.h. vnd die so auf der seyten sten gegen. a.d. die selben zwerch linien zeich ich von der aufrecht
 ten. a an des kegels lini oder seyten. a.d. Aber die an der andern seiten sten die zeich ich von der aufrecht
 a. an die seyten lini des kegels. a. b. darnach mach ich de grund des kegels vnder dem kegell/ des Centru
 a. vnd zirkellini. b.c.d.e. ist. Darnach laß ich auß allen puncten der zifer vnd f.g.h. gerad linien / auß
 dem kegell herab fallē / durch den rundē grund / vñ bezeichnen sie darin mit iren ziffern/ zu gleicher weis
 E iij

wie das vor im grund der eyer lini Ellipsis angezeigt ist / Dann setz ich den zirkel / mit dem ein fuß im grund ins Centrum. a. vnd den andern fuß auff die gerad lini. j. vnd reiß gegen dem. d. rund hin auß / biß wider zu der lini. j. Das thû ich auf allen gezifferirten linien / biß das ich gar zu / g. h. kumb / so sichte man von stund an vor augen / des parabels schnyt / im nyder getruckten grund / Sodas als vertig ist / so reiß ich die lini des parabels oder brenn lini / auß disem grund also / ich reiß ein zwerch lini / stel darauf aufrecht / die höch des parabels / im kegell. f. g. h. darnach nym ich auß dem grund die breyten. g. h. vnd stell sie auf die zwerch lini / also das die aufrecht. f. in der mitt stee / vnd zeichen dise zween puncten mit g. h. Darnach far ich mit eylff linien durch all puncten der aufrechten. f. so weit ich der bedarfft / vnd drag auß dem grund alle breyten durch die zal / von allen geraden linien / die durch den zirkelris abge schnyten sind / zu der aufrechten. f. vnd punctir sie zu beyden seyten / das die aufrecht. f. allweg in der mitt bleib / Als dann zeuch ich die brenn lini parabola / von puncte zu puncte / wie ich das hiebey hab aufgerissen.









Du aber auß dem Parabel oder Brenlini / hie vorn gemelt eyn ankünd spiegel mach
en wilt / so mach den kegell / darauß du das parabel schneiden wilt / mit seym spitz nit hö
her dann so breyt vnden sein fuß ist / oder das der kegell ein rechter dwangel sey / So du
dann ein parabel darein schneidest / vnd nymst die selb lini / vnd machst ein hollen spie
gel darauß / so schneydt in vorn ein wenig ab / so brent er starck in dem puncten die zü
samen fallen / so die radi der sunnen darein geworffen werden / die sich wider herauß brechen / das zü
uersteen mustu vor mercken / das ein ytlich ding das sich in einem spiegel erscheynt / wie es hyn ein felt /
also bricht es sich wider herauß / vnd wirdet doch das dinnen gesehen an der gegenwertigen stat / des
das heraußen ist / darumb wirdet das linck recht vnd widerum / das will ich zü besserem verstand vnden
aufreissen / Also ich reiß ein zwerch lini. a. b. darbey verstee ein planen spiegel / oder ein wasser darein du
sichest / Nun stell ich ein liecht. c. in der höch auf ein seytē / vnd stell ein mändlein dargegen auf die an
der seytē / das in den spiegel oder ins wasser sehe / des aug sey. d. so findt sich das liecht. c. dem aug nit eh
dāñ byß die winckel des liecht. radi. c. vnd des gesicht. d. streim linien gleich werden / das begibt sich als
so / Wenn du auß dem punctē. c. darin sich die widerbrechung begibt / ein aufrechte lini vber sich zeichst /
vnd ein zirkel mit dem ein fuß in disen puncten. c. setzt / vnd mit dem andern fuß von der lini. a. b. vber
sich herum reißt / vnd findest durch die maß das die radi des liecht. c. vñ des gesicht. streim lini. d. gleych
weyt von der aufrechten lini sind / so ist es der recht punct darinn das liecht funden wirdet / Wenn dāñ
dein gesicht vnder sich durch den spiegel streicht / vnd auß dem öbern liecht. c. ein aufrechte lini herab fele
so findt sich bey der durch streichetten lini. d. wie tyf sich das liecht im spiegel oder wasser erscheynt / Zü
gleicher weiß nach seiner art / stossen sich die radi der sunnen / im spigel der auß der lini des parabels ge
macht ist hergegen / vnd fallen all herauß in einen puncten / vnd brennen starck / vnd was die vrsach
sey / das haben die Mathematici angezeigt / wer da will mag lesen / Dise mein öbre meynung sichst
du vnden aufgerissen.




36




Wen will ich fürbaß aufreissen die gabel lini Hyperbole/ diß wirdet eben die vorig meynung sein/ ich reiß wider den keg. a.b.c.d.e/ Darnach reiß ich in djsen keg. ein aufrechte barlini / gegen der aufrechten. a. die sey oben. f. vnden g h damit abgeschnyttten wirdt die seyten/ d/ diß sen schnytt der gabellini hiperbole/ f/g/h/ teyllich mit eyß punctten in 12 felt. vnd far auß allen puncttē/ von f/g/h vnd ynfern/ mit barlini ober zwerch so weit ich der bedarf/ vnd reiß auß der seyten ein aufrechte lini/f/ durch all dise zwerch linien/ Darnach mach ich den runden grund/ vnder dem keg. des Cētrum. a. vnd zirckelrñß. b.c.d.e. / vnd laß den schnytt des kegels / f/g/h/ durch disen grund schneyden/ vnd setz die buchstaben. g.f.h. darzu/ wie sich das auß dem keg. in grund wirft / Darnach nym ich eynn zirckel/ wie ich vorn angezeigt/ vnd nym mit die breyte des halben kegels/ auß einer yelichen zwerch lini/ der lini. f.g.h/ vnd trag die herab in grund/ vnd setz den zirckel mit dem ein fuß ins Centrum. a. vñ reiß mit dem andern fuß gegen dem/ d / all zirckelrñß/ die dan ab geschnyden werden mit der lini/ g/f/h/ vñ setz jr zaldarzu/ Darnach nym ich die breiten auß dem grund auß allen geraden linien / die zu beyden

seyten abgeschnyden sind worden / vnd drag sie zu der aufrechten lini / f / vnd kum mit zal auf zal / vnd punctir die breytten zu beyden seyten der aufrechten / f / neben dem kegel von der zal. 1. herab byß auf / g / h / Darnach zeuch die gabellini Hyperbole / vonn punct zu punct / wie ich das hie vnden hab aufge-
 ryssen / so eygentlich / ob schon keyn schryft dabey wer / vermeint ich / diß solt alles durch sehen kântlich
 seyn.




A Wer will ich ein lini ziehen / die in mancherley sachen zu brauchenn ist / die mach ich also / Ich
 reiß eyn lini oberzwerch / der anfang sey .a. vnd end .b. vnd heb nach dem .a. an zu zelen / vñ setz
 auf diser lini .16. puncten in gleicher weiten nach eynander / doch das zwischen dem end .b.

vnd de puncten 16 ein trum vngeserlich ober bleib/ Darnach setz ich ein aufrechte lini/ auf die zwerch lini. a. b. in den puncten. 12. so lang die zwerch lini. a. 16. ist/ vnd punctir sie auch mit disen zalen / vnd zel von vnd ich ober sich/ Darnach nym ein richtscheidt/ vñ stich darauf die leng. a/ b. vnd setz das mit dem ein end/ auf die zwerch lini. a. b. in den puncten .1. vnd leg es in der aufrechten in den puncten. 1. vñnd wo das ander end des richtscheits hyn trifft/ da setz ich auch ein punctenn. 1. Darnach leg ich das richtscheid mit dem ein end auf der zwerch lini. a. b. in den puncten. 2. vnd erhebs an der aufrechten lini in den puncten. 2. wo dann das ander end des richtscheits hinterift/ dahyn setz ich auch ein puncten 2. Also thū ich im durch die ganzē zal der zwerch vnd aufrechten lini / biß das ich im durchschließen zū 16 zaln kom/ Darnach zeuch ich dise muschellini vonn puncte zū puncte / wie ich dann hie vnden hab aufgerysse/ dise lini ist in mancherley weis zū verkeren .




S Diser egemachten lini mag man ein werckzeuig zū richten/ damit man sie machen kan leichtiglich/ nemlich also / Mach ein vierecket holz so lang du seyn bedarffst oberzwerch / des anfang sey vorn. a. hinten. b. darcin stoß oben ein tiefe niet/ das etwas darinn hyn vnd her geführt müg werden/ vnd theyl das holz/ mit puncte vnd zalen in so vil teyl du wilt / vnd heb die zal bey dem. a. an/ Darnach mach in der mitt an ytlicher seyten diser zwerch laden/ zwey aufrechte dünne richtscheitlein/ so lang das zwerch holz oder ladē ist/ vnd das sie eng bey einander sten/ vnd punctir sie gleich mit der zal/ als das zwerch holz oder die ladē punctirt ist/ vñ heb die zal vnden an/ Darnach mach ein feins lenslein/ so lang oder kurz du das habē wilt/ vñ mach im zūhynderst ein umblaufes redlein/ das in die mitt/ der niet/ in der zwerch laden. a. b. gerecht sey/ darines hyn vnd her geen müg/ Darnach schieb das lenslein zwischen die zwey richtscheitlein hinaus gegen dem teyl. b. vñ setz das hynden oder vnden mit dem redlein in die mitt des zwerch holz/ gegē dem. a. in den erstē puncten. 1. vñ leg das lenslein zwischē den holzern auch nider in den vnderstē punctē .1. vnd wañ du dan mit dem redlein vnden gegen dem richtscheit ferst/ vñ so weytdu hinein ferst/ so weytdu far allweg mit dem lenslein zwischē dem richtscheitlein ober sich/ biß das du vnden mit dem redlein durch die zwey richtscheitlein vnd gar ans end kumst /

wirdet dir das lenglein vorn mit der spitz dise lini furen/wie sie werdenn soll / Dise mein meinung hab
 ich nachfolget aufgerissen.




Q

Aber ein andre lini/die sey genant ein spüßen lini/darum dz sie im aufreissen/dardurch mans macht scheir einer spinnen enlich ist/die mach ich durch ein zwifache bewegung also/Zch reis eyn aufrechte lini.a.b.daran sez ich ein andre lini der end sey.c.vñ die lini.a.b.las ich im end a stet bleiben/Aber das end.b.für ich in zirkels weis herumb/wie ich dan der end im vmblauf vberal mit b.verzeichent hab/Darnach soll im end.b.die ander daran gestossen lini.c.mit jrem hyndern ende im puncten.b.auch stet bleiben/aber das förder end.c.soll in zirkels weis herum geführt werden/So dan die erst lini vngefürt/vnd die ander anstosset auch sonderlich herum geführt wirdet/so zeichent das end c.ein sonderliche lini/damit aber dise lini gewis geführt werd/so sez ich eyn zirkel mit dem ein fuß in de puncte.a.vñ reis mit dem andern fuß eyn zirkellini vnder dem/b/die gradir ich auch in theyl mit zif fern/dardurch die lini.a.b.von punct zu punct gewis gee/Des gleichē thū ich im auch im puncte.b.vñnd so oft ich mit der lini.a.b.eyn grad gee / so oft gee ich auch ein grad im zirkel.b.mit der lini.c.so zeichnet das end.c.die puncten zwischen den jr lini zusamen soll gezogen werden/die ich vberal mit.c.verzeichent hab/wie das nachfolgett aufgerissen ist.




Nachfolget will ich ein Instrument machen/damit man an vil end/hoch/nyder/zün seyteen/fürsich oder hynder sich/eyn schlangen lini deuten vñ reissen mag/Solchs instrument werde an stangen gebogen gewendt vnd vmbgeriben / vñnd in glidern der stangen sollen scheiben seyn/In der Centrum sollen die büg sein darin es vmb geet/ein teil mag fürsich das ander hynder sich oder wo man hyn will gebogen werden/oder alle mit eynander fürsich oder hynder sich/vñ in welchen


stangen man will/ sollen sie also gemacht werden/ das man sie von grad zu grad auß eynander müg
 rücken erlengen/ oder in eynander schyeben vnd verkürzen/ Vnd ein ytliche stang soll gemacht werde
 das sie von grad zu grad gewent oder vmgeriben müg werden auf welche seyten man will/ Man
 mag auch der scheiben vnd stangen vil oder wenig machen/ Darnach man dis instrument brauchē wil
 Vnd die vnderst stangen soll aufrecht gestelt werden/ mit dem vndersten teyl fest/ vnd auf kein seyten
 gebogen/ Dañ alle ding müssen an dieser stangen ombgeen/ aber in irem ombgang mag sie durch all
 grad in dem zapfen ombgeriben werden/ wie man will/ Aber das züuersteen/ will ichs also fürgeben/
 ich mach vier stangen / die haben oben vier scheiben als glider in der Centrum die stangen gebogē wer
 den/ vnd die scheiben sollen in irem zirkelrns mit graden durch ziffer gezeichnet seyn/ Vnd die leste
 kleinste scheibe/ soll nach irer maß ein lange nadel die auß irem Centrum geet habe/ die vmblauf/ dar
 durch der fürgenümmen lini gang angezeigt wirdet/ Dise nadel soll auch gemacht werden/ das mans
 auß eynander oder in einander schyeben / auf das man sie von grad zu grad lenger vnd kürzer
 machen müg / Solch obgemelt instrument mag man mancherley weyß verenderen / darnach es der
 gebrauch erfordert/ man mag es auch groß oder klein machen/ Aber von nöthen ist zumercken / das die
 stangen vnd scheiben/ nach rechter maß grösser vnd kleiner gemacht werden/ dann die hynderst soll die
 grost seyn/ die forderst die kleinste/ also das diß alles in der gestalt/ sterck vnd gewicht wolgeschickt sey/
 Das zu machen sind also/ Zum ersten mach die scheibern durch jr groß in solcher ordnung/ als groß die
 die scheiben haben wilt/ reiß ein rechte strung. b. c. d. e. vnd setz ein puncten. a. in die mitt/ vnd nym ein
 zirkel setz in mit dem ein fuß in den puncte. a. vñ reiß mit dem andern fuß/ ein zirkellini die die vier sei
 ten der vierung an rür/ diß ist die groß der ersten scheiben/ Darnach reiß zwü gestracket lini. a. c. vnd. a.
 d. vnd setz noch ein solchen halbeil außerb. c. d. daran / des eck sey. f. so findet sich die ander vierung. a.
 c. f. d. Darnach setz ein zirkel mit dem einen fuß/ mitten auf die lini. c. d. in ein puncten. g. vñ reiß mit
 dem andern fuß ein zirkellini/ die die seyten der kleinern strung. a. c. f. d. an rür/ diß ist die groß der ande
 ren scheiben/ darnach setz ein puncten. h. mitten auf die lini. b. c. vnd reiß ein gerade lini. a. h. so wirdet
 ein strung. h. c. g. a. Darnach teil. a. c. mit ein puncten. j. in der mitt von eynander/ vnd nym ein zirkel
 setz in mit dem ein fuß in den puncten. j. vnd reiß mit dem andern fuß ein zirkellini / die die seyten der
 strung. h. c. g. a. an rür/ das ist die groß der dritten scheiben/ darnach reiß ein gestrackete lini. j. h. vnd setz
 außerb. h. c. noch ein solchen halben teyl daran/ das selb eck sey. k. so wirdet ein strung. h. k. c. i. Dar
 nach teyl die lini. h. c. mit einem puncte. l. in der mitt von eynander in disen puncte. l. setz ein zirkel mit
 dem ein fuß/ vnd mit dem andern fuß/ reiß ein zirkellini der die seyten der strung. h. k. c. i. an rür/ diß ist
 die groß der kleinsten scheiben/ solchs stet in rechter ordnung / dañ die erst scheib ist zwey mal so groß als
 die ander/ die ander ist zwey mal so groß als die drit/ vnd die drit ist zwey mal so groß als die vierdt /
 Nun sollen die stangen ein ytliche viermal so lang sein/ als hoch die scheib ist / die man mit irem Cen
 trum darauf setz/ Darauf tregt sich zu das alle leng diser vier stangen/ mügen auß eyttel ortstrichen/
 oder diameter der strungen/ die sich auß einander veriungen genümen werde/ wie das auß der scheybē
 strungen genug angezeigt ist/ Item der stangen breyten müssen auch auß strungen genümen werden
 das merck also/ Die erst groß stangē mach breyt ein sibenzehen teyl von irer leng/ darvon schneid oben
 mit einer zwerch lini ein strung ab/ Darnach reiß auß dem mittel puncten diser strung zwü gerad li
 ni in die zwey seyten eck der strung/ vnd setz noch ein solchen halbeil daran/ so wirdet ein strung halb so
 groß als die erst/ Darnach zeuch die breiten der andern stangen auß diser new worden strung / so wir
 det sie auch ein sibenzehē teil breyt von jr leng/ Darnach thū jm zu gleicher weyß mit der dritten vñ vier
 ten strung/ oder ob du der meer wilt machen/ die auß einander veriungt werden / vnd zeuch allweg der
 stangen breite darauß/ so gewint ein ytliche nach irer maß ein rechte breytē/ also das eine eben ein form
 hab wie die ander/ Also schieben winden vnd reiben sich die stangē/ nach verruckung der strungen/ für
 vnd für ober sich/ vnd ire end deütten ein feine schneckenlini/ Vnd ob man in dise groß der stangen et
 was zirlich will ein reissen/ das find man durch dise obberürte meinung gleich ein zuteilen/ dañ durch
 diß werde die bossen der grossen vñ klein ding gleich an einander/ Vnd welcher diß instrument mache
 der sech gar eben auf/ das die geng so man sie vmbfür nit an einander irren/ Auch heft die stangen in
 der scheyben Centrum / eine auf der rechten seyten/ vnd die ander auf der lincken/ an eynander/ also
 durch auß / vnd die stangen sollen züunderst omb gewent werden in iren graden / vnd in der mit der



stangen werden sie auß vñ ein gekogē
damit sie kürzer vñ léger gemacht wer
den solche ding strecken sich gar weyt/
dañ sie sind in treflichen dingē zūbrau
chen /im geben vnd nemen/vñ allerley
hand werckē/vñ wie diß instrument ge
macht soll werden / also hab ichs nach
folget aufgerissen/ Nun ist die brauch
ung diß instrumentz mancherley zūne
men / nach eins ytelichen wolgefallen/
vnd er sein bedarf.

41






43


Die geraden linien / halten sich in der leng / gar mancherley sort in jren geschlechten gegen eyn
 ander / der selben vnder schid will ich eins theils anzeigen / darum das sie zu vil dingen nützlich sind
 dan man kan mancherley werck darauff machen / dieweil es nit schlechtlich bey den linien blei
 ben wirdet / sonder die mügen vmbzogenn werden vnd ebne feldt oder ganze Corpora machen / wie
 dann das die werck auß nottorft erheischen / darauff vil breuchliche vnd nütze ding züerfinden sind /

D iii


Erstlich will ich etlich lini im abschneiden ordenlich gegen einander erlengē / das verstee also. stoß zwue
 gerad lini. a. b. vñ. b. c. zūsamē / also das das. b. ein rechter winckel sey / vñ zeüch ein gerade lini vber ort. a /
 c / Darnach teil. b. c. mit. 4 / punctten in. 5 / gleiche felt / vñnd reiß auß disen punctten / 1 / 2 / 3 / 4 / gerad auß
 recht barlinien vbersich byß an die ort lini. a. c. so werden dise linien all vier abgeschnyten / ganz verglei
 chlichen gegen einander / darauff man ebne oder Corpora ziehen mag / Dise meinung ist die schlechtest
 doch nüsslich im gebrauch / darumb hab ich die vnden aufgerysen.




D Iner andern art / vñd doch die vorig meinung / will ich lini en gegen eynander erlengē / durch
 die verrückung der punctten / nemlich also / Mach ein zwerch lini / a. b. so lang du der bedarffst /
 vñnd setz vier punctten darauf / den ersten punctten / 1 / setz nahent bey dem end / b / den andern
 punctten / 2 / setz so weit daruon als du wilt / den dnytten punctten. 3. setz zweymal so weyt von
 einander als / 1 / 2 / den vierten punctten / 4 / setz zweymal so weyt als / 2 / 3 / diser punctten mag man so
 vil setzen als man wil / auch in der erweiterung in der ordnung meer oder minder than / Vñd so die punct
 tten gesetzt sind / dann far auß jnen / mit geraden barlinien vbersich / so lang du der bedarffst / vñnd setz
 oben zū der lini / 1 c / 2 d / 3 e / 4 f / vñd dann zeüch auß dem punctte / c / ein ortlini / damit schneid ab all auß
 recht lini lang oder kurz / so gewinnen sie ein rechte maß gegen einander / vñnd so man felder oder Cor
 pora auß in machen will / so findet sich jr breite vñd dicke oben / wen man von jren enden auß der ortlini /
 f / g / mit einer geraden lini vber zwerch / an die aufrecht lenger lini fert / vñ die zwerch lini behalten auch
 jr besonder maß gegen einander / wie ich dan das nachfolget hab aufgerysen.






Wenn will ich einer andern art/durch ein zirkeltrum/linien gegen einander ziehen/vnd ordnen
 lich gegen einander erlengern/dem thü ich also/ Ich reiß ein zirkeltrum/b/c/ auß einem Cen-
 trum/a/vnd zeüch ein aufrechte.a.b.vnd ein andre zwerch lini.a.c.also das das.a.ein rechter
 winkel sey/Darnach theyl ich.a/c mit vier puncten in/5/felt/vnd zeüch auß dem puncten 4 aufrechte
 barlinien vbersich ins zirkeltrum.b.c.vnd wo sie das anrüren/da setz ich auf die zal/1 d/2 e/3 f/4 g/
 dise vier linien halten sich einer sondern art gegen eynander/Darnach went ich das zirkeltrum mit
 seinen bustaben vmb/also das/b/a/ober zwerch/vnd a c aufrecht werd/vnd dann zeüch ich aufrecht li-
 nien/auß den puncten des zirkeltrums.d.e.f.g/herab in die zwerch lini/a/b/ so halten sich dise linien
 auch einer sondern art gegen einander/vñ man soll auch mercken/wie sich bey disen lengen all irer brei-
 te vnd dicke begeben/vnd wie sich ein yde in irer gestalt gegen der andern halt/wie ich das nachfolget
 hab aufgerissen.




Nachfolget will ich durch ein hol zirkeltrum /die linien in irem ab vnd zunemen vergleichen/
 vnd anzeigen/was sie in einem plano oder Corpus für ein gestalt geben/so ir breite vnd dicke
 die zu irer leng gehört ersücht wirdet/dem thü ich also/Erstlich reiß ich ein aufrechte/rechte win-
 ckliche oberlengte fierung/die sey oben/a/b/vnden/c/d/ vnd setz ein zirkel mit dem ein fuß in den punct-
 ten.a/vnd den anden in das/b/vnd reiß von dann rund vbersich/bis in die seyten/a/d/Darnach theyl
 ich die seyten.c/d/mit vier puncten in 5 felt/vnd von dann zeüch ich vier gerad linien vbersich/bis an
 die hol zirkellini/vnd wo sie die rüren/da setz ich auf/1 e/2 f/3 g/4 h/ Nun sichstu wie sich dise linien ge-
 gen einander halten/vnd so sie oben mit einer zwerch lini abgeschnythen werden/was sie für ein breyte
 oder Corpus bis an die ander lenger lini erlangen/So ich nun dise fierung/auf ein seiten leg/also das
 d/a/oben vnd b c vnden komen/vnd far auß den puncten der holen lini.e.f.g.h.mit geraden linien her
 ab auf die zwerchen/b/c/so sichstu wie sie sich in der leng gegen einander halten/Vnd so ich auß den
 puncten.h.g.f/e/ober zwerch far an die lenger lini/so sicht man was es für ein ebne oder Corpus gibt/
 die mag man rund oder gefiert machen/Solchs sichstu nachfolget aufgerissen.



46



In andere meinung linien gegen einander zu erlengē schier durch den vorigē weg / mach oder reiß ein vierteyl eins zirkels. b. c. des Centrum sey. a. vnd teyl das mit / 4 / punctten in 5 gleyche felt / vnd far auß disen 4 punctten mit geraden linien / gerad vnder sich / auf ein zwerch lini / so finst du wie sich die linien gegen einander halten / vnd finst auch darauff / jr breite vnd dicke / etwas dar auß zu machen / wie ich das nachfolget hab aufgerysen.




Aber in summa / all aufrecht linien die ordentlich in gleicher oder vngleicher weitten neben einander / auf ein zwerch lini gestellt werde / die sind dreyerley weiß ab züscheiden / mit einer holē / vnd außgebogē zirkellini / oder mit einer ortlini lang oder kurz / gibt ein ytliches sein sonder art / Vnd wie woll es vor als gemacht ist / so verstee es doch yst noch klerer / Reiß ein zwerch lini. a. b. vnd stell vier aufrecht linien darauf mit zysern / 1 / 2 / 3 / 4 / bezeichet / vnnnd zeuch bey dem end / a / ein rechte lini vbersich / Darnach nym ein zirkel / setz in mit dem einn fuß auf dise aufrechte lini / vnd den andern fuß setz vnden auf die lini. a. vnd reiß durch all vier linien hynaus / so werdenn sie durch dise art in rechter ordnung abgeschnyden / So du aber die


linien kürzer gegen ein ander wildt ab / schneiden / so thue den zirkel weytter auf / vnd setz in in der aufrechten lini. a. höher dann vor / vnnnd den andern fuß setz wider vnden in die lini. a. in die vorig stat / vnnnd reiß durch die andern linien hynaus / so werden sie kürzer abgeschnyden dan vor / Dis ist nun mit dem

holen ruz abgeschnyden / Aber mit dem außgebogen zirkel schneid die egemelten linien also ab / zeuch
 durch das end / b / ein aufrechte lini ober sich vnd vnder sich / vnd setz den zirkel mit dem ein fuß vnden
 auf die lini / b / den andern fuß setz auf die zwerch lini gegen dem .a / für die aufrechten / 1 / vnd reiß vorn
 dan durch die vier linien die du abschneiden wilt / So du sie aber im abschnytt lenger gegen eynander
 haben wilt / so ruck den zirkel auf der lini / b / mit dem ein fuß ober sich gegen dem / b / vñ setz den andern
 fuß auf der zwerch lini / a / wider in den vorigen puncten / vnd reiß aber durch die vier linien / so werden
 sie lenger gegen einander abgeschnyden / Aber das ich den zirkel auf den geraden linien / a / oder / b / ver
 setz / geschicht von rechter geschickligkhey wegen / Dann der Euclides beyst in seym dnyttten buch seyner
 element / im zehetten theorema in der enyften proposißen / wenn ein grosser oder kleiner zirkel / innen an
 einander rüren / so stend alweg die zwen Center beder zirkel auf einer geraden lini / Auch weist alweg
 dise gestraekte lini die durch bede Center gezogen wirdt den puncten da die zirkel an einander rüren /
 das verstee also / Reiß auß dem Centro / a / ein zirkellini / 1 / 2 / 3 / vnd setz in disem feld der rundung / eyn
 puncten / b / wo du hin wilt / darnach nym ein zirkel vñ setz in mit dem ein fuß in den puncte / b / vñ mit
 dem andern in die zirkellini / 1 / 2 / 3 / vnd reiß ein kleiner zirkellini wie sie sich begibe / diser zirkellini Cen
 ter ist das / b / so du dann ein gerade lini reiß / auß dem Centrū / a / durch das Centrū .b / bis an die zirkelli
 ni / 1 / 2 / 3 / so zeigt dise gerad lini allweg an / wo die zwü zirkellini an einander anrürē / söchs gebrauch
 dich im vorgesezten abschneiden der linien / wie woll man den zirkel anderst setzen mag / das ist aber
 geschickter / Aber mit einer geraden lini schneidet man auch die vier fürgestelten linien ab / also das sie
 sich gegen einander meer oder mynder erlengen / das merck also / Setz den puncte darauß du mit der
 lini abschneiden wilt / in das end der zwerch lini / a / vnd reiß dan darauß gestraekt linien / durch die vier
 aufrechten / hoch oder nyder / dardurch du die vier linien vil oder wenig / gegen einander erlengen wilt
 wie ich das nachfolget hab aufgerissen .

48




Die geraden linien/die gegen einander abgeschnyttten werden / die sind dreyerley art/ die zwey
 erley geschlecht macht man durch zal/die ersten durch ein gerade zal der wurzel ist / 2 / die an
 der durch ein vngerade zal der wurzel ist / 3 / Darnach halten sich die linien einer solchen maß
 gegen einander die man durch die zal mit mag auß sprechen/dise drey ding verstee also/ Zum ersten setz
 vier linien neben einander/vnd brauch dich in der abteilung der geraden zal/die erst lini halt. 2. die an
 der. 4. die drit / 8 / die viert / 16 / Aber die vngeraden andern vier linien/die erst helt. 3. die ander / 9 / die drit
 27 / die viert / 81 / Also mag man die gerad vnd vngerad zal in bederley geschlecht der linien meern oder
 myndern vnd nit alweg doppel gegen einander brauchen/wie das ein ytlicher der ein wenig rechnen
 kan leichtlich versteeen wirdt / Man mag auch mit einer einfachen zal durch die linien steigenn/ Aber
 wie man die linien die man durch die zal mit teylen kan / teylen soll / ist in der negsten fordern figur an
 gezeigt/vnd die zweey geschlecht der geraden vnd vngeraden zal in linien zu brauchen / hab ich vnder
 angerissen/der mügen sich auch die Steinmessen gebrauchen in den außzügen/ Auch mag man die
 se linien lenger vnder sich hynab zuehen auf ein zwerch lini so halten sie sich aber anderst dann vor/ ges
 gen einander.




Tem wenn du zwü lini hast ein lange vnd ein kurze/vnd wille ein dritzte vnd kürzeste darzu fin
 den die in vergleichlich sey/ Also wie sich die zwü färgegeben linien/die kürzer gegen der lenger
 helt/das sich auch die new erfunden vnd mynst gegen der mittlern auch also halt/dem thu also/
 Stoß die zwü linien die lang vnd kurz/nach der leng ober zwerch an eynander / vnd heb bey der langē
 an vnd bezeichnen jr beder leng/a/b/c/ Darnach nym die leng der kürzern lini/b/c / vnd setz sie mit dem
 puncten/b/in den puncten/a/vnd neig sie mit dem puncten/c/woll nyder gegē der zwerch lini/a/b/c

vnd zeich dann von der geneigten lini auß dem puncten /c/ in den puncten /b/ auf die zwerchen eynn
 gerade lini/ dise ortlini macht ein dwangel /a/b/c/ Aber die vorgemelt kürzer lini /b/c/ laß folent gerad
 hinauß streichen/ so weit du der dürfen wirst / Darnach zeich ein gemesse barlini gegen der ortlini/
 b/c/ auß dem puncte /c/ der zwerch lini/ wo dan dise ortlini die fürstreichēt leinent lini /b/c/ durchschneid
 da setz ein /d/ so wirdet die lini /c/d/ ein vergleichliche lini gegen den zweyen fürgebenen linien /a/b/c/ vnd
 doch die mynst/ vnd helt sich eben gegen der mittlern wie sich die mittler gegen der größern helt / Dast
 die zwü barlini /c/d/ vnd /b/c/ teylen vergleichlich dise linien/ dyß ist fast ein nüzlich ding zu wissen vnd
 zūvil dingen breuchlich.




Doch ist durch ein gerade ein krum lini durch krumme liniē zūteylen also/ Reiß ein zirkeltrum
 a/b/ vnd reiß darnach /a/b/ gerad zūsamē / vnd teyl dise lini mit zweyen puncten /1/2/ in /3/
 teyl/ vnd setz ein zirkel mit dem ein fuß in das /b/ vnd mit dem andern reiß oben rund durch
 das .a./ Darnach laß den zirkel mit dem ein fuß/ in dem puncten .b. still steen / vnd thū den zirkel en-
 ger zū/ vnd reiß auß dem puncten .1. ein zirkeltrum/ durch das zirkeltrum .a.b. also thū jmauch auß
 dem puncten .2. so bleibt das /b. das Centrum zū allen dreyen ryssen / wie ich das vnden habaufgerys-
 sen/ dise teyllung ist zūvil dingen nüz.



S

Nu wie ich hie form angezeigt / also hab ich etlich lini aufgerissen / aber der sind noch an zal vil zu ziehen / zu allerley notturst / darausz man wunderliche werck kan machen / Vnd wer dem fördern nach sinnet / vnd mit der hand angreift / der wirdet seyn nutz darausz finden / vñ weytter gefürt.




S




Hernach folget das ander büchlein von
den ebnen felder.

Nach dem ich hie forrē angezeigt hab/ wie man etlich
linien ziehen soll/ will ich nun wie ich im anfang gemelt/ an die planos oder ebnen
komen / vnd etlich auß den selben figuren der vil sind leren machen / Damit man
aber verstee/ was ein planus oder ebne figur sey / ist das ein ding das durch die linis
en geendert vnd abgesondert wirdt/ vnd noch kein Corpus schleüßt / solch figuren
zeücht man eins teyls mit gestrackten eins teyls mit krumen/ vnd etlich mit geradē
vnd krumen züsamen gefestten linien/ vnd zu gleicher weiß/ wie die linien ein ebne schlyssen/ also schlyss
sen die ebnen die Corpora/ Nun ist wißlich durch den Euclidem/ das zwo gerad linien kein ebne schlyss
sen/ darumb machen sie kein figur/ dann sie machen kein genße / zeücht man sie paralel/ so ist ein ofne
zü beden seyten/ zeücht man sie dann das sie an einem teyl züsamen laufen/ so bleiben sie hynden ofen/
wie ich das hie vnden hab aufgerysen/ durch zwo barlini. a. b. vnd. c. d. Des gleichen zwo ander. e. f. vñ
g. h. die ein spiz machen.




Aber so zwo krum linien / die ein sey. a. die ander. b. mit iren hölenn / im ziehen gegenn ein
ander gefert werden/ so schlyssen sie ein figur/ Auch schlyssen sie ein figur / wenn das außge
bogen gegenn dem eynbogen gerysen wirdet / dise figur gewint die gestalt des neuen Mon
scheins. Des gleichen so ein krumme. d. ober ein gerade lini. c. gezogen wirdet. schlyssen sie auch ein figur
Auch gewint ein krumme lini die ein feldt schleüßt kein eck/ vñ ob der zug gleich ablang wer hynwiderum
kein ebne die mit geraden linien ombzogen wirdet/ kan an eck oder winckel gemacht werden/ also ist es
auch gestalt in den ganzen Corporibus / wie ich das vnden hab aufgerissen.




e


Aber ee das ich die figuren an heb zůmachen / will ich vor ein wenig von den wincklen reden / Erstlich soll man mercken / das ein winckel vnd ein eck gleich linien haben / Aber die vndercheid des winckels vnd eckes / im werck ist diser / Wenn du aussen auf die scherpf sichts / so heist es eyn eck / sichts aber innen in die tyse / so heist es ein winckel / das hab ich vnden aufgerysen / zum eck außwẽdig gesezt ein .a. vnd in winckel ein .b.



MAn soll auch mercken das dreyerley winckel vñ eck sind / ein rechter ein weyter vnd ein enger / die werden leichtlich also gemacht / Erstlich zu dem rechten winckel / reiß zwů gerad lini / ong. ferlich kreuzweiß vber eynander / vñ in dem punctem da sie an eynander abschneidenn / setz ein .a. vñ nym ein zirkel / setz in mit dem ein fuß in das .a. vñ mit dem andern reiß durch drey dritter der gestrackten liniẽ / Vñ wo sie abgeschnyden werden / da setz .b. c. d. vñ zeich .b. c. vñ .c. d. mit geraden linien zůsamen / so ist .b. c. d. ein rechter winckelhacken / Dar nach zeich die lini .c. d. lenger hynaus / bis an das end .e. vñ neig die aufrecht lini mit dem end .b. gegẽ dem .d. so begeben sich zweyerley winckel / ein enger zwischen .b. d. vñ ein weytter zwischen .b. e. dann was ein teyl genůmen / wirdet dem andern zůgelegt / diß hab ich vnden aufgerysen.




MAn soll auch wissen / wenn zwů gerad linien / durch einander kreuzweiß gleich gezogen werden so geben sie vier recht winckel / werden sie aber vngleich durch einander gezogen / so werden zweyerley winckel / allweg die gegen eynander vber steen die sind gleich an einander / sie sind weit oder eng wie das vnden aufgerysen ist.




Diese dreyerley winckel mügen auch mit krumen linien gezogen werden / außgebogen als wenn zwů zirkel durch einander gend / oder eingebogen hol / als wenn zwů kegel aussen in einem puncte an ein ander anrũren / so machẽ sie zwů solch winckel / es ist auch die endrung in kleinen vñ grossen zirkelrissen / die man im winckel zůsamen zeucht / Es werden auch winckel gezogen mit zirkelrissen in ein ander / die ein form gewinnen wie die eber zeen / die mügen mit gleichen zirkellis

nien oder vngleichem gezogen werden/Darnach sind winckel zu machen/ auß geraden vnd krumen li
nien/ ein vnd außgebogen solcher winckel hab ich eins teyls hie vnden aufgerysen.




Wenter ist wissenlich das kein ebne mynder dann mit dreyen geraden linien mag vmbzogen
werden/Dan auß wenigst schlyssen drey ein dreyeckel figur/ die dreyangel aber von geradē
linien sind dreyerley art/ der erst ist von dreyen gleichen seyten/ der hat drey gleicher eck oder
winckel/ der ander ist vonn zweyenn gleichenn / vnd vonn einer vngleichenn seyten / hat
zween gleich vnd ein vngleichem winckel/ Der drit dreyangel/ hat drey vngleich seyten/vn̄ drey vngleich
winckel/ Solch dreyerley dreyangel / mügen auch mit krumen linien gezogen werden / außwarts oder
einwarts gebogen/ oder durch schlangen linien/ Es mügen auch figur gemacht werdē/ da kein scharpf
eck an ist/ sonder alle ding gend müglet darin̄/ solch figur mügen auch mit zirckellinien oder schlangen
weiß gezogen werden/ wie ich das vnden hab aufgerysen.



Wenter ist zu mercken so vier linien/ die alle ein leng haben / zurechtenn winckeln / an einans
der gefest werdē/ so machen sie ein rechte fierung die sey. a. Darnach sind ander gefiert fi
guren/ ab̄ mit gleich seytig/ nemlich ist eine die hat vier recht winckel/ vnd die zwü seyten ge
gen einander vber/ sind lenger dan̄ die andern zwü/ dise fierung sey. b. Die drit fierung hat

E ij


vier gleiche seytten/vnd wirdt rautens weiß gezogen/gewint zweyerley eck/vñ die gegen einander vber
 stend/sind gleich an einander/dise fierung sey.c. Die viert fierung/ ist auch eyn rauten/aber mit zwey
 langē seytten gegē einander vber/vñ die andern zwo sind kurz dise fierung sey.d. Die fünft fierung hat
 zwey rechte eck/zwo gleiche seytten/vnd zwey vngleiche eck/vñnd zwü vngleich seytten/da auch in den
 vngleichen seiten eine lenger dan die ander ist/dise fierung sey.e. Die sechst fierung hat ein rechten win
 ckel/zwü recht seytten/vnd zwü vngleich doch ist der selben eine so lang als die ander/die mag man len
 ger oder kürzer machē/dan die rechten seytten sind/vñ hat zwen eng ein rechtē vñ ein weitē winckel dise
 fierung sey.f. Aber ist ein fierung eins rechten winckels/dreyer rechten seiten/vñ dreyer vngleicher win
 kel dise fierung sey.g. Darnach ist ein fierung von vier vngleichen wincklē vñ seytten/dise fierung sey/
 h. Der gleichen fierung mügen mancherley weiß gezogen werdenn/ als mit krumen linien/ auß oder
 eingebogen/wie ich das nachfolget mancherley weiß zu ziehen hab aufgerysen/in ordnung des.a.b.c
 nach eynander bezeichet.




[Faint, illegible text, likely bleed-through from the reverse side of the page.]




Wen will ich anzeigen wie man auf einer ebne gleych ecket figurē/gerad od vngerad/als da sind/drey/ster/fünf/sechs ecket figuren zc. sol machē. Erslich mach ein sechs ecket figur/darum das die der zirkell vnuerruet selbs gibt. Nim ein zirkel/sez in mit dem ein fus/in ein Centrū. a. vñ reiß mit dē andern fus ein runden riß groß oder kleyn/wie du in haben wilt/so du dan den zirkel mit dem ein fus in den runden riß stelst/vnd drittest mit beden füßen im zirkel riß herum/so werden. 6. punctē die bezeichē mit ziffern. 1. 2. 3. zc. Darnach zeuch die puncten. 1. 2. vnd. 2. 3. vnd. 3. 4. zc. mit geraden linien zusamen/so wurt ein. 6. ecket figur darauß/vnd kan nit feln/dan auß dem Centrū. a. bis an die zirkel lini ist ein sechs teyl/so ist auch der seyten eine zwischē den zalen anch ein sechs teyl/wie ich dan das hie vnden hab aufgerissen.




Wen schickt es sich am negstē/das man durch das. 6. eck ein dryangel in ein zirkel schlyß/dem thū ich also/ich nym den vorgemachten zirkelriß mit den. 6. puncten/vnnd zeuch mit geraden linien/1. 3. vnd. 3. 5. vnd. 5. 1. zusamen/so gibt sich das der dryangel die zirkellini rürt/vnd ober all gleich ist/wie hie aufge ryssen ist.



Wen will ich durch den vorigen dryangel/vnd auß seiner beschreibung durch einen gemeinen weg/den man von behendigkēit wegē/in der arbeyt braucht ein siben eck machē/ich thūe im also/ich zeuch ein gerade lini auß dem Centrū. a. in den puncten. 2. so schneidt sich die seyten des dryangels. 1. 3. in der mitt von einander in den selben punctē sez ich ein. b. so geet die leng. 1. b. siben mal herum/wie das oben in der signr angezeigt vñ hie vnden auch aufgerissen ist/vnd die eck mit geraden linien zusamen gezogen.




Wen ist es am negstē das man auß dem. 7. eck eyn. 14. eck mach/thūe im also/nym das trum des zirkels im. 7. ecke. zwischen. 1. 2. vnd teyl das in zwey gleiche felt/vnd trit mit der leng im zirkelriß herum/so werden dir. 14. puncten die zeuch mit geraden linien zusamen/so wirdet ein. 14. ecket figur darauß/wie ich das hie hab aufgerissen/Diß mag man durch den obgemelten weg in. 28. teil teyllen vnd dupelen.






Wen will ich ein vierecket figur in ein zirkel machen/also/ich reiß auß einem Centrū. a. eyn zirkellini vnd reiß durchs Centrū. a. ein gerade zwerch lini/vñ wo dise die zirkellini zu bedē seytc durchschneidt/da sez ich. b. c. Darnach reiß ich ein aufrechte lini/ auß dem Centrū. a.


ober sich vnd vnder sich zu gleichen winckeln / vñ wo die den zirkel oben rürt da setz ich ein. d. vñ vnden
 eyne. Darnach zeuch ich. b. d. vñ. d. c. vnd. c. e. vnd. e. b. zú samen mit geraden linien / diese rechte vierecke
 te figur rürt den zirkel vberall gleich / wie ich das vnden hab auf geryssen.




Wen schickt es sich am negsten ein 8 eck zu machen / dem thue also / Nym den obgemachten
 zirkelriß / vnd behalt darinn die seiten. b. d. vnd teil die zirkellini darzwischen in zwey teyl / in
 disen punctten setz ein. f. Darnach reiß. f. d. gerad zú samen / diß wirdet ein seiten eins achten
 eckes im zirkel herum / Dinn begibt sich ein. 16. eck. so du die zirkellini. f. d. mit ein punctte. g. entzwey
 teylst / vnd. g. d. zú samen reiß / die ist ein seiten eins. 16. ecks / das im zirkel herumb langt / wie ich das in
 disen dreyen figuren hie vnden hab auf geryssen.





Wen ist von nöthen ein fünfeck zú machen / in ein zirkelriß / dem thue also / Reiß auß ei n e Cen
 trum. a. ein zirkelriß / vnd zeuch ein zwerchlini durch das Centrú. a. vnd da sie zu be den sey
 ten die zirkellini durch schneidet / da setz. b. c. Darnach zeuch durch dz Centrú. a. ein aufrech
 te lini zu gleyche wincklen / vñ wo sy eben die zirkellini durch schneydet / do setz ein. d. Darnach reiß ein
 gerade lini. e. d. vñ nym ein zirkel / setz in mit dem ein fuß in den punctte. e. den andern in das. d. vñ reiß
 von dan herab auf die zwerchlini. b. c. wo sie die durchschneidet da setz ein. f. vñ reiß. f. d. gerad zú samē /
 diese lenge. f. d. ist ein seite eins fünfteyls / dz ecket im zirkel herum drey / so ist. f. a. ein seyte eins zehenecks /
 Darnach teyl. a. c. mit einem punctten. e. in zwey gleiche teyl / so du dan auß dem punctten. e. mit einer
 aufrechten lini ober sich ferst / bis an die zirkellini / so hast du ein sibenteil des zirkels Mechanice / wie
 ich das vnden hab auf geryssen.



Aber ein fünfeck auß vnueruckten zirkel zu machen/dem thue also/Reiß zwen zirkel durch einander/also das eins ytelichen runde/durch des andern Centrum gee/vnd die zwen Centra a.b. zeuch mit einer geraden lini zusamen / das wirdet ein leng einer seyten des fünften eckes/ wo aber die zirkellini an einander durchschneiden / da setz oben ein.c.vnden ein. d. vñ reiß ein gerade lini.c.d. Darnach nym den vnueruckten zirkel vnd setz in mit dem ein fuß in den puncten.d. vñ mit dem andern reiß durch die zwen zirkelrhyß/vñ ire bede Centro.a.b. vnd wo die zwen runden riß durch schnyten werden/da setz.e.f. Aber wo die aufrecht.c.d.durch schnyttē wirdet/da setz ein.g. Darnach zeuch ein gerade lini.e.g.gar hyn auß byß an die zirkellini/da setz ein.h.darnach zeuch ein andre gerade lini.f.g.biß an die zirkellini da setz ein.i.zeuch darnach.i.a.vñ.h.b.gerad zusamen/so werden drey seyten des fünfecks/vnd von dañ laß zwü gleich seyten leng vom.i.h.oben zusam reichen/so wirdet ein fünfeck/wie ich das vnden hab aufgerysen.





Auß diesem fünfeck begibte sich zumachen/durch hilf des vorgemachten dwangels/ ein fünfze heneck/dem thue also/Reiß auß dem Centro.a.ein zirkelrhyß/vñnd reiß darein die seyten des dwangels oben.b.vnden.c. Darnach nym die leng der seyten eins fünfecks / vnd leg das eyn ort in den puncten.b.vnd das ander end leg an den zirkelrhyß/da hyn setz ein.d.so bleibe zwischen.d.c. ein teyl ober/das selb zirkelrum teil mit einem puncten.e.in zwey gleiche teyl/so du dann.e.c.mit einer geraden lini zusamen zeuchst/so wirdet darauß ein seyten eins.15.eckes/das im zirkel herumb dryß/wie ich das vnden hab aufgerysen.




In neün eck ist durch ein dwyangel zu finden / also / Reiß auß einem Centrum . a . ein grosse zirkellini / darein reiß mit vnuerrucktem zirkel / drey fischs bloßen / der obern ende an der zirkellini sey . b . der andern end auf den seytens sey . c . d . Darnach reiß in der obern fischbloßen / ein aufrechte gerade lini . b . a . diese lini teil mit zweyen puncten . 1 . 2 . in drey gleiche theil / also das 2 . der negst puncte bey m . a . sey / vnd far durch den puncten . 2 . mit einer geraden zwerch lini zu gleichen wincklen . b . a . vnd wo sie die bloßen lini zübeden seytens durchschneidet / da setz . e . f . Darnach nym ein zirkel / setz in mit dem ein fuß / in das Centru . a . vnd den andern in den puncten . e . vnd reiß durch das . f . zü ring herumb / ein zirkellini so geet die leng . e . f . zünein mal in diesem zirkelriß herumb / solchs hab ich hernach aufgerissen .

18




So ich bald ein eynf eck in ein zirkel reysen will / nym ich ein vierteyl von des zirkels diameter vnd erleng in ein acht theyl auß im selbs / vnd far mit diser leng herumb im zirkel das tryt bei leüftig ein / also das es sich Mechanice / aber nit demonstratiue findet / Weyter so ich behend ein . 13 . eck soll machen / so reiß ich auß einem Centrum . a . ein zirkellini Darnach reiß ich ein halbenn

Diameter. a. b. vnd schneid den mit einem puncten. d. in der mit von einander vnd brauch die leng. c. d. 8. 13. malen im zirkel herum / ist aber auch mechanic vnd mit demonstratiue.



In ytlich trum eins zirkels das mir für kumbt teyl ich in. 3. teyl also / Das zirkeltrum sey. a. b. mit einer geradē lini zusamē zogē / vñ wie ich vor gelert hab theyl ich die gerad lini. a. b. mit zweyen puncten. c. d. in drey gleiche felt. Darnach ses ich ein zirkel mit dem ein fuß in den puncten. a. vñ mit dem andern reiß ich auß dem puncten. c. ein ryß durch die zirkellini / wo die durchschnyttenn wirdt / da ses ich ein. e. Darnach ses ich den zirkel mit dem ein fuß in den puncten. a. b. vnd mit dem andern reiß ich auß dem puncten. d. durch die zirkellini / wo sie durchschnyttenn wirdet / da ses ich ein. f. Darnach zeich ich zwü aufrecht lini auß. c. d. bis an die zirkellini da ses ich g. h. / so werden die drey leng im zirkeltrum. a. e. g. h. vnd. f. b. gleich an einander / vnd bleiben zwey eng teil. e. g. vnd. h. f. ober / darnach nym ich ein zirkel / ses in mit dem ein fuß in den puncten. a. vñ den andern in den puncten. g. vñnd von dann reiß ich bis auf die gerad lini. a. b. da ses ich ein. i. darnach ses ich den zirkel mit dem ein fuß in den puncten. b. vñnd reiß mit dem andern auß dem puncten. h. auf die lini. a. b. da ses ich ein. k. Darnach teil ich. c. i. vñ k. d. wie ich vor gelert hab / mit zweyen puncten in 3. teil / vnd ses den zirkel mit dem einen fuß in den puncten. a. vnd den andern in den negsten puncten / bey dem. i. vnd reiß bis an die zirkellini / da ses ich ein. l. Darnach ses ich den zirkel mit dem einen fuß in das. b. / vnd den andern in den negsten puncten bey dem. k. vnd reiß von dann an die zirkellini da ses ich ein. m. also wirdet die zirkellini. a. b. mit den zweyen puncten. l. m. in 3. teyl geteylt / wie ich dß vnden hab aufgerysen / wer es will geneuer haben / der such es demonstratiue.



So man zirkellini in den estrichē / oder in ein want zufersehen brauchē will / mag man sy zwey erley art an ein ander rucken. Zum ersten / durch recht winckliche quadraten. Zum andern / durch ranten fierung.

Zum ersten/mach ein rechte firung/van gleychen seyten vnd wincklen/vnd teyll die mit vier bar liniē/
aufrecht vnd oberzwerch/in. 9. kleyn firung / vnd setz in ytlliche ein mittel puncten/vnnd nim ein cirkel
setz in mit dem ein fuß in die selben puncten nach ein ander / vñ thū den andern fuß so weit auf / das er
in einer ytllichen firung die vier seyten an rür / vnd reysß rund ryß hinein / so rürt ein cirkellini vier ander
an. Auch beleyben albeg vier eckete hole auß geschnidne felder zwischen vier cirkellinien.




Zum andern / setz man die cirkellini rautens weyß an einander / so bleyben albeg zwischen dreyen cir
kellinien hole auß geschnidne driecte felder. Mach das also / reysß ein firung . 1. 2. 3. 4. vier rechter
Driangel hoch die mit seyten vnd spizen aufeinander stend / vñ dreyer breyt / die mit iren ecken an einan
der an rüren. Also das die ganz firung halt. 24. Driangel / der halben vnd ganzen / vnd bezeychen die
Driangel bey den zwerch linien / die sie schneyden / an iren ecken / mit dem. a. b. c. bis außs. r. Darnach
setz den cirkel mit dem ein fuß / in die puncten der buftaben / vnd thū den andern fuß einer halben seyten
lang des Driangels weyt auß / vnd reysß auß ein ytllichen puncten der buftabē / wie sich das begibt ein cir
kellini / so finden sich. 7. ganz cirkel / vnd. 10. halb / das macht als zwelf ganz cirkel. Vnd wo man der
cirkel solicher mas vill an einander setz / so rüreu alweg. 6. den sybetten an.





Man mag auch zirkellini mancherley weyß durcheinander reysßen / vnd vill dings darauß machen.
Der wil ich nim eine oder drey doch fast einer meinüg anzeygen / darauß man ein weiters mit sein ans
hang nemē mag. Ich reysß auß ein Centrū. a. ein cirkellini / die gradir ich mit. 12. puncten / in gleyche
teyl / vñ reysß auß einem ytllichem / mit vnuerucktē cirkel ein lini die dz Centrum. a. rür / so durch / neyde.
12. cirkelriß des dreyzehettē Centrū. a. Darnach reysß ich auß dem Centrum. a. innerhalb der grossen
cirkellini noch. 4. ander cirkellini / die durch die puncten der schliessung der andern cirkellini gend / die
ire zeychen haben. a. b. c. d. e. 27.

Welicher in einer cirkellini ein. 6. ecketen stern will reysßen / der mach in mit vnserucktem cirkel also.
reiß auß einenn Centrum. a. ein cirkellini / vnnd setz den ein fuß des cirkels / obenn in ein cirkellini / in
ein puncten. b. vnnd reysß mit dem andern fuß ein runden ryß / durch das Centrum . a. von einem end
der cirkellini zum andern / da hin setz. g. c. Darnach setz des cirkels einen fuß / in den puncten. g. vnd mit
dem andern reysß auß den puncten. b. durch das Centrum. a. bis an die cirkellini. da hin setz ein. f. Dar
nach setz den cirkel mit dem ein fuß in den puncten. c. vnd reysß mit dem andern auß dem. b. durch das.
a. bis an die cirkellini / da hin setz ein. d. Darnach setz den cirkel mit dem ein fuß in den puncten. d. vnd
reysß mit dem anderenn auß dem . c. durch das. a. bis an di cirkellini do hin setz ein. e. Darnach setz
den cirkel mit dem ein fuß in den puncten. e. vnd reysß mit dem andern auß dem punctē. f. durch das. a.
ins. d. Darnach setz den cirkel mit dem ein fuß in den punctē. f. vnd reysß mit dem andern fuß / auß dem
g. durch dz. a. ins. e. so ist das gemacht. Darnach machstu den cirkel ferrucken / vnd klein cirkellini zwis
schen den buftaben reysßen.

Item ein andre meinung / reysß auß einen Centrum. a. ein cirkellini / die teyl mit vier puncten. a. b. c. d.
in vier gleyche teyl / also das / das. b. oben / das. c. vnden / vnd. d. e. auß beden seyten ste / Darnach teyl. b. d.
mit einem puncten. o. vñ. b. e. mit einem puncten. q. vñ. e. c. mit ein punctē. p. vnd. c. d. mit einem punctē
r. / ytllich in zwey gleyche teyl. Darnach nym ein cirkel / setz in mit dem ein fuß / in den puncten / b. vnnd
mit dem andern fuß / reysß auß dem. f. durch das. a. ins. g. Darnach setz den cirkel mit dem ein fuß in dz
c. vnd reysß mit dem anderen fuß. f. a. i. züsamen. Darnach setz den cirkel in das. e. vnd reysß mit dem an
dern fuß. m. a. n. züsamen. Darnach setz den cirkel mit dem ein fuß in den puncten. d. vnd mit dem an
dern reysß. k. a. l züsamen. Darnach setz den cirkel in den puncten. o. vñ reysß mit dem andern fuß durch
das. a. auß bede seyten / an die cirkellini / vñ setz in die selben puncten zwischen. b. m ein. f. vnd zwischē. d.
h. ein. t. Darnach setz den cirkel in den puncten. p. vñ reysß mit dem andern fuß durch dz. a. auß bede sey
ten der cirkellini / in die selben puncten / setz zwischē. l. c. ein. v. vnd zwischen. g. e. ein. r. Darnach setz den
cirkel in den puncten. r. vnnd reysß mit dem anderen fuß durch dz. a. an beden seyten in die cirkellini / in
die selben puncten setz zwischen. f. d. ein. y. vnnd zwischen. c. n. ein. z. Darnach nym den cirkel / setz in in
den puncten. q. vnd reysß mit dem anderen fuß durch das. a. zu bedē seyten an die cirkellini / in die selbē
puncten setz zwischen. k. b. ein. a1. vñ zwischē. e. i. ein. a2. Darnach reysß die zwen ryß / in allen spizigen
bletteren / die van den cirkelliniē wordē sind also setz den cirkel mit dem ein fuß in den puncten. g. vnnd
reysß mit dem anderenn / den ersten ryß in dem spizigē blat gegen. k. a1. Darnach setz den cirkel in den


puncten. 10. vñ reiß mit dem andern fuß auß dem Centrum. a. im vorgemelten blat/ den anderen reiß/
 also thū im durch alle sechs spizige bletter/ vñnd such diser reiß centra/ in den puncten der buſtaben der
 spizigen bletteren. Es ſind auch zweyerley ſteren zū reiffen/ auß ein fünfeck / vñnd ſibeneck/ thū im also/
 reiß ein cirkellinien omb ein fünf/ vñnd auch omb ein ſibenn eck. Darnach ſetz ein cirkel mit dem einen
 fuß in der puncten einen/ der im cirkelreiß ſteht / vñnd thū den anderen fuß/ ſo weyt auß/ das er die zwen
 negſten puncten in den ſeyten rür/ vñnd reiß rund von ein zūm anderen/ also far zū rings herum/ das
 thū im fünf vñ ſiben teylen. ſo ſichſtu wß diſſe reiß für zwen ſtere machē. Wie ich ſölichs alles hernach
 aufgeriſſen hab / auß ſölichem würſt du geurſacht vil anders mer zū ziehen. Es iſt auch vill ſelzams
 maſwerchs/ durch die drücker des cirkels zū reiffen.







Wen will ich etlich ecket figuren zůsamen versetzen / wie man sie in ein estrich ein bringen mag. Erstlich die dnyangel sind forn bey den circellinien angezeygt / aber doch wil ich sie hernach aussershalb der circellini aufreyssen / vñ durch ein andre weysz leren an einander setzen. Erstlich also ich setz .6. dnyangel mit iren ecken / in einem Centrũ .a. zůsamen. Darnach setz ich aussen auf ein ytliche seyten der sechs dnyangel wider in solichẽ dnyangel / Darnach zeuch ich die eck der dnyangel aussen mit linien zůsamenn / so sind es auch dnyangel / darnach mach ich wider auf die seyten dnyangel / also für vñ für.


Noch mag man die dnyangel also zůsamen stelen / das auch kein felt darzwischen bleybt / so die dnyangel fernuckt werdẽ / also das alweg ein eck eines dnyangels mitten vnder des anderen seyten kum / Wenn man .6. dnyangel mit iren spizen zůsamen setz / so würt ein .6. eck darauß / darnach mag man vberall dnyangel daran hengen.





22



Sem so man recht firung an einander setzt / so bleyben sie einmal wie das ander / aleyn das man sie vber ort / oder zwerchs mag stelle / oder man mag sie verrucken / wie die stein mesen ire quader schliessen / wie das vnden ist auf gerissen.






23



Aber die rauten firung / die zwen weyt winckel / vnd zwen eng gegen einander vber habenn / die setz zwoyerley weys also an einander. Erstlich das sie all durchs Endres creuz geschidenn werden. Zum andern setz zwo mit den seyten an einander / vnd die drit stoz zwerchs dorein / so siche solichs wie ein gefirter würffel / also der massenn setz sie für vnd für an einander / es gibt auch ein steren / so man .8. rauten mit iren spiz ecken zusamen stest / das mag man auch than mit sechs vñ fünffen / wie das hernach ist aufgerissen.

3




S Erbas wil ich ein fünf/sechs/siben/ vnd ein acht eck /ytlichs sündertlich zusamen setzen/doch
eins anders dann das ander.

Zu einem muster setz zum ersten/drey fünf eck mit iren seytenn /auf ein zwerch lini/also das sie
mit iren ecken an einander an rüren / Darnach setz vnden hergegen/ aber drey fünf eck mit iren seytenn
an die oberen/die auch mit iren ecken an einander an rüren/ so werden zwischē den fünf ecken/ ablang
rauten firung/also mach das noch einmal/ vnd stoß alweg solicher zwen teyl/ den ein mit seinen ecken
in des anderen winckel / das ist die erst meinung/vnd die gneuest zusamen setzung der fünf eck.


Darnach mach die zwey zusamen gesetzten teyl der fünf eck /wie for/ vnd setz sie darnach mit iren eckē
zusamen/also das ein ytlich fünf eck mit einer seiten vnd dreien ecken/vier ander fünf eck an rür/so wer-
den zwischen den fünf ecken zweyerley rauten firung /neben do die seytē an einander stossen enge/vnd
zwischen den ecken weyter/das ist so weyt zūbrauchē als man will.



Zum fünftenn setz die fünf eck also an einander. Erstlich mach ein fünf eck/vnd setz ein gleich messig
fünf eck an ytliche seytenn/darnach setz an die selbē fünf/fünf eck/ an ein ytliche sündertlich an jr zwo seyt-
ten/zwey andre fünf eck/so werden zwischē den fünf ecken fünffschmal rauten firung. Darnach stoß
fünf eck in die winckel zū rings herumb/ die do worden sind /also das sie mit iren ecken die schmal rauten
firungen an rüren/also thū im für vnd für /so weyt du wild

Du magst auch fünf rosen van den fünf ecken zusamen setzen /die all an einander anrüren/vnd dar-
nach omb fert/an einander hencken so oft du wild/vnd das felt darneben auß fällen war mit du wild/
solichs alles ist hernach aufgerissen.



24






Jtem die sechs eck will ich dreyerley weysß zůsamen sehen. Erstlich steck ich sie in ein ander/das
 all seyten eck vnd winckel an einander an rüren /vnd nichß lers von felde darzwischen bleybt.



J ij

Zum andern stell ich sie an einander das sie allein mit iren ecken an einander anrüren / so bleyben drey
angel zwischen den sechs ecken.

Zum drittten stell ich sie an einander / also das ein ytlliche die anderen mit zweyen seyten vnd zweyen
ecken an nür wie ich das nachfolget hab aufgerissen.



25





Die sibeneck will ich zweyerley weysß zusamen setzen. Erstlich / dß sie mit iren ecken an ein ander
anrüren / so bleyben dreyangel / vñ vierecket stern darzwischen / in dise steren / macht man siring
die die eck rüren / oder zeücht ein Endres creuß van einem eck zum anderen.

Zum anderen / setz ich seyten / vnd zwey eck aufeinander aufrecht / vnd so ich sölich zeülen / neben einan
der setz / so laß ich die eck / neben an der seyten an einander an rüren / so beleyben siring / vnd der forigē
steren zwischen den sibenecken / wie ich das hernach hab gerissen.



Item so man die sibeneck mit den seyten nach einander an einander setz / als das aussen zwey / vnd
innen ein eck fürschliessen / so gend sie in ein cirkel heruñ / schliessen aber nit / des gleychen thünd auch
die fünfeck.

Faint, illegible text at the bottom of the page, possibly bleed-through from the reverse side.





26



S Dreyer will ich ein acht eck dreyerley weysß an einander setzen. Erstlich / das sie mit iren ecken vñ zweyen seytten an einander an rüren / so bleyben dymangel darzwischen.
 Zum anderen / setz ichs an einander / das sie mit vier seytten aneinander anrüren / vñnd gleich an einer creuß lini neben vñd auf einander stend / so kumen fierung darzwischen / die stend ober ort.
 Zum dritten / setz ichs also an einander / das sie mit vier seytten an einander ober ort anrürē / so bleyben gerad aufrecht creußweysß fierung darzwischen. Soliche mein meynung hab ich hernach aufgerissen.
 Soliche ding mag man braucht zu stuben tillen vñ estrichen / man mag auch van den egemeltē figuren allerley sort zusamē oder geschicklich durch einand setzen / vñ was felder darzwischen ober bleyben

F iij






das man etwas geschicktes dareyn teyl vnd mach.

Man mag auch ander vngeregulirte figuren zůsamen sehen/die da vngleich seytē haben/doch mit guter ordnung darauß begibt sich vil schön̄s dings.

Es schickt sich zů zeyten/das man die forgemachtē figuren/als den dnyangel/den quadraten zc. in einander verückt/vnd durch einander lest stechen/wie ich das in den folgeten sechs figuren an zů zeygen aufgerysen hab.

Man mag auch ein figur vmb oder in die ander sehen/das geschicht am geschicktestē / so ein gerades zů einem geraden/vnd ein vngerads zů einem vngeraden kumpt


Item der figuren die am wenigisten eck haben/der kan man am meisten in ein cirkelrhyß durch einander stechen lassen/dann die vilecketen yren an einander.



Jem man mag gar manicherley figur / vñ an zal zihen von vngleychen seyten / die mit iren
 ecken in keiner zirkellini an rüren / darauff man vil hübsch dings machen kan.


Man mag auch auf einem Plano manicherley figuren züsamen setzen / als dryangel / qua-
 drat. 5. 6. 7. oder acht eck / darauff man vill wunderlichs dings mag machenn von tillen vñ estrichen /
 wie vor gemelt. Auch mag man vngeregulirt figuren / vñnd geregulirt züsamen setzen / darauff auch
 hübsch ding vñd selzans zümachen ist / da kummen die selzamen züg vñd geng her. Solt ich das nün
 alles hy anzeygen / so wurd das büchlein vil zulang / darumb denck im ein ylicher selbs nach.
 Nün ist von nöten ein wenig züwiffen / wie man die figuren gegen einander gleych an der inhaltung
 müg machenn / also das man ein dryangel mach / vñnd darauff ein quadrat / das so vill inhalt als der
 dryangel des gleychen mit anderen geregulirten corporen.

Mach solichs also / stell ein dryangel. a. b. c. vñd teyl. a. c. mit einem puncten. d. in der mit von einander
 vñd reyß ein lini. b. d. so wirt der dryangel gleych in der mit von einander gespaltten / so dann das halb-
 teyl. a. b. c. d. verfert herüber auf das ander halbtteyl. b. c. mit den seyten. a. b. gelegt wirdet / so wirdt dar
 auß ein vberlégte firung / mit gleychem winckelen. a. b. c. d. die helt so vill innen als der dryangel. a. b. c.
 Darnach mach die vberlégte firung zü einer rechten firung / die so vill innen halt / als der dryangel / wie
 du aber das gerecht solt machenn / das merck hernach / nym zwo seyten / ein lange vñnd ein kurze / von
 der vberlengten firung. a. b. c. d. vñd stoß sie nach der zwerch an einander / vñd bezeychen jr drey puncte
 e. f. g. darnach setz mitten auf die lini ein puncten. h. nym ein zirkel setz in mit dem ein fuess in das. h. vñ
 mit dem anderen reyß auß dem. c. rund herumb in das. g. Darnach zeüch auß dem puncten. f. ein ge-
 rade aufrechte lini / biß an die zirkellini / wo sie die an rürt / da setz ein. i. so du dan vier lini ein yliche so
 lang. i. f. ist zü gleychem wincklen züsamen setz / so wirt ein rechte firung darauff / die so vil innen helt
 als die lang firung. a. c. d. b. vñnd helt auch eben so vill innen als der dryangel. a. b. c. Man mag auch
 ein dryangel / vñd ein quadrat von der behendickheit wegen also gegen einander vergleychen / mach ein
 quadrat / vñd teyl der seyten eine in zwen teyl / vñ mach darnach ein seyten des dryangels eins dryteyls
 lenger den des quadrats / vñd schleuß dann ein dryangel / wie diß alles hernach ist aufgerissen.




Jem so du nach einer ablangten fierung ein kleine oder grosse wild machen / das sie gleyche
 gestalt gegen einander habē / das fynd also. Reyß ein ablange fierung oben. a. b. vñden. c. d.
 vñd reyß ein ortstrich vom. c. in das. b. vñd fuer den so weyt hinauff als du sein bedarffst / vñd
 die lini. c. d. fuer bey dem. d. auch weyder hinauff / so du dan die fierung kleiner wilt habenn / so setz auf
 der zwerch lini. c. d. ein puncten. e. den ruck hinderstich vom. d. so weyt du wilt / vñd zeüch auß dem. e. ein
 aufrecht lini biß an den Diameter / do setz ein. f. von dann far vber zwerch mit einer bar lini an die sey-
 ten der fierung. a. c. da setz ein. g. so hat die fierung. g. f. c. e. oben ein mas wie die fierung. a. b. c. d. wil du
 nün die fierung grösser machen / dann die fierung. a. b. c. d. ist / so thü das zü gleycher weyß außserhalb
 der erst gefestten fierung / wie du for innen gethan hast / wie ich das vñden hab aufgerissen.


J iiii



S Du die ob an gezeigte fierungen / die alweg bey iren gestalten bleyben sollen / machen wilt / das sie gegen einander noch als vill zweymal oder dreymal so vill inhaltenn als for / dem thu also / wie dann zum teyl for auch gemelt ist / mach ein vberlengte fierung. a. b. c. d. die stell nach der leng vber zwerch / darnach mach noch zwo solich der ersten gemess / daran setz auf yliche seyte eine vnd bezeichnen die vier eck diser langenn firung / oben. e. f. vnd vnden. e. f. darnach teyll die ober lini. e. f. mit einem puncten. g. in der mit von einander / vnd setz ein cirkel mit dem ein fueß in den puncten. g. vnd mit dem anderen reys auß den puncten. e. ein runden reys vbersich herumb in den puncten. f. Darnach zeich die lini. c. b. vbersich / vnd wo sie durchschneydt den cirkelreys / do setz ein puncten. h. diese lini. b. h. ist die leng zu der firung / die zweymal so vill innen sol halten / als die fierung. a. b. c. d. Aber zu diser leng die recht breytten zufindenn / das sie in der gestalt der ersten fierung gleych sey / dem thu wie for gemelt. Reys ein ortstrich in der ersten fierung auß dem eck. d. in das eck. b. vnd darnach fuerter hinauß so lang du des bedarfft. Darnach nym die leng. b. h. vnd leg sie mit dem ein ort in das eck. d. auf der vnderen zwerchlini. e. f. vñ so vill sie fuertrift die leng. d. c. do hin setz ein puncten. i. Darnach far mit einer aufrechten barlini auß dem puncten. i. / vbersich an den ortstrich der durch das eck. b. streycht / vnd wo sie die durchschneydt / do setz ein. k. Darnach far mit einer barlini auß dem eck. k. oben vber zwerch gegen der aufrechten lini die vbersich gezogen wirdet / auß. d. a. vnd wo die zwo lini ein eck schliessenn / do setz ein. l. so helt die fierung / l. k. i. d. zweymal so vill innen / als die fierung. a. b. c. d. vnd haben ein vergleychte gestalt gegen einander / will du sie darnach dryfaltē / so setz noch ein gemesse leng / an die forige drey langen fierungē / also dz die vier eck diser leng seyen. e. m. e. m. Darnach setz ein cirkel mit dem ein fueß auf die ober lini. e. m. in den puncten. b. vnd mit dem anderen fueß reys auß dem puncten. e. ein cirkelreys obē herumb in den puncten. m. Darnach reys ein aufrechte lini von. f. f. vbersich bis an die cirkel lini / da setz ein. n. diese lini. f. n. ist die leng der dryfaltē fierung. Darnach nym die leng. f. n. vnd leg sie mit dem einen ort in das eck. d. auf der lini. e. f. vnd so weyt sie fuer die lini. i. drit / do setz ein. o. Darnach far mit einer aufrechten lini auß dem. o. vbersich an die vorgemelte ort lini / vñ wo sie an einander durchschneyden / do setz ein. p. Darnach far mit einer barlini auß dem puncten. p. vberzwerch an die aufrechte lini die von. d. l. vbersich gezogen wirdet / vnd wo sie an einander durchschneyden / do setz. q. also helt die fierung. q. p. o. d. drey mal so vill innen / als die erst fierung. a. b. c. d. vñ hat ein gleyche proportzen gegenn der ersten / auß vrsach des ortstrichs / also sind disse ding / wie ob gemelt / so oft man wil grösser oder kleiner zumachen / auß dissem sind vill hübscher vñ nuzer ding zufinden. Dis obgemelt ist nach folget aufgerissen.




S Ad das man ye die vorgemelte ding wol merck van ires nutz wegen / so wil ich noch ein rechte fierüg durch die forig weyß siben mal größern. Ich thü im also / ich nym für mich ein rechte anglige fierung. a. b. c. d. van gleychen seyten vnnnd winckellen / vnd setz der selben seyten leng acht an einand / diser ganzen leng anfang sey. d. vñ endt. e. Darnach teyllle ich. d. e. mit einem puncte. f. in der mitt von einander / vnnnd nym ein cirkel setz in mit dem ein fuess in den puncten. f. vnd reyß mit dem anderen fuess. d. e. oben herumb züsamen. Darnach mach ich in der ersten leng die kleyn fierung. a. b. c. d. vnd dann far ich mit der lini. c. b. gerad vbersich an die cirkellini / da setz ich ein. g. So ich dann auß diser leng mit anderen solicher drey linien ein rechte fierung schleußt / so helt sie sibenmal so vil innen als die erst fierung. a. b. c. d. wie ich das hab hernach gerissen.



W ill du ein recht quadrat auß einem vngleichseytigen dnyangel machen / die gleych vill gegen einander inhalten / so thü im also / der für geben dnyangel sey. a. b. c. vnnnd. a. c. sey vber zwerch die lengst seyte / vñ der winckel. b. sey vbersich gerichte. Nun zeüch auß dem winckel b. ein aufrecht lini herab auf die zwerch lini. a. c. do hin setz ein. d. Darnach teyl. b. d. mit einem. e. in der mitt von einander. Darnach. a. b. mit einem. f. vnd. c. b. mit einem puncten. g. auch in der


mitt von einander/vnd zeüch durch .f.e.g. ein gerade lini/so lang .a.c. ist. Darnach zeüch auß .a.c. zwo
 aufrecht linien vber sich/vnd wo sie die ober zwerch lini anrüren /do setz ob dem .a. ein .i. vnd ob dem .c.
 ein .h. so helt dise lange fierung .i. h.c.a. so vil innen als die dryangel .a.b.c. so du aber dise lange fierüg
 zu einer rechten wilt machen /so thü das durch den cirkelryß /wie foren gemelt ist.

Ein wenig ein andre meinung/das ober zümachen also/mach ein vngleychen dryangel .a.b.c. vnd
 schleuß in in ein ablange fierüg .a.b.d.e. also dz des dryangels lengeste seyten .a.b. auch ein lange seyte
 sey an der vmb zognen fierung/vnd das die seyten der fierung .e.d. oben den weiten winckel .c. des drys
 angels anrür/also wirdt der dryangel .a.b.c. in der fierung .a.b.d.e. ganz beschloffen/vnd helt eben den
 halbt eyl der fierung innen. Nun schneyd dise fierung .a. b. d.e. mit einer aufrechten lini .f.g. in zwey
 gleyche teyl/so helt die fierung .a.g.f.e. eben so vill innen/als der dryangel .a.b.c. Darnach mach durch
 die forigen anzeygung auß diser fierung ein rechte /dise meinung hab ich hernach aufgerissen.





Merk hie wie man ein fierung sol machenn die als vil innen halt als ein sechs eck /thü jm also/
 mach ein rechte sechs eck .a.b.c.d.e.f. in ein zirkellini. Darnach zeüch drey ortstrich .a.d.b.e. vnd
 c.f. disse drey linien schliesen ein Centrum .g. vnd machen sechs rechter dryangel. Darnach
 zeüch ein gestrackte zwerch lini/vnd setz darauf auß den sechs eck drey dryangel /die mit jren ecken an
 einander an rüren/vnd vberzeüch oben jre spiz mit einer geraden lini /so werden fünf rechter dryans


gel in einander. Darnach setz auf ytlliche seyten ein halben dryangel / auß disen sechs dryangelen wirdt ein ablange stierung von gleyche winckelen / die eben so vil inhelt / als das sechs eck. Darnach mach die ablang stierung zu einer rechten / wie du for bericht bist / dise wirdt eben so vil inhalten als das sechs eck / wie du das in der folgetenn figur siehest. Also magstu jm auch thun mit allerley geregulirten figuren / sie haben so vil eck als sie wollen.



33




S On nöten wer zu wissen quadratura circuli / das ist / die vergleychnus eines cirkels / vnd eines quadrates / also das eins als vil inhelt als dz ander / aber soliches ist noch nit von den gelerten demonstrirt / Mechanice / aber das ist beylenfig / also das es im werck nit / oder gar ein kleyns felt / mag dise vergleychnuß also gemacht werden. Keyß ein stierung vñ teyl den ortstrich in zehen teyl / vnd vnd reiß darnach ein cirkelriß des Diameter sol achtteyl haben / wie die quadratur zechne hat / wie ich das vnden hab aufgerissen.




S O man ein dryangel van vngleychen seyten macht / vñ der doch ein rechten winckel hat / was man dann für ein figur auß den selben seyten in sich selbs zeücht / so helt alweg die lengst seyten / oder die selb figur die man darauß macht so vil innen als die anderen zwo / des sind zweyerley figur hernach aufgerissen. Erstlich der dryangel a. b. c. in sich selbs in dryangel zogen / die ander. d. e. f. in sich selbs zu quadraten zogen.

Faint, illegible text at the bottom of the page.



W Eñ man zwo hole cirkellini gegen einander schleußt / also das dz feldt schmal vñ lang werde vñ so man das mit zwerch linien ordenlich teylen vñnd abschneyden will / dem muß man also thun. Reiß ein aufrechte gerade lini obē. a. vñdē. b. Darnach reiß ein zwerch lini zu gleychē wincklē mittē dardurch / vñ setz in der zwerch lini auf d rechten seite / so weit hindan als du wilt ein puncten. c. des gleychen setz auf die linck seyten in gleycher weyten ein puncten. d. vñd setz ein cirkel mit dem ein fuess in den puncten. c. vñnd den anderen in den puncten. a. von dann reiß herab bis in den puncten. b. Also thū jm auch van der anderen seyten auß dem puncten. d. so das gethan ist / als dan reiß mit einem cirkel zwo cirkellini / die erst ob der zwerch lini / die ander darunder / also das sie bedeyliche an einem teyl die zwerch lini / auch yetliche auf bedey seyten die zwo holen linien an rüren / Darnach zeuch zwo zwerch lini ob vñnd vnder den zweyen cirkellinien. Darnach reiß aber zwo ander kleiner cirkellini / die bede mit irem teyl die zwo gezogenen cirkellini / die ober vñ vnder an rüren / des gleychē yetliche auf bedey seyten die zwo holen linien / vñnd reiß aber zwo zwerch linien darob vñnd darunder. Darnach far also fort hinaus so weyt du magst / disz wirdt ordenlich ab geteylt / wie ich dz hernach hab aufgerissen / auß disem wirdt vil dings gemacht.



Ende des anderen Buchs.


Das drey büchlein/von den
Corperlichen dingen.




Sün hie foren ein wenig von den ebenen figuren an
zeygt ist/will ich fürbas auch zum teyl/von den Corperlichen dinge handelen/die will
ich erstlich auß den flachen figuren fürnemen also.

Ich nym zum ersten ein cirkelrund felt.b.c.d.e.das Centrum sey. a. vnd far eben mit
ober sich so hoch ich will/so wirdt ein runde seülen darauß.

Darnach nym ich ein dreyanglich felt/des gleychen ein vierung/ein fünf eck/ein sechs eck/vnd far auch
eben mit in die höch/wie for gemelt mit dem runden felt/so hoch ich will/so werdenn darauß dreyeck et/
vier/fünf/sechs ecket seülen/vñ so ich die ecketten vierungen im grund zwifach veruckt durch einander
stechen laß/wie foren angezeygt ist /vnd dan mit ober sich far/so werdenn aber hübsch seülen darauß.
Item dise gründ zu den seülen magst du so von vil ecken machenn als du wilt /auch mag man sie ge
wunden machenn mit iren ecken/so vil sie ober sich streichen das man das gewind alweg so vil auf die
seyten wende/oder halb so vil/wie ich das hernach ein wenig hab aufgerissen.




Ein ander meyrung spitzig Cörper zümachen.
 Ich far aber auß allen forgemelten gründen vber sich / so hoch ich wil in ein spitz / so werden kegel
 darauff / vnd dryecket / vier / fünf / oder sechs ecket / die mag man schlecht oder gewunden machen /
 vnd daryn so vil eck brauchen als man will / zü gleich wie for mit den seülen angezeyt ist / selio
 che ding haben die alten Piramides genant / solichs hab ich hernach aufgerissen.




So diese kegeln zu rechter maß auf die for an
 gezeigten seülen gesetzt werden / so zeygen
 sie ein corpus eines thurns an / doch sol
 man darnach die zirdt daran legen.
 Es sind dreyerley kegeln zu machen / der erst das seint
 spitz mitten ob den fueß erhaben sey.
 Der ander / dz sein spitz ob des fueß end ste / also ge
 wint der kegel vnden im fueß an einem ort ein re
 chten winkel.
 Der dreyt wirt gemacht dz sein spitz oben vber den
 fueß hinauf hang / wie das vnden ist aufgerissen.








B ij



Sich sozen mit den seülen hab angefangē / will ich ein wenig weiter dar von schreiben. Gar
 maniche:ley weyß mügē die seülen gemacht werden / vñ nach dem sie tragen sollen / so vil mü-
 sen sie stercker sein. Etlich machenn den seülen fuß vñnd haubter / aber einteyls machen nur
 pfeiler die auß dem grund stechen / vñ in der höch teylt man ire teyl auß zü den pögen der gewelb / oder
 man lest den pfeiler für streychen / vñ wesunder zird der bögen dorein laufen / wie sich dan das begibt dz
 etwan ein stab in ein holkeln / vñnd ein widerwerdigs durch das ander schleüft / wer dem recht thüt / sicht
 es frembd vñ wercklich / wie das die kunstreychen bauleut wol wissen / in soliche pfeiler mag auch ma-
 nicherley verkerung der holkelenn stebe fasenn ecke vñnd winckel gebraucht werdenn. Aber dise ding
 müssen im grund ordenlich auf gerissen vñnd darnach aufgezogen werden. Es mügen vier pfeiler ge-
 gen einander gesetzt werden einer groß / vñnd ein ytllicher sein sunder zird im grundt haben / so die aufge-
 zogen vñ auß der pfeiler teyl ein gewelb geschlossen wirdt / sicht das gar wunderlich / wer aber mer lieb
 zü gleychen dingen hat der gebrauch sich der seins gefallen. Nach dem aber vil sind die grosse lieb ha-
 ben zü selzamen reychungen in den gwelben züschliessen / von wolstandes wegen / so will ich vñden ei-
 ne aufreißenn / ob die ymant gefelt der mag sich ter gebrauchen. Auch will ich etlich grund zü den pfei-
 leren machen vñnd aufreysen.

Des gleychenn etliche vberschieffete gesims die man vñden zü den pfeyllern braucht / hoch oder nider
 ob dem estrich. In dem hab ein yedlicher selb auf die rech maß acht / dann soltenn alle ding nach der
 leng aufgeschriben werden / wurd diß büchlein gar zü lang. Vñnd welche grund mit einfachen ryssen
 zogen sind / die sollen doch vñden in iren anfengen in rechter maß beleybet vñnd verleystet werden / wie
 das die aufgerisnen gesims hernach anzeygen / man mag auch die pfeiler von allerley ecken machen
 vñnd zird dareyn bringen wie man will.





811

So man aber von dem ganzen bauwerck oder seynen teylen reden will/ acht ich es sey keynem berumbten baumeister oder werckman verborgē wie künstlich vnd meysterlich der alt Römer Vitruuius in seinen bücheren von der bsteendigkeyt/ nutzbarkeyt/ vnd zierden der gebeu geschriben hab/ der halb jme auch for anderen züfolgen/ vnd sich seiner ler zübrauchen ist.


So ich aber yso für nym ein seulen oder zwo leren zümachen / für die jungen gesellen/ sich darynn zü vben/so bedenk ich der deütschen gemüt/ dann gewonlich alle die etwas neues bauwen wollen/ wolten auch geren ein neue fazon dar zü haben/ die for nye gesehen wer. Darumb will ich etwas anders machen/ darauff nem ein ytlicher was jm gefall/ vnd mach nach seinem willen. Ich will auch anzeygen/ warauff die zierd des hobels / vnd dzerwercks gemacht mügen werden/ vnd vrsach weysen/ wo man sie grösser vnd kleiner brauchē soll/ dise zirden treffen die geraden vñ runden oder krume ding an Erstlich mach ein seulen/ die der diecken vnden ob dem fassen achthalbe an der höch hab / aber die fassen mach eins acht teyls diecker dann die seulen/ vnd ein acht teyl vorn der seulen diecke breyt / vnd mach die seulen oben ein acht teyl dünner dann vnden/ doch mach jr fassen vnd ring so weyt auß geladen / so dick die seulen vnden ob der vnderē fassen ist / vñ mach sie breyt so weyt sie auß geladen ist. So nün die seulen gemacht vñ jr runder grund darunder/ auß einē Centrum. a. gerissen ist/ als dan mach etwas zirlich von gewindt daz ein/ darzū brauch die for geschriben schrauben lini des ersten büchleins. Erstlich einfach mit den gengen / oder zwifach gegen einander / aber an der seulen mügen der selben geng außs wenigst acht neben einander gebraucht werden/ die stell im nidergedruckten grund in der cirkellini neben einander/ in gleycher weyten/ die zeüch in der seulen vorn vnden oberstich/ so sie aber zwifach gegen einander gend/ so werden auß acht puncten sechzehen linien gezogen. Soliche windund mag man durch die ganz seulen brauchen/ oder vnden im dritteyl enden lassen. Dise gewind haben mancherley verkerung / ist jr auch villerley züerfinden. Soliche geng mügen eng auf einander/ oder in ein rösche leng gezogen werdenn. Man mag sie auch vndenn im anfang eng / vnd ie höher hinauf ie mer in die leng strecken / durch die. 16. figur des dyangels. a. b. c. des ersten büchleins. Alle der gelychen ding magst du in baucheten als in den geraden seulen brauchen / sie seyen gleych/ oder oben klein vnd vndē groß / allein das mans darnach einteyl. Nün solt du dise for gemelte schraubenlini zü der seulen also brauchen/ vnd im grundt anfahen/ punctir den runden grund so in vil teyl du wild/ vnd setz die zifer darzū/ vñ reyß durch das Centrum. a. ein zwerch lini/ vñ die zal der vor gemelte punctē heb an zü zehlen. 1. 2. 3. 4. bey der zwerch lini end / darauff must du das gewint in die außzogen seulen bringen vnd gleych ein teylen/ dem thū also. Far mit gestracten linien auß allen puncten des nider gedruckten grund des oberstich bis an die seulen/ vnden ob der fassen / vnd setz die puncten mit iren zifferen an die seulen/ wie sie im nidergedruckten grund stend/ des gleychen teyl oben die seulen/ da sie am kleinsten ist/ in gleyche teyl/ vnd zel wie vnden. Darnach zeüch mit geraden linien an der seulen/ die oberen vnd vnderen ziffer züsamem eins außs ander. Darnach teyl die seule nach der leng mit vierzehē zwerch linien in fünf zehen gleyche felt/ vnd heb die zal vnden an oberstich zü zehlen. 1. 2. 3. 4. Also wirdt die ganz seulen vergeritert / auß disem allein ist vil dings zü machenn / ich setz es aber darum daher dar durch das gewindt vmb die seulen zü machen sey. Nün heb zü vnderst an der seulen/ züm ersten an/ bey dem ersten punctē der aufrechten lini. 1. vnd far krumb an der seulen mit einer ortlini oberstich bis in das geschlossen eck der aufrechten lini. 2. vñ der zwerchen. 1. Darnach far hergegen auß dem puncten der aufrechten lini. 2. mit einer krumben ort lini an der seulen oberstich/ bis in das eck das da schleust die aufrecht vnd die zwerch zü bedem teyl. 1. Also thū jm durch alle zal zwischen allen ablangen strungen/ durch die ganz seulen/ od gebrauch dich des allein im gewindt auf ein seiten/ vñ nit durch einander/ od brauchts allein im vndersten dritteyl der seulen/ vnd laß gerad linien im ober teyl hinauf lauffen / oder laß sie auch nit wenter für das vnder dritteyl der seulen gen / doch laß sie ein wenig für stechern. Summa / dise ding magst du ein ytlichs sunderlich allein brauchen/ oder eins teyls/ oder alle mit einander/ vñ man brauch die zwerch linien oder nicht / so mag man vil selzams dings auß disen dingen schneyden vñ hauwen/ wer es vnder die handt nympt der wirdt es wol findē/ zü diser seulen mach ein captel/ verkert auf sechs erley weyß/ wie das durch hunderterten weg/ alweg anders mag verkert werdē. Zü disem captel mach ein fierung so dick die seulen oben vnder irem reyß ist / vnd halb so hoch / darauff leg ein gefirte blaten/ eins dritteils dick van des captels höch. Dise blatē mach ganz gefirt/ vñ so weyt dz sie mit ire seytē die oberst auß geladē fassen an dē captel anrür/ wie weit aber dz captel obē auß geladē wirdet folgt hernach dise blatten mag man zwifach durch einander stechen lassen / wie in der forderen figur an zangt ist/ davon wirdet die blatte acht eckē vñ acht wincklich. Itē welicher die seytē der gefirten blatten mit einem cirkel will auß nemen / der reyß zwo creuß lini durch die blatten/ also das vier recht fierung darinnē wer

den/ vnd da die linien durch einander gend / setz ein .a. auß diesem zeuch die linien mit iren vier orten des
 Diameters oder ortstrichs weyt hinauß / an die selben vier ort setz .a. b. c. d. e. vnd thü ein cirkel so weyt
 auß als ein seiten an der firung lang ist / vnd setz den ein fuß in die vier bußaben / vnd reiß mit dem an
 deren in die vier seiten der firung / vnd wo die runden riß heraus streichen / da schneyd der alweg for
 nen zwen ab mit einem ortstrich / vor oder außerhalb der eck der firung. Auch mag man in die dicken d
 blatten manicherley machen / von fasen / wellen / holkelen / vnd anderen linien / dardurch sie außgehau
 en / vnd etwas dorein geschnyten wirdt. Aber wer soliche ding enderen will / der mag dem forigen als
 weg ein widerwerdigs machenn / das merck also. Zum ersten / stich die blatten also auß / teyl sie nach ir
 dicke in zwey teyl / vnd das ober teyl / teyl auch in zwey teyl / das verker zweyerley / Auß dem obersten teyl
 mach ein blatte fasen / in das ander / mach ein holkelen / so weyt hinder sich / so hoch ir teyl ist. Darnach
 mach vnden auß dem oberbribnen halbt Eyl / aber ein fasen die muß als weyt hinder sich gerückt sein / so
 hoch sie ist / od mach für die holkelen / ein firteyl von einer wellen / die alle bede / so du da vann / das vn
 der ober sich ferst / so wirdt es aber anderst. Ein anders / teyl die dicke d blattē in zwey teyl / auß dem ober
 sten mach ein firteyl einer wellen / vñ auß dem vnderen ein fasen / fer das vnderst ober sich / so ist es aber
 anderst. Ein anders / teyl das oberst eck ab biß außs halbt Eyl / mit einem firteyl einer wellen / vnd das vn
 derst teyl / nim ganz hol auß / so fer hinder sich / so hoch dz ist. Ein anders / teyl die dicke in zwey teyl / auß
 dem obersten mach ein fasen / auß den vndersten zweyen / mach ein holkelen / die so weyt hinder sich dret
 so hoch sie ist. Wende dz vmb / so ist es aber anderst / oder teyl die dicke in zwey teyl / in dz vnderst mach
 ein holkelen / die vnden irer höch weyt hinder sich tritt / das ober teyl in zwey / das mitler bleybt ein fasen /
 auß dem oberen mach hinder sich ein absatz. Ein anders / teyl die dicke d blattē in .6. teyl / auß dem ober
 sten mach ein fasen / darunder auß zweyen teylen mach holkelen / vnden so weyt hinder sich / so hoch sie
 ist / vñ in die vnderste zwey teyl / mach auch d massen ein grössere holkelen / das vmkert ist aber geendert.
 Item man mag vnder einer fasen ein schlangen lini führen / du magst auch dz vmkere / du magst auch
 oben ein kleins holkellein in der mitt ein ganz rösche wellen / vnd vnden ein grosse holkellen machen /
 doch dz neben der wellen oben vñ vnden zwey kleyne feslein bleyben / solicher endzung ist fast vil. Dise
 ding setz ich nit darumb / daher das man sie also muß machen / sunder dz etwas darauß genumen / vñ
 ein ntllicher vermant mag werde / was weyters vñ fremdes zu finden / dan in den teylen ist nit ein ding
 allein gut / sunder vil ding sind gut / wer sie weyß zumachen / darumb muß man darnach suchen / wie
 dan der hoch berumbt Vitruuius vñ ander gesucht haben / vñ gut ding gefunden / aber darmit ist nit
 außgehabt / das nit anders / das auch gut sey gefunden müg werden / vnd sunderlich in den dingen /
 die nit bewissen mügē werden / dz sie außs best gemacht sind. Nun will ich das captel auß dz schlechtest
 beschreyben / vnd mich in vil dingē bloß der firung gebrauchten an alle zierd / doch müssen darnach die
 zird daz ein gemacht werden / sunderlich so ein werck groß ist / mag man ein fasen holkellen stab vñ alle
 andre ding ntllichs sunderlich ziere / vñ etwas hübsch darauff setzen / oder daz ein schneyden / thü im also /
 teyl die höch des captels mit fünf punctē in .6. gleyche feld / auß dem oberste teyl mach ein blatte fasen
 die lad heraus von des captels dicke ein sechs teyl. Darnach setz ein punctē vnder die fasen hinein ein
 halbt Eyl so weyt als die fas hoch ist. Auß disen puncten / far mit einer aufrechten lini herab durch drey
 felt / das laß ein grosse blatte fasen bleyben / aber auß den vnderen zweyen teylen / mach auß dem oberē
 ein holkellen so tief hinder sich hinein / so hoch sie ist / also bleybt ob d vnderen fasen ein kleiner vberschuß
 ober / also gewint diß captel ein kleinen hals. Zum anderē mach dz also / die oberst fasen / wie for gemelt
 laß in aller maß beleyben / vnd als das captel nach d höch in .6. felt teylt ist / so setz ein punctē mitten in
 dz fir felt / vñ reiß darauß durch dz captel ein zwerch lini / vñ der eng teyl d vndē ober bleybt / ob den vn
 deren zweyē teylē / da mach ein feslein auß / so weit auß geladē so hoch es ist / die vnderē zwey teyl / las ein
 blatten hals bleybē / aber auß dem oberen teyl mach ein außpogē cirkeltrū / dz sich oben an die fasen lein
 also dz die fas halb so weyt vbertret / so weyt sie ist. Zum drittē / mach die fasen in d außladung wie for.
 aber nun halb so dick / vnd mach nichts weiter in dz captel / dan allein far von d seytē des captels mit ein
 ner hollen cirkellini / biß obē in die außladung d fasen / also dz es oben ein ausschweyß gewin. Darnach
 mach in den anderen dreyen captelen / die fasen all den negsten gleych / vnd als dz captel in sechs teyl /
 wie for gemelt / nach der höch geteylt ist / so far vnder dem drittē teyl / mit einer zwerch lini durch dz ca
 ptel / vñ reiß ein cirkeltrum zwischen d fasen / vnd der riß gezogenen lini / doch dz sie der dicke des captels
 nichts nem in d hollen / darauß findt sich d oberlauf vñ scherpf / wie weyt die get auß der negst gezogenē
 zwerch lini. Darnach zeuch auß d mitt des viertē feldes ein zwerch lini durch dz captel / darauß mach
 ein kleine holkelle / dz ir zwey die dicke des captels rür / so gibt die cirkellini / d vndre zwerch lini maß / wie
 weit sie oberlauffen sol.


Darnach teyl dz vnderst sechs teyl mit zweyen puncten in drey gleyche felt/das vnderst dreyteyl schneid mit einer zwerch lini ab/darauf mach ein fasen so weyt auß geladen so hoch sie ist. Darnach reyh ein auß geladen cirkeldrum/zwischen dem ystigen fesslein/vnd mach dz die cirkellini mit iren enden an des captels seyten/oben vnd vnden/die dicke des captels anrür/vnd das die runden der wellen nit weytter auß geladen werd/dan die negst scherpf von der holkelen darob heraus get. Item zum fünften/mach die oberst groß holkelen wie for/vnd teyl das vndersteyl des captels mit zweyen zwerch linien in dreyteyl auß den oberen zweyen teylen mach zwey holkelein/vñ das vnderst laß ein blate fasen bleyben. Zum sechsten/teyl zwischen der oberen fasen herab biß zum end des captels drey gleyche felt/auß den oberen zweyen teylen/mach ein grosse holkelen/vnd auß dem vnderen dreyteyl mach ein kleine/doch das jr bes der dieffe dem captel an der dicke nichs nem/Sonün dise captel gemacht sind/als dan mag man sie ziren manicherley weyh nach eins ytlichen wolgefallen/das will ich ein wenig anzeygen. Nym die for beschribnenn blatten/erstlich die achtecket/vñnd leg sie dem ersten captel auß vñnd vnder einem ytlichen eck mach ein gefirte drag/hinden weyter dann foren/vnd lad die von des captels dicke eins firteyls weyt heraus/vñnd mach die drag so dick als die blattenn ist. Item sodu ein captel ziren wilt/so laß jm an den selbenn enden an/der dicke befor. Auf das ander captel/leg die gefirt blatten/vñnd auß der fasenn des captels/mach auß zweyem seyten gegenn einander ober ein gewundne oberollte zedel/doch etwas zirlich dareyn. Dem dreyten captel/leg die außgenumen gefirt blatten auß vñnd lad die fierung zu der zyrdt heraus vnder den eckenn der blattenn eins firteyls weyt/von des captels dicken/vñnd machs eins firteyls van der blatten dicker dan die blatten ist. Darnach mach mitten in die vier hollen der blatten/so dick sie ist ein runde zyrd/vnd jr auß ladung laß die seyten der gefirten blatten rüren. Darnach so die firungenn zu der zyrd gehauen sind/als dann macht man etwas van schönen dingē darein/als van wercklichen lauberg/oder van thiers haubten/van fögelen/vnd allerley dingē/nach dem die gemüt sind der die solichs arbeytē/so nün die captel fertig sind/setzt man sie auß die seulen/so gibt eins dem anderenn sein gestalt. Darnach mach das füßlein zu der seulen/wie hernach folget/vnd setzt es vnder die seulen.

Als dick die seulen vnden ob jr fasen ist/halb so hoch mach den fueß/vnd far mit zweyen aufrechten linien/van beden seyten der fasen herab biß zu ende des fueß/darnach teyl mit zweyen zwerch linien/durch den fueß drey gleyche felt/in das vnderst dreyteyl mach ein gefirt ding sam ein stein/den lad so weyt auß so hoch er ist. Aber auß geladen heyst/das ein ding für sein engen corpus daran es haft herdan geruckt wirdt. Darnach teyl den mitleren dreyteyl/mit zwerch linienn in drey gleyche felt/in dem oberen laß ein blatte fasen bleyben/aber in den vnderen zweyen felden/mach ein teyl von einer wellen/thu jm also/sez ein cirkel mit dem ein fueß auß die ober zwerch lini der vndersten fierung in die aufrecht seitenlini des fueß/vñ den anderen sez vnden an die ober fasen lini/vnd reyh ein cirkeldrum von d seyten des fueß herab/vnd hinauß gegen der fierung endt. Darnach teyl das oberst dreyteyl in drey teyl/auß dem vnderste dreyteyl mach ein fasen/die vbertret die vnder fas halb so weyt als hoch sie ist. Darnach reyh in den zweyen oberen teylen ein wellen/die vbertret die negst vnder fasen so weyt jr cirkel reycht/so jr punct in der fasen weiten gesetzt wirdt.


Nün gehöret dise seulen auß ein bosamēt zu stellen/das mach also. Erstlich mach ein ablange fierung eins firteyls lang von der ganzen seulen mit irem captel vnd fueß/vnd machs so breyt als die vnderst fierung am fuß der seulen ist/dises bossament sol gefirt in grund gelegt werden. Darnach schneyd oben an diser ablangenn fierung mit einer zwerch lini ab ein vierzehen teyl die lad auch obenn so weyt auß. Darnach teyl dise abschneydung mit einer zwerch lini in der mit von einander/auß dem oberen teyl mach ein fasen/vnd auß dem vnderen mach ein firteyl van einer wellen die im winckel steck/vnd obenn im vberschus der fasen in das halbteyl tref. Darnach schneyd vnden mit einer zwerchlini von disem bossament einsibenteyl/vnd lad das zu vnderst/auch so weyt auß/vnd schneyd von disem sibenteyl oben mit einer zwerchlini ein fünfteyl ab/darauf mach ein fasen/so weyt auß geladenn als hoch sie ist/vñnd iren winckel hole oben auß mit einem cirkeldrum. Darnach schneyd mit einer zwerchlini zwischen der fasen/vñnd vnden des bossaments ende ab ein halbteyl/darauf mach vnden ein fasen/Darnach teyl der fasen außladung/zwischen der aufrechten seyten des bossaments/vnd d fasen ende/mit aufrechten linien in drey teyl. Darnach zeuch ein cirkeldrum von der oberen fasen herab auß die



vnderen/ also das die vnder fas irer dzyteyl eins furtref / diß possament mag manicherley weyß gezird werden / aber wie ob geschriben / hab ich solichs her nach gerissen mit seinen gründen / vnd dz du wissest wß die zierd sey die man mit dē hobel oder dreywerk machen kan / so merck das sechserley sunderlicher ding sind / darauß man solichs erbet. Das erst ist ein blatte fassen / das ander ein holkelen / dz dzyt ein auspogne wellē / dz viert ein eck / das fünft ein winckel das sechst ist die schlangen lini / die man mag ziehē wie man will. Dife ding alle mag man alle züsamen brauchen / oder eins teyls / man mag sie seyche oder twef machen / flach oder erhaben / weyt oder eng / spiß oder stumpf / groß oder klein gegen einander / breyt oder schmal / wie man will. Aber die bescheidenheit soll ein ytlicher erbetder brauchē / dz er an die grossen ding die zir von grosseren dingen / vñ an die kleinen ding kleyner mache / diß will ich hernach mit zweyen fasen einer langen vñnd kurzen neben einander anzeygen / dan̄ eins ytlichē menschē vernunft begreyft bald / das ein lang ding billich dick er sol sein dan̄ ein kürzere seins geschlechts . Darumb so ein bauman gesims werck / od̄ thür gestell / vñnd der gleychen machē will / so soll er die eüßeren ding die weiter laufen von grosseren dingen machen / dann die inneren kürzere / was dem entgegen gemacht wirdt / stet vbel / das verste also / mach ein aufrechte fasen zwischē zweyen linien begriffen / die schneyd obē mit einer zwerch lini ab / vñnd bezeychen oben ire eck mit .a. b. darnach setz auf die seyte ein punctē .c. vñngeser zū mittel der fasen / vñnd reiß zwō streim lini .a. c. b. c. Darnach setz die inner fasen die kürzer soll werdē / mit einer aufrechtē lini neben .a. b.





so weit von einand / als breit du die leyten wild haben / vñ wo sie die streim lini .c. a. anrürt do setz ein .d. von dan̄ far mit einer zwerch lini an die anderē streim lini .c. b. da sie rürt setz ein .e. auß dem .e. far aufrecht herab mit einer lini so wirdt .d. e. recht proporcionirt gegen .a. b. wie das mit sambt den obgemelten sechs dingen / die zū den zirden gehörne / auch die seulen / captel fües vñ possament / alles her nach ist aufgerissen / vñnd zū gleycher weyß wie man im mit der fasen thut / also thut man auch mit den anderen vorgemelten dingen.





W Er der for beschribnen seulen ein bauch machen will / der mag das thon durch zweyerley weg. Erstlich teyl for die seulen nach der leng in drey teyl / vnd schneid das vnder dritteyl mit einer zwerch lini ab an dem selben ort / mach die seulen so dick als jr fasen vnde ist. Darnach setz drey puncten / den oberen vnder der seulen fasen / vnd den vnderen ob der vnderen fasen neben an die seyten der seulen / vnd den dritten an die stat do die seule am dicksten ist. Darnach mach ein cirkelriß durch die drey puncten / wie dich des ersten büchleins. 24. figur lert / darauß gewint die seul ein wol gefürmten bauch. Zum anderen / mach den bauch also / zu gleycher weysß teyl die seulen in drey teyl wie for / vnd mach die zwerch lini die den dritteyl abschneit / als breyt als vor / vñ die breyten die ober die gerad seyten lini der seulen get / die teyl in vier teyl aufytlicher seyten . Darnach teyl die oberẽ zwey dritteyl mit dreyen zwerch linienn in vier gleyche teyl / des gleychem teyl das vnderst dritteyl auch mit dreyen zwerch linienn in vier teyl . Darnach laß dem bauch der seulen im vndersten dritteyl sein gröste

weyten / vnd brich alweg den zwerch linien nach einander / vber sich vnd vnder sich der selbē klein teyl
die in den weytesten zwerch linien punctirt sind eins ab / so wirdt der bauch formlich geteylt. Will du
darnach die seulen zire das magst du thon mit geraden aufrechten linien oder gewunden / solichs thū
auß dem nider gedrucktem grund / darumb mach zūm ersten den grund der seulen dicken / vnd teyl
den in. 32. teyl / vnd mach alweg auß einem teyl ein holkelen eins halben cirkels tyef / den anderen teyl
lassein fasen bleyben / mitten auf dise fasen mach ein steblein halb so gros als die fas breyt ist / vnd wol
erhaben. So du nūn die seulen zwifach gegen einander / oder einfach windenn wild / so erleng die teyl
da sich die gwind schliessen vber sich / aber vnder sich verkurz sie das thū durch den dyangel. a. b. c.
auß dem cirkelriss. e. als for mer gebraucht ist / wie ich das nachfolget hab aufgerissen.





Der vorgesezten baucheten seulen mach ein solichs captel. Ersilich mach das so hoch vnd dick als die seulen oben vnder der fasen dick ist. Darnach reiß die gefirt blatten oben darvon vnd mach sie eins sechs teyls dick von des captels hoch/vñ lad sie halb so weit auß als dz captel dick ist. Darnach teyl sechs gleyche felt zwischen der blatten / vñ vnden des captels ende / vnd schneid diser sechs teyl eins ab / mach darauß ein gestalt einer flachen schüssel / jr übers ende lad auß bis ins halbtteyl der blaten vberschuß / vñ mach jr ein fasen eins vierteyls breyt von der blatten dicken. Darnach mach vnder der schüssel ein fasen eins dryteyls minder dick dan die ober fasen ist / dise fasen lad eins funfteyls weit auß von der blaten vberschuß / vñ von diser fasen zeuch hinein ein holkelen bis an des captels dicke so wirdt ein firm darauß wie ein weiter hofpecher / vñ die schüssel die darauf stet machen miteinander ein guten firm. Darnach magst du das captel ziren mit blumenn thieren oder anderen dingen nach deinem gefallen. So du die zirdē vnder die vier ort der blattē machen wild die magst du herab rucken das sie sich vnder der fasen des bechers oberwerffen / die firung darzu machen / so dick als die blatten ist / vnd lad sie auß zweyer fünfteyl weyt von der blatten vberschuß. Darnach magst du d schüssel form auch mit etwar ziren / vnd vnder den orten der blatten zwischen dem oberworffen laub magstu auch etwas von zirden machen. Item wöllen dir die örter der blatten zu weyt vberschiessen / so reiß jr hölen mit dem zirkel tieffer hinein / vnd schneid jr eck so kurz ab als du sie haben wild / wie ich solichs hernach hab aufgerissen.



Nachfolget will ich ein andre runde seulen leren machen / die soll gewunden vnd gekrümpet werden / einer sunderē art / die mag man zu einer zird brauchē / vñ zu gedechtnuß ein bild dar auf stellen / die mach also. So dick die seul ist / ob jrer aufgeladenen fasen vnd holkelen / der sel ben teyl mach sie neune hoch bis an jre holkelen fasen vnd reiß vnder dem captel / vnd mach sie oben ein sechs teyl dünner dann vnden / vnd zeuch die seulen mit geraden linien zusamen / vnd der ring auf der seulen / dryt mit seim ent so weyt herauß / als die seülen vnden dick ist / vnd so hoch erhaben so weyt die vbertrettung / dise höhe der zird teyl mit zweyen zwerch linien in drey gleyche felt / in dem obersten beleybt der stab oder ring / im anderen die fasen / die endet mit jrem vberschuß im mittel zwischen dem

S

ring vnd der seulen dicke / vnd im vnderen dritttheil get ein holkelen von der fasen an die seulen. Aber die fasen vnder der seulen oberdrut der seulen dicke ein sybenttheil / vnd soll vnder der seulen enden ein sechs theil von jr dicke. Dise höhe theil mit dreyen puncten in drey gleyche feldt / vnd schneyd mit einer zwerchlini das oberst dritttheil ab / daraus mach ein holkelen vom endt der seulen bis an die fasen / die wirdt zweymal so breyt als die holkelen.


Nun ee du diß capitel vñ posament machst / solt du for weytter mit der geraden seulen handelen. Dañ erstlich leg ein grund darauß du dise seulen winden must / vnd so die for gemelte seulen aufgerissen ist so reys mitten dardurch ein aufrechte lini / die sey. vnd. a. oben. b. Dise lini. a. b. muß schneckens weys gewunden werden / auß einem grund den mach also. Setz ein centrum. a. auß dem reys ein cirkelini als dick die seulen ist. Darnach reys in disem cirkel ein aufrechte gerade lini / durch dz centrum. a. von einem ort des cirkels zum anderen / vnd theil das ober halbtheil der geraden lini / zwischen dem cirkel reys / vnd des centrum. a. mit einem puncten. c. in zwey theil. Darnach setz in der aufrechten lini / vnder dem centrum. a. ein centrum. d. vnd reys darauß ein cirkellini die rür oben den puncten. c. vnd vñ den bey der aufrechtē lini die groß cirkellini. Darnach theil die gerad lini zwischen. a. c. mit einem puncten. e. in zwey theil / vnd reys darauß ein cirkellini / die da rür. c. a. so das geschehen ist / als dann gradir dise drey cirkellini mit der zal von einem bis auf sechzig / vnd heb innen des nechsten bey dem. a. an zuzelen. 1. 2. 3. 4. 5. 20. vnd zel in dem kleinsten cirkel / von ein byß auf sechssse / die zal sol kumen in den puncten. c. Darnach zel herauß auf die mittler cirkellini mit. 7. 8. 9. 20. bis auf achtzehene / das ist die halb mittel cirkellini. Darnach ge herauß mit der zal / neünzehene auf die groß cirkellini / vñnd zu ring herum / also das du mit zwey vñnd vierzgen kumest vnder die zal achtzehene / das ist bey der aufrechten lini. c. e. a. d. Darnach ge mit der zal drey vnd vierzig hinein auf den mittleren cirkel bis das du mit vier vñd fünfzgen kumst in den puncten. c. Darnach dreyt mit fünf vñnd fünfzgen hinein in den klein cirkel bis das du mit sechziggen kumbst in den puncten. a. Dise zal magst du führen auf welche seytenn du wild. Durch dise puncten der zal / des nider gedruckten grundes / muß die stangen oder art der aufrechten seulen gewunden werden. So nun diser grund gemacht ist / als dann theil die aufrecht seulen mit sechzig puncten vnd zalen nach der leng. Aber einer sünderen weys. Thü jm also / reys die lini vnder der seulen die obder holkelen vñnd fasen ist / gerad zwerchs hinauf / zweymal so lang die seulen ob der holkelen dick ist / zu der endt setz ein puncten. f. Auß disem puncten. f. reys ein gerade ortlini bis hinauf vnder die holkelen der seulen endt. Darnach setz den cirkel mit dem ein fuess in den puncten. f. vnd den anderen nahent zu der seulen auf die zwerchlini in ein puncten. h. vñnd reys mit ober sich bis in die ortlini / die von. f. bis oben an die seulen get / wo sie die durchschneydet / da setz ein. g. Darnach theil diß cirkeltrumb in sechzig gleyche theil / vnd punctirs / vñnd dann far auß dem puncten. f. mit geraden linien / durch all grad des cirkeldrumb bis an die seulen. Darnach far auß disen puncten / die an der seulen worden sind / mit linien ober zwerch / vñnd bezeyhen sie mit der zal des nider gedruckten grundes / die soll in der seulen vnd dem cirkeldrumb. g. h. vñden anheben. Darauß sichstu wie sich die abteylung in der geraden seulen / je mer ober sich erlengt.



Darnach reys zum andermal auf der seulen art ein lini. a. b. mit all iren zwerchlinien vñnd zalen / vñnd nym ein cirkel / ge mit zu dem runden grund / dardurch die puncten der art ferrugt vñd gewundē sollē werdē / vñ setz albeg den ein fuess in die gerad lini des runden grundes / der die cirkellinien in zwey theil / vñnd wie die puncten der ziffer durch auß durch einander gend / die selb weyten nym ober zwerch mit dem anderen fuess / vñ drag sie zu der seulen art. a. b. setz den ein fuess dareyn auf die zwerch lini die die zal hat / die du auß den runden grunde genommen hast. Des gleichen mach auß diser zwerchlini mit dem anderen fuess ein puncten der weyten / do der ferrugt punct der gewundenn art sten soll. Also thü jm durch all zal auf beden seytē / des runden grundes / vñnd der aufrechten art. a. b. vñnd auß den zwerchlinien / so punctirt sich die krume art der gewundenn seulen / neben der geradenn auß beden seytē / dardurch wirt die gewunden seulen / zwischen der höhe der geraden lenger / von der windung wegen. Darnach nym ein cirkel / vñnd drag die dicke der seulen / von der geraden art der ersten seulen / von allen zwerchlinien auß die gewundenn art / durch all jr zwerch lini / vñnd reys darauß ein cirkellini / dardurch finst du die dicke der seulen / dann du müst gedencen / das auß der rundenn seulen in allen zwerchlinien / durch iren mittel puncten / ein kugel herauß geschnitten mag werden / gedenc auch wo

du ein kugel hin setzt/ vnd sie hin vnd her ruckest wie du wilt / so mag sie albeg gerad gegen dir mit ein
 ebenen plano in der mit von einander geschnidten werden. So nimm ein runde seulen hin vnd her gebö
 gen wirdt / so bleybē albeg solich kuglen in jr zügedencken / die man mit forgedachten schnidten teylen
 mag / auß allen mittel puncten so vil man der nemen wil. Nun gedencck vnd nimm dir für / es sey ein hee
 licher punct / in der gewunden art der seulen ein centrum einer kugel / vnd reiß darauß auf der selben
 zwerch lini / darauß der punct der art stett ein cirkelriß / so dieck in dem selbenn ort die gerad seulen ist
 vnd thū das durch all puncten der art der gewunden seulen. So findt sich der seulen diecke durch all
 jr krüme / so dann dise cirkel all gemacht sind / als dann far mit einer lini aussen an den zirkelrißsen he
 rumb / darauß sint sich der seulen bossen. So du aber durch all cirkelriß / die den schnyd in der kugel be
 deutē / durch das centrum oder punctē der art ein gerade zwerchlini zeuchst / als sie dann vor gezogen
 ist / die nimm in der krumen seulen ein cirkellini bedeut vnd ist / vnd dann die selben örter zü bedenn sey
 ten nach der leng durch die ganz gewunden seulen bey allen zirkellinien züsamen zeuchst / so sichst du
 wie sich die linien im gewind von der verwendung wegen der seulen / an eyn teyl orten schmal machē
 vnd züsamen ziehen. Aber so in der geraden seulen die zwerchlini all rund ebenen bedeuten vnd gerad
 aufeinander stend / so beleyben doch die selbenn linien in der windung der krumen seulen nicht mer
 blat aufeinander / sunder schieben / hencken / vñ keren sich hin vñ her / vbersich vnder sich vnd nach der
 seyten / vnd werden schlemet ablang rundlecht linien darauß. Dise hab ich nach dem schlechtesten
 nachfolget aufgerissen.

H ij








5 iii

Dieser krummen seulen mach ein solichen fueß. Erstlich mach ein ablange stierung / drey mal so lang als sie hoch ist / vnd drey mal so hoch als die fasen vnden an der seulen hoch ist. Darnach mach die teylung mit zwerch liniē also darein / vnd bezeichē die liniē mit bustabē. Die oberst lang seyten der stierung sey. a. die vnderst. b.


Darnach teyl. a. b. mit zweyē liniē. c. d. in drey feld. Aber teil. a. c. mit einer lini entzwey / Darnach teyl a. e. mit. 4. puncten in. 5. feld / d̄ oberst schneyd ab mit einer lini. f. Darnach teyl. e. c. mit. 3. puncten in. 4. feld / das vnderst schneyd ab mit einer lini. g. Darnach teyl. e. g. mit dreyen puncten in. 4. feld / vnd schneyd das oberst felt ab mit einer lini. h. Darnach teyl. d. b. mit. 5. puncten in. 6. feld / vnd schneyd die vndersten zwey ab mit einer lini. i. vnd d̄ oberst mit einer lini. k. So nūn die zwerch liniē zū den zirde die darein gehören gemacht sind / so mach darnach die aufrechten liniē daran all ding enden sollen / thū das auf einer seiten so hast du die ander auch / die aufrecht seyten der lenglechten stierung sey. l. vnd die lini die van der seulen fasen herab durch die stierung streycht sey. m. Nūn teyl. l. m. mit einer lini. n. in zwey teyl / dise lini rürt zwischē. c. d. im mittel dem fueß die breyt fasen. Darnach teyl mit einer lini. o n. m. in zwey teyl / so wirdt zwischē. e. f. ein runde wellen ob ring gezogen / der endet sich an d̄ lini. o. Aber zwischen. o. m. mach zwey teyl mit einer lini. p. zwischen. a. f. daran endet das festlein ob dem ring / des gleychen endet auch daran das festlein vnder dem ring zwischē. e. h. Darnach teyl. n. o. in zwey teyl mit einer lini. g. daran ent das festlein zwischen. g. c. vnder dem holkelein zwischen. h. g. das da endet an der lini. m. Darnach lad das festlein zwischenn. d. k. so weyt für die lini. n. so dick sie ist / aber die vnder fasen rürt die lini. l. vñ die holkelein rürt zwischen den fasen die lini. n. oder so du oben mit dem festlein herauf gefaren bist / als dann mach von dem selben eck ein flache holkelein bis auf die vnder fasen / so get die ober fasen ab / wie ich das vnden hab aufgerissen / doch das yetz gemelt nit.



Zem zū der vorgesezten krummen seulen reyh ein captel zweyerley weis auf. Erstlich mach das captel in seiner leybung in ein rechte stierung oben auß der seulen dicke genumē / wie forren gemelt / vnd die gefirt blatten mach in der weyten vnd dickē / vnd an jr stat wie for / dann die Oberschuessung diser blatten soll weyt außgeladen sein van der seulen krüm wegen / auß das / das captel ratlich sehe. Darnach mach die ober fasen vnder der blatten mit der außladung vnd breyten / wie im negsten forderē captel beschryben ist / vnd reyh ein zwerch lini mitten zwischen der fasen vñ vndē des captels ende / vñ schneyd d̄ vnder dryteyl in dissem oberē halbtteyl ab mit einer zwerch lini / darnach reyh ein ort lini von ende der oberen fasen / bis vnden an des captels end / vnd setz ein cirkel mit dem ein fueß auf die ort lini / vnd reyh obenn zwischen der grösseren weyten / von der fasen end ein cirkellini hinein gegenn dem captel / also das der halb cirkel vnden die negst zwerch lini rürt / so schneyt die rund lini die scherpf vnden der holkelein ab / wie weyt sie herauf get / darauff wirdt ein grose


se holkelen. Darnach reiß ein cirkellini zwischen den engeren zweyen zwerchlinien die sie albede an
 rür/des gleychen die seyten des captels vnd den ortstrich/darauf wirdt ein kleine holkelen/vnd sint sich
 jr vnderer scherpf wie weit sie sich auß lett. Darnach mach ein kleine holkelen von der auß geladē scherpf
 piß an die blatfasen oder seyten des captels. Sod du das captel ziren wild/so mach vnder den örteren
 der blatten die zird in jrer fierung so dick die groß holkelen ist/vnd lad sie ein wenig weyter auß dann
 des halben captels dick/vnd in die kleineren holkelen magst du ein ast machē dauan sich das laub vber
 sich zeucht/in der blatten holen magst du ein rosen/oder ein ander zird machē. Zum anderē mal ender
 das captel also/die blatten vnd fasen darunder/laß bleyben wie for/aber den negsten sechs teyl vnder
 der blatten schneyd ab mit einer zwerch lini/vnd teyl in in zwey gleyche teyl/auf dem oberen halbtteyl
 mach von der oberen fasen hinder sich ein tieffe holkelen die des captels dicken rür. Darnach teyl das
 vnder halbtteyl auch mit einer zwerch lini in zwey teyl/darauf mach zwei fasen/die vnderst vbertret
 halb so weyt als die negst vnder d blatten/aber dz ander fesslein auf der vnderste fasen/ruck so weyt hin
 der sich als hoch sie ist. Darnach teyl den driten sechs teyl mit einer zwerch lini ens wey/vnd in dz ober
 teyl brauch ein schlangē lini zu d zird die an dret vnder d vnderste fasen/in d weyte des oberē fessleins dz
 darauff leit/vñ machs also/das oben die lini den auspug/vñ vnden den einbug gewiß/der selb einbug
 ende mitten zwischen jrem ober teyl/vnd des captel leibung. Darnach zeuch ein außbogne lini/vber
 den leib des captels auß dem yß worden/winckellein bis vndē wider an das captel/aber mit weyter auß
 geladen dan das negst eck darob. Darnach mach die zird vnder den vier örten der blaten in jrer fierung
 anderhalben sechsteyl dick/vnd lad sie des halben captels dick auß. Auch mach ein fierung zu der zird
 in der hōlen der blaten groß oder kleyn. Solichs zeyg ich darumb an durch fierung zumachen/vonn
 der wegen die in stein vñ in holz erbetten. Itē der blatten dick zir also/teyl jr fasen in drey teyl/dz oberst
 teyl laß ein fasen bleyben/auß den zweyen vnderen teylen zeuch ein schlangen lini/also das jr hōlen vñ
 den auß ge/vnd heb die schlangē lini so ferr hinder der fasen an/so breyt die fasen ist. Sod du die blatten
 mit dem cirkel wilt auß nemen/dem thū also. Reiß durch der blatten fierung zwei kreuz lini/also das
 vier firung geteylt werden/vnd zeuch die selben linien so weyt für die firung so weyt du der bedarffst.
 Darnach reiß die grund in jren firungen zu beden captelen/vñ nym mit einem cirkel an eine die großē
 runden/vnd setz die mit dem ein fueß des cirkels auf der kreuz lini in den vorgemelten runden yß/vnd
 den anderen fueß setz auf der kreuz lini hinauß in einen puncten. a. vnd reiß mit dem ersten fueß zu bes
 den seyten rund durch die seyten d fierung/also thū jm auch mit den anderē seyten der fierung/vñ setz
 in die punctē der kreuz linien. a. b. c. d. Darnach reiß auch die zird der blatten dickē im grund mit dem
 cirkel auß disen puncten. a. b. c. d. wie tief sie hinein gend. Item den schamel den du auf das captel se
 zest/den mach als dick als das captel/aber nū ein vierteyls hoch von dem captel/den zir oben vnd
 vnden mit kleinē leisten. Item das bild das du auf die seulen stellen wild/soll zweymal so hoch sein als
 das captel vnd der schamel ist. Soliche captel mit den grundē hab ich vnden aufgerissen.

H iiii



S Nun die krum seulen mit irer zü gehörung fertig ist / als dan mach ein possament darunder
 ganz gefirt. Erslich mach ein aufrechte ablange fierung so breyt als der seulen fas vnden ist /
 vnd zweymal so hoch / vnd setz darunder ein gefirtten stein eins viertheyls hoch von der aufrech-
 ten fierung / vñ auf ytlicher seytten der ganzen fierung breyt ausgeladen / von diser aufrechten fierung
 schneid vnden mit einer zwerch lini ab ein viertheyl / vnd reys von der selben hoch herab auf den vnderen
 stein ein ort lini eins halbeils weyt ausgeladen von der aufrechten fierung. Darauf mach ein stiegen
 mit vier staffelen vnd lad die staffelen oben aus ires Diameters weyt / vñ mach in oben ein fasen eins
 viertheyls breyt von der staffelen höhe / vnd darunder reys hinein ein holkelen. Darnach schneyd oben d
 fierung iren achteyl ab mit einer zwerch lini / vñ lad den abschnitt obe so weyt auß als hoch er ist / vñ reys
 oben vom der außladung ein ort strich herab vñnd hinein an die fierung zü der negsten zwerch lini.
 Darnach teyl mit einer zwerch lini disen abschnitt in der mitt von einander. In disem oberen halbeyl
 schneyd mit einer zwerch lini oben ein sechs teyl ab / darauf mach ein fasen / der eck vbertret vnden die
 ortlini. Darnach reys in dem vnderen teyl ein außbogē cirkeltrum ober die ortlini / also das jr anfang
 auß der ortlini ange / vnd ende wider auf der ortlini an der vnderen zwerch lini. Darnach teyl das vn-
 der halbeyl mit einer zwerch lini in zwey teyl / das ober teyl / teyl in vier teyl / auß dem oberem viertheyl
 mach ein fasen die mit irem vnderem eck ober der ortlini dret / darunder zeuch ein holkelen tyef hinein /
 also das sie am heraus zihenn wider die vnder zwerch lini rür. Darnach teyl das oberblibenn vnderst
 teyl in vier teyl / auß dem obersten vnd vndersten teyl mach zwey feslein so weyt außgeladen so hoch sie
 sind. Aber auß den mittleren zweyen teylen / mach ein wellen mer dann des halben cirkels weyt ober die


fassen auß geladen. Item das oberst gröst cirkeltrum mag man mit einem lauberg ziren / auch die an
 deren ding am possament wie einer selbs will / vnd die vier seyten der fierung mag man mit historien
 vnd epitaften ziren / doch soll man vor den vier seyten der fierung leyten machē / die fassen diser leyten
 mach breyt eyn zwelfteyl von des possamentst breytten. Aber den absatz den die leyten hinein soll habē
 mach halb so breyt. Item die vier eck der stiegen leger vier menez für ein zird als hütter. Aber oben auf
 die vier eck des possamētes mach vier merkeslein / die recht groß zu diser seulen soll also gerummenn wer
 den so ein man auf dem grossen gefierten stein vor dem possament stet sol sein haubt in die mit des pos
 samentz reychen. Disz possamēt hab ich hernach auf gerissen / der grund ist leychtlich darzu zu reysen /
 darumb hie vnderlassen.



S Du aber wild magst du die stiegen an dem vorgemeltē possament aussen lassen vñ anderst
 ziren mit leisten werck dann for / dem thū also / mach disen aufgerissen stein zweyer fierung
 hoch / dz vnder gesims mach einer halben fierung hoch vñ lad das vnden auf yetlicher seyte so
 weyt auß vñ zeuch von vndē diser auß ladüg ein ortstrich oberstich bis zu ende des gesims an den stein
 darbey sol die zird gezogen werden / dise höhe teyl in drey teyl / vñ auß dem vndersten dreyteyl mach ein
 gefierten stein mit einer blatē fassen / aber auß den oberen zweyen teylen mach die ander zird / auß dem
 vnderē halbteyl mach im vndersten dritteyl ein fassen / vñ auß den oberē zweyen teylen ein holkelē / aber
 im oberen vorgemelten halbteyl mach auß dem vnderē halbteyl in seinem vnderen dritteyl auch ein fa
 sen vnd holkelen darob / wie vor von dem vnderen teyl geredt ist / vñ im obersten teyl mach zwei schmal
 fassen vnd in der mit ein stab so groß die zwei fassen sind.

Das ober gesims mach eines dritteyls schmeler dann das vnder vnd lad das seyner dicken weyt auß
 dises teyl in drey teyl auß dem oberstenn dritteyl/ mach zwey feslein das ober breyter dann das vnder/
 aber in der mit zeuch ein schlangen lini die so breyt sey als die zwo fasen das die holfelen oben vnd der
 außbug vnden sey/ aber auß den vnderen zweyen dritteylen mach zwo holfelen vñ das die vnder oben
 ein kleins fesle hab. Wie ich das hernach hab aufgerissen.


14



DS begybt sich oft / so man in schlachten ein felt erobert das man dann ein gedechtnus oder
 seulen an der stadt da man die feynd erlegt hat aufricht zu einer gedechnuß/ was das für leut
 sind gewesenn die man überwunden hat / sind das mechtig leut gewest / mag man von irem
 zeug den man erobert hat ein soliche seulen machen vnd aufrichten.

Leg zum ersten ein gefird steinberg auf einen bühel der alle ding was man darauf setz tragen müge/
 ein seyten acht vñ zweynzig schuch lang vnd ob dem erdrich neun schuch / vnd leg auß yetlichs eck ein
 büchssen kugel anderthalbē schuch hoch / vnd mach mitten auß disem steinwerck vier staffelen dreyer
 schuch hoch / vñ die vnderst staffel mach ein schuch vñ ein vierteyl hoch / darnach teyl die anderē drey or
 denlich ab / also das die oberst die niderst werde / vnd das sich die mittelen zwo staffelen ordenlich ein teyl
 len / wie dz foren im ersten büchlein hinten in den lininien ist angezeygt / an der vndersten staffel mach


ein seiten vier vnd zweynzig schuch lang / aber die oberst staffel mach eyn vnd zweynzig schuch lang
vnd setz auf yetlichs eck ein bulfer dunnen drythalb schuch hoch / vnd im bauch zweyer schuch breyt /
aber die eck der staffelen schneyd mit einem ortstrich vergleychlich ab. Darnach setz mitten auf die stie
gen ein aufrechten ablangen stein zwelf schuch hoch vnd acht schuch breyt / das gesims lade oben auß
drey vierteyl eins schuchs / vñ machs als dick so weyt das auß geladen ist. Darnach mach auß des ges
sims obersten vierteyl ein fassen / vnd machs zwischen der oberen fassen vnd ende des gesims in dem vi
dersten vierteyl auch ein fassen so weyt auß geladen so hoch sie ist die wirt kleyner dann die ober. Dar
nach zeuch zwischen den zweyen fassen ein schlangen lini / also das die holkelen oben vnd der außbug
vnden sey. Aber die zird vndē an dem stein lad auf yetlicher seiten zweyer schuch breyt auß / vñ mach
die vnder blat fassen eins schuchs hoch. Darnach reys ein zwerchlini durch den aufrechten stein eines
schuchs hoch ob der gestertē blatē fassen / vñ mach auß dem vndersten dritteyl ein fassen die furdret den
stein eins schuchs weyt / vnd auß den oberen zweyen teylen mach ein holkelen die da ende im negsten
dritteyl bey dem stein zwischē der fassen end vnd des steins. Darnach setz ein werf mörscher mit seiner la
den mitten auf disen stein die vnder augē acht schuch breyt sey / vñ mach den mörscher mit sambt sei
nem gestül hoch zehen schuch / vnd mach in foren vmb das maul breyt fünf schuch von der zird vnd
sterck wegen / aber im leyb mach in vier schuch vnd eyn vierteyl / aber die ring vñ zird sollē oberlauffen
vnd im bulfersack mach in breyt drey schuch vnd eyn vierteyl. Darnach stell mitten auf disen mörscher
ein grosse starcke büchsen eyn vñ zweynzig schuch lang hinden dreyer schuch aber foren zweyer schuch
breyt / das eyssen das sie scheußt soll eins schuchs hoch sein / vnd das maul an der büchsen soll starck sein
dann die zird soll foren vnd hinden den leyb der büchsen in rechter ordnung vnd stercke obertreffen /
wie dz die künstlichen büchsen giesser wol wissen zümachē. Darnach steck oben in die büchsen ein glos
cken mit irem ör dreyer schuch weyt vnd zweyer hoch / vnd leg zwo bafesen kreuz weys darauf / vnd setz
vier harnisch mit den rucken an einander auf die bafesen / also das auf den vier ortenn jr beingwand
ober die bafesen hangen das alles mach vier schuch hoch / aber ire federbusch magstu vber ire helmlet /
vnd auff die seiten ziehen so hoch vnd weit du wilt / vnd ein bafesen mach lang. 6. schuch wie das her
nach ist auffgerissen / aber so dise ding groß im werck gemacht werdē / soll man ein yetlich ding sunder
ziren





Welcher ein victoria auf richten wolt darumb das er die außfrürischen bauren überwunden
 het der möcht sich eins solichen gezeugs darzu gebrauchen/wie ich hernach leren wil. Erst-
 lich setz ein gefierten stein zehen schuch ein seitten lang vnd vier schuch hoch der ste noch
 auf einer gefierten blatten zweynsig schuch ein seitten lang vnd eyns hoch/vnd auf
 einen bühel auf die vier örter leg gebunden küe/schaff/schwein vnd allerley. Aber auf den obes-
 ren gefierten stein setz vier körb auf die vier ort mit kes/butter/ayer/zwiffel vnd kreuter oder was dir
 züfelt. Darnach leg noch mitten auf disen stein ein anderen gefierten stein ein seitten siben schuch
 lang vnd eynes schuchs hoch/mitten auf disen stein setz ein haber kasten vier schuch hoch vnden
 ein seitten sechs schuch vñ ein halben lang aber oben bey dem schlos sechs schuch lang/vñ zu oberst auf
 d'deck. 4. schuch lang darauf stürz ein kessel vierdhalbē schuch weit/aber im bodē nün drey schuch/mit-
 ten auf des kessels boden setz ein kesnapf eyns halbē schuchs hoch/oben zweyer schuch weyt/aber am bo-
 den nit mer dan anderhalbē den deck zu mit einem dieken teller dz wol vberschies/mittē auf dz teller setz
 ein butterfas drey schuch hoch/vndē am bodē anderhalben schuchs breyt/ aber oben nür eines schuchs
 weyt/doch die schnaupen darauß man geußt soll fürtreffen/mitten auf dis butterfas/setz ein wolge-
 schickten milich krug dreyhalbē schuchs hoch/im bauch eyns schuchs weyt/ aber obē eins halben/aber
 den fües mach vndenn weyter/vnd im milich krug richt auf vier scharren damit man das kot züsas-
 men raspt die zeuch vbersich fünf schuch vñ eyn halben/darum pind ein garbē fünf schuch hoch/also
 das die scharren ein halben fürtreffen/vnd henck daran der baweren werckzeug hawen/schauflen/ha-
 cken/mistgabel/trischenflegel vnd der gleychen/darnach setz zu oberst auf die scharren ein hünere körble
 vnd stürz darauf ein schmaltshafen/vñ setz ein traurettē bauren darauf der mit einem schwert durch
 stochen sey. Wie ich das hernach hab aufgerissen.

Item welcher einem trunckenbolz auf sein begrebnus ein gedecktnus wolt aufrichten der möcht sich
 einer solichen nachfolgeten aufgerisnen maynung gebrauchen. Erstlich sein grab daran ein epitauis-
 um machen dz den wolust mit gespöt lobet/vñ auf das grab ein pier tunnen aufrecht stellen/vñ oben
 mit einem bretspil zudecken/darauf zwo schüssel ober einand stürzē/darin wirt freßerey seyn/darnach
 auf der oberen schüssel boden gestelt ein went nindertrechdigen pierkrug mit zweyen hand habē/dz deck
 mit einem teller zu vñ stürz darauf ein hochs vngelertes bierglas/vñ setz auf des glas boden ein körb-
 lein mit brot/kes vñ butterē. Der gleychen von anderen dingē möcht man gar manicherley nach eines
 pedlichen leben sein begrebnus zieren/solichs hab ich von abenteurer roegen wöllen anzeygen vnd zu
 sambt den anderen seulen aufgerissen.

16.







Sich foren von den lengletten corperen ein wenig angezeigt hab/wil ich nun ein festen runden thuren leren machen allein das blos corpus on alle zierd/welicher aber einen solichenn thuren bawen wölle der ziere in nach seinem gefallen /difer thuren soll gemacht werden in einer stat an dem aller gelegesten ort vnnnd mitten auf einen marckt gestelt /auf das man ober die ganzen stat darauff sehe/vñ das sich die fremden in allen gassen nach dissem thuren wissen zürichte /difer marcke soll auf das aller wenigst so weyt sein das ein seytten von seiner fierung fünf hundert schuch er lang

J ij


Auf diesen platz stell in der mit ein runde stiegen zehen schuch hoch von achtzehen staffelen / vñ ein yetli
 che staffel mach eyns schuchs breyt so wirt der dritt sanft / vñ den Diameter oder vñstrich durch die vn
 dersten staffel do di stiegen am breyttestē ist mach hundert schuch lang so behelt der Diameter der ober
 sten staffel sechs hundert vñ eyn vñ vierzig schuch / die stiegen dient das man darauf sehen mag wñ
 an dem ganzen marckē geschicht vñ was man darauf feyl hab. Darnach stell mitten auf diese stiegē
 den thuren vñ mach in vñden vierzig schuch weyt mit sanft der mauren die mach vñden dick zehen
 schuch so beleibt der thurē inwendig holl zweynzig schuch durch den Diameter / die selbig weyten für
 inwendig gerad / inauf dñ sie gang aufrecht ste bis zum gang der gemacht soll werdē daselb mach die
 mauer fünf schuch dick so leint sich die mauer aussen vñ oben hinein / vñ wirt der thuren oben eyns
 vierteyls schmeler dann vñden / das stet im wol an vñ tregt starck. Darnach mach den thuren von vn
 den auf bis vñder die dachung zweyhundert schuch hoch / so wirt er seiner vñdersten weytē fünfer hoch
 vñ inwendig im thuren mach an der mauerē zu rñg herumb ein flache schnecken stiegen bis zum
 gang hinauf / der massen weñ es not thet das man sie auch reyten möcht / zu diser stiegen brauch die
 schnecken lini die im ersten büchlein in der. 17. figur anzeygt ist. Darnach mach ein schmalen vñ
 gang vñb den thuren / der mauren höhe gleych / der mit dem gesims vñ allem nit weyter herhab tret
 dan acht schuch vñ lad in drey schuch weyt auß / doch magst du das ober gesims weyter lassen für tret
 ten. Darnach setz auf die thuren maur ein gemauertē dachung / vñ zeuch den eusseren form durch die
 lini des ersten büchleins in der. 30. figur / aber innen hinauf zeuch die lini mit einem cirkel / so wirt die
 dach mauer oben dünner dann vñden / vñ dise dachung mach fünfzig schuch hoch bis vñder das
 glockhaus. Aber das glockenheuslein mach fünf schuch breyt vñ zehen hoch / vñ das ober halbeyl
 mach offen zwischē den gsimsen mit seulen versect / vñ die / dachung darauf mach auch zehen schuch
 hoch / vñ die gestalt des dachs wirt mit zweyen außbogen zirkellinien oben zusamen gezogen. Dar
 nach mach die stangen knopf vñ fannē auch zehen schuch hoch. Des thurners wonung soll in der
 dachung sein / das er auf sech / zeychen geb / vñ die or richt. Diser thuren ist hernach aufgerissen.



[Faint, illegible text, likely bleed-through from the reverse side of the page.]


22


19



T III

Begibt sich das einer zu zeit geren wissen wolt wie hoch ein thuren were zu sollichem absehē/
 vil instrumēt dienē als das Astrolabium vñ des selben quadramen baculus Jacob vñ der gley
 chen ich will aber hic einen schlechte weg anzeigē. So du die höch eines thurns absehē wild so
 bezeychē den oben. b. vñ den. c. vñ dein aug sey. a. das stell darvon so weyt du wild/ aber in der höhe als
 vñ den das. c. Darnach nym ein rechts winckelmas vñ auf das ein ort mach ein schmals richtscheyt
 lein das an einem negelein vmb gee/ vñ foren beweglich sey/ vñ leg das winckelmas auf die lini. a. c.
 also das die aufrecht seyten gegen dem thuren ste vñ dein aug sey hinten am ort da das beweglich
 richtscheytlein ein zepft ist / vñ richt das richtscheytlein auf die höch. b. vñ so du die recht höch hast
 punctir das winckelmas vñ der dem richtscheytlein vñ befestig das darnach / leg an der selben stat vñ
 uerrucke dein winckelmas vñ richtscheyt auf die seyten nider zu deinem orizon/ was dann die höhe des
 thurns ist das leg auf des thurns seyten/ vñ merck das mit einem puncten. d. so finden sich zwen gleych
 dyangel der aufrecht des thurns höch. a. b. c. vñ der nider gelegt. a. c. d. so gewindt die höch. b. c. vñ die
 nidergelegt weyten. c. d. ein leng/ diß felt nit aber du must fleys thun im messen/ solichs hab ich hernach
 aufgerissen.







J III

Sist auch den steinmessen / maleren / vnd schreyneren nuß das sie an die thürn heuser vnd gemeur ein gemeine sonnē or konnen aufrichten / des halben will ich nachfolget ein wenig darfan anzeygen / so vil für den gemeinen man not ist / vnd die klein or von. 12. stunden leren machen.


Erstlich leren auß einem puncten der ob einer geraden lini stet ein aufrechte lini ziehen / wie dz foren in dem büchlein der linien auch angezeyt ist / aber zū mererem verstand sind das also. Reyß ein lini. a. b. darob seß ein puncten. c. vnd seß einen cirkel mit dem ein fues darein / vnd mit dem anderen reyß ein cirkel drum ober die geraden. a. b. vñ wo sie die durch schneydet da seß. d. e. Darnach seß den cirkel mit dem einen fues in den puncten. d. vnd den anderen thū angeferlich so weyt auf als du wild / vnd reyß mit ein cirkeltrum durch die lini. a. b. vbersich vnd vnder sich / des gleychen thū im auß dem puncten. e. mit vnuerzucktem cirkel / wo dann diese zwen krum ryß an einander durch schneyden da seß oben ein. f. vnd vnden ein. g. Darnach reyß. c. f. vnd. g. gerad zūsamen / vnd wo. a. b. durchschneiden wirt da seß ein. h. so wirt. c. h. g. ein aufrechte lini zū gleychen winckelen / dis ist erstlich not zū den horalogien auß das du wissest was ein aufrechte lini sey / wie das hernach ist aufgerissen.



Seyter mach ein vierteyl eines cirkels des centrum sey. a. vnd die ende. b. c. disen bogen teyl in neunzig teyl oder grad / zūm erstē teyl in in drey teyl / darnach teyl yetliche driten auch in drey teyl der werden neun / darnach teyl yetlichen neun teyl in zwey so werdē. 18. darnach teyl ein yetlichen achzehen teyl in fünf teyl so werden im cirkeltrum neunzig teyl / vnd stell disen quadrantē. c. a. aufrecht / vñ. a. b. vberzwerch / vñ die grad sollen von dē. b. vbersich gezelt werden gegē dem. c. wo du nun in einer stat bist vud wild ein horalogium machen / so such zū dem ersten durch ein instrument / oder in tafelen darzū gemacht / wie hoch der polus ob dem erdrich erhaben sey / also zū Nürnberg ist sein höch neun vnd vierzig grad / so zel von dem. b. vbersich bis zū end des neun vnd vierzigsten grades do seß ein. d. vñ zeuch. a. d. gerad zūsamē / dise lini. a. d. nent man Lateinisch axem mundi / das ist die art daran die ganz welt vmb get. Darnach zeuch ein andere aufrechte lini wie du foren gelert bist auß dem puncten. d. auß die lini. a. b. zū rechten winckelen / in den selben puncten seß ein. e. dise lini nent man in Latein muralem / aber Teutsch mauerlini / darauß die aufrechten horalogia an die maueren gemacht werden. Darnach zeuch ein gerade lini auß dem puncten. e. an die lini. a. d. zū gleychen winckelen auß der vorgendē regel / wo dise lini die art oder stangē lini d welt durch schneydet / da seß ein. f. dise lini nent man in Latein equinotiale / dz ist die lini die die art lini d welt in der mitt zū gleychē wincklen von einander scheydet / all dise linien sind nun recht gestelt auß Nürnberg / wie das hernach ist aufgerissen darauß man die horalogia machen kan / vnd diser quadrant soll so gros gemacht werden das du das horalogium darauß mahen mügest / dann du must sein stettigs gebrauchen vnd darauß arbeyten / der dryangel. a. e. d. mag von holz oder metall gemacht werden darnach man die stil oder zeyger der oren ein leget / an der maueren sol. d. ein geheft werden / vnd. a. ledig gegen dem polus vnder der erden / so in Latein Antarticus genent wirt steen / auß der ebne soll. a. ein geheft werden / vnd. d. außgericht in den polum articum / so. e. d. im plano oder auß der ebne ligt so weyset. d. a. die höch des equinocialis.




In fahe an das horalogium zümachen/vñ reys ein gerade lini.g.h. vnd reys ein andre gera-
 de aufrechte.f.l. zü gleichen wincklen mitten dardurch/vñ da sie an einander durchschneyde
 da setz ein.m. Darnach nym mit einem cirkel auß den quadranten die leng der lini equinoctis
 alis.e.f.vnd setz in mitt den einen fuß in den puncten.m. vnd mit dem anderen reys ein cirkellini/dise
 wirdt durch die zwo vorgerissnen geraden linien.g.h.vn.f.l.in vier geleyche teyl geteylt/vnd wo die cir-
 kellini die lini.f.l.durchschneydet/da setz.n.o.durch diese zwen puncten reys zwo gerad linien.p.q.vñ
 r.s.die parallel seyen mit der lini.g.h.Darnach teyl yettlichs vierteyl in der cirkellini mit puncten in.6.
 geleyche felt so werdenn vier vnd zweynzig gleycher teyl in der cirkellini. Darnach zeuch gerad linien
 in der cirkellini durch die puncten die gegen einander vber sten durch das centrum.m.vnd gar hinaus
 zü den zweyen linien.p.q.vnd.r.s.vnd such auß den linien des quadranten albeg gar fleysig wo ein
 yettlichs horalogium hin gehört zümachen/aber das obgemelt ist hernach aufgerissen.



Also dienet das obgemelt gegen dem equinoctial vnd mitag den stil mitten im centrum.m.
 mach aufrecht gegen dem equinoctial/sein leng nym auß den centrū.m.bis in puncten.n.od.o.
 Die stil im oriental vnd occidental mach auch also /nym jr leng aus den halben diameter jres
 equinoctials cirkel. Darnach nym mit einem cirkel auß den vorgemachten driangel die leng.d.e.vnd


setz den einen fuess in den puncten. n. vnd den anderen auf die lini. l. k. in die selb stat setz ein. v. in diesem centrum laß den cirkel mit dem einen fuess stil sten / vnd mit dem anderen reiß auß den puncten. n. ein cirkellini / darnach zeuch auß diesem centrū. v. gerad lini in die puncten der lini. p. q. Darnach nym mit einem cirkel auß den vorgemelten dryangel die leng. a. e. vnd setz in mit dem ein fuess in den puncten. o. vnd den anderen auf die lini. k. l. in den selben puncten setz ein. r. darauf zeuch gerad linien bis in die puncten. r. s. Darnach setz den cirkel mit dem einen fuess in den puncten. r. vnd reiß mit dem anderen ein cirkellini durch den puncten. o. also ist der ober cirkel auß der vorgemelten leng. d. e. gemacht / vnd gehört an die aufrecht mauer zústellen / aber der vnder cirkel der auß der leng. a. e. gemacht ist / gehört auf den orizon oder ebne zústellen. Wie das hernach ist aufgerissen / darauf auch die seyten horologia sind zú nemen.





Dieser horalogien mag man manicherley ecketter stöck machen darauf allerley horologia zú machen sind / aber hie will ich ein gemeynen brauch durch ein cubum anzeigen den man an etlichen orten beschneiden sol / vnd darnach auf die selben felder die die sonn bescheynen mag horologia stellen / thü dem also / bezeychen den cubum auf einer seyten an seinen vier ecken mit. k. l. m. n. vnd setz ein puncten. c. mitten darein / daraus reiß ein cirkellini die die vier seyten der fierung an rür / vnd teyl die cirkellini mit zweyen geraden linien in vier gleyche teyl zú rechten wincklen / also das die zwerchlini. a. c. b. den orizon bedeut / vnd die aufrecht lini oben sey das zenit auf dem haubt / vnd vnden das. e. sey der fuess oder basis. Darnach teyl ein yettlichs vierteyl des cirkels in neunzig teyl wie oben gelert ist / vnd zel von dem. b. vbersich gegen dem. d. so vil grad der polus hoch stet wo du bist / aber hie zú Nürnberg wie gemelt ist die eleuation neun vnd vierzig grad wie vor gemelt / vnd wo sich diser grad endet do setz einen puncten. f. Darnach reiß ein gerade lini. f. c. vñ gar an die zirkellini do hin setz ein. g. diese lini deuttet arem mundi daran die welt vmb get / nach diser lini sollen die stangē die den schatten an den maurē geben gericht werden / aber auf den verwentē seyten / vñ auf der ebne mag man die stangē nach dem equinoctial oder zenit richten / die stile der vier horologia im cirkel des equinoctials sollen yettlicher in seinem felt zú gleychen winckelen aufrecht sten. Darnach reiß durch das centrum. c. ein gerade kreuz lini von einem ende des cirkels zú dem anderen / also das die lini der art vnd diese vier gleyche winckel machen vnd setzen an ire ende. h. i. diese lini zeyget an den equinoctial zú beden. seyten


durch die puncten. h. i. so nimm diese lini des equinoctialis kreuzweyß zu gleyche wincklen vber die lini der
 art mundi recht stet / so wil dann die art mit irem ende . f. hinauf steygt / also vil steigt die kreuzlini des
 equinoctialis mit jem puncten. h. hinab / vnd der gegenteyl des polus durch das. g. gemerckt / des gleych
 en der gegenn teyl des equinoctialis bey dem . i. verstanden gend gleych mit / dann was am polus zu
 get das get am equinoctial ab / so wirdt in allen viertheylen neun vnd vierzig grad beleyben / das ist die
 höhe des polus zu Nürnberg / vnd die eyn vnd vierzig vbrigen grad bis zu dem zenit ist die weyß
 ten von dem equinoctial bis zu vnserem orizon / dardurch wirdt der cubus auf der gestierten sey
 ten. k. l. m. n. in acht eck geteylt / die parallel linienn kanstu recht formiren so du die linienn. f. g.
 aris mundi / vnd. h. i. equinoctialis gar hinauf zeuchst zu beden seyten durch den cubum / vnd suchst
 durch die ersten regel oben die krüz lini auf allen vier seyten. h. f. i. g. wie sie da verzeyhnet sind / in dis
 sen linienn stich dem cubus die vier scharpfen seyten ab darauß werdenn acht gestierte felder / mitten
 durch sie alle soll die mitag lini gezogen werden / vnd die zwo neben seyten gewinen acht eck / aber vn
 gleych dis gestiert corpus / set mit dem aufgerisnen ort gegen dem aufgang der sonnen / vnd sein vn
 derteyl gegen dem vndergang / vnd das. a. stel gegen mittag / aber das. b. gegen mitnacht. Darnach
 richt die horalogia auf alle gestierte felder da die sunn hin reycht / auch an die zwo nebe seite gegen dem
 auf vnd nidergang / wie das alles hernach ist aufgerissen.

24






Das nachfolget horalogium mach gegen dem equinoctial vnder der erden gegen mitternacht/
 des still leng nym auß dem mitten centro bis an die lini achte vnd viere auf der mittleren lini.



.a.b. ist die leng des stils.


a. ist der punct dorin der stil aufgerichtet sein soll.

Fem an ein yetliche mauren horalogia zu machen sie sey wie sie wolle / die selben ausschleg zu
 finden auf alle seyten / oder dz hangen sey im zenit hinder sich oder fürsich / das such durch zwen
 grad verruckt riß. aa. bb. den ersten zu der zwerchen den anderen zu der aufrechten lini / daran
 sich die radij lenger kürzer die felder darzwischen weyter vñ enger machē / wie dz hernach ist aufgerissen



Vnd wiewol noch gar manigerley horalogia sind in den man alle stund sehen kan was das aufstey-
 gend zeychen sey / wie der tag ab vñ zu nymbt / in welchem zeychen die sun sey / die stund der Planeten
 vnd der gleychen hab ich doch allein die gemeyn stund wollen anzeigen / vnd das auf das kürzest die
 weyß diß anzeigen der stund nit das foderst fürnemen / sunder allein ein zufal ist. R

S begibt sich oft das man schrift an die seulen / thürn / oder an hohen mauren macht / darumb welcher an ein thuren schreiben will das man die oberst zeyl der buchstaben als wol gesehen zu lesen als die vnderst / der mach sie oben gröser dan vnden / durch ein solichen weg / stell dein gesicht so weyt von dem thurn / vnd in der höch wie du wild / diß sey ein punct. c. vñ nym für dich den weg des dryangels. a. b. c. der. 16. figur des lini büchleins / vñ las das. a. b. sein die thüren höhe oder want darauf du schreiben wild. Nun teyl in das cirkeldrum. b. e. mit puncten gleych weyten der zeylen darein du schreiben wild / vñnd als dann far auß des gesichts puncten. c. mit geraden linien durch all puncten des cirkeldrums. b. e. bis an die aufrecht thürē höhe oder want. a. b. Darnach far mit parlinien auß disen puncten auß des thurns want ober zwerch. Zwischē die selben linien must du dein schrift setzen / da wirdt dir anzeygt wie vill die oberen buchstaben gröser werden dann die vnderen / vñnd so du aber ein kurze lini nach der langen. a. b. gleychmesig wild teylen / so reiß all linien gerad in den punctē c. vnd schneid sie mit einer aufrechten parlini. f. g. gegen dem puncten. c. ab. so wird. f. g. gleych geteylt wie. a. b. mit der sie ein parallel ist. Diß ist zūbrauchen im für oder hinderseze zū ergrößen oder kleiner machen. Also sind all lini nach anderen zū teylen in gleychen oder vngleychen dingen / vnd in den teylen die man nit nennē kan / vñ soliche teylung hat nit allein stat in den pustabē / sonder in allen anderē dingen / vñ in sonders so man einen hohen thuren in allen gaden mit bildwercken zire will / also dß die oberen bild gleych den vnderen scheynen kan durch disen weg geschehen / wie das hernach aufgerisfen ist.





S Dañ die bauleüt auch maler vnd ander etwan schrift an die hohen gemeiner pflegen zu ma-
 chen/so thüt not das sie recht bustaben leren machen/darumb will ich hie ein wenig dafon an-
 zeugen/erstlich ein Lateinisch. a b c. für schreyben/darnach ein textur/die zwo schrift man ge-
 wonlich zu solchen dingen braucht.

Zu dem ersten vñ Lateinischē bustabē mach zu einē netlichen ein rechte fierung darein er verfast werd
 aber so du den bustaben darein zeuchst so mach sein grösseren zug breyt ein zehenteyl von der fierung/
 seyten leng/vnd den dünneren zug mach eyns dritenyls breyt von dem breyten /das merck durch all bu-
 staben durch das ganz. a b c.

Erstlich mach das. a. also/bezeychen die eck seiner fierung mit. a. b. c. d. das thü zu allen bustaben /vñ
 zerteyl dise fierung mit zweyen kreuz linien die aufrecht. e. f. die zwerch. g. h. Darnach sez vnden in
 der fierung bey. c. d. zwen punctten. i. k. eyn zehen teyl hinein/vnd zeuch den dünnen strich des bustaben
 von dem. i. ober sich an die fierung von dan zeuch den breyten strich wider herab/also das ire beder brey-
 ten aussen die zwen punctten. i. k. an rüren/so beleybt mitten ein dryangel/aber der punct. e. kumpt oben
 mitten in den bustaben. Darnach zeuch das. a. vnder dem zwerch strich. g. i. zusamē/ den strich mach
 eynes dritenyls breyt von der grösseren breyten. Darnach las an dem breyten strich oben ein rund cir-
 keldrum hinder sich ober die fierung auß streychen /vnd nym den bustaben oben mit einer schlangen-
 liini ab/also das die hölen gegen dem dünnen strich ste/vnd schweyff des bustaben strich vnden auf bez-
 den seyten auß/also das sie der fierung eck. c. d. rüren /das thü mit einem cirkeldrum des halben Dia-
 meter eyn sibten teyl von der fierung seyten hab /aber innen hinein las den auß drit von der grösseren
 breyten des strichs zwey dritenyl weyt für dretten / das nym zu bedem teyl mit einem cirkeldrum auß des
 Diameter des breyten strichs breyt sey.



Item dises. a. magst du auch oben mit der fierung blat ab nemen vnd den bustaben auf beder seyten
 außschweyffen wie vnden /doch das der lenger teyl foren werde /aber oben müssen die strich ein wenig
 neher zusamen geruekt werden. Diser dreyer meynung must du dich gebrauchen /weliche dir am bas-
 ten gefelt/vnd merck zu gleycher weyß wie diser bustab. a. oben vnd vnden außgeschweyft wirdt/also
 solst du auch außschweyffen die bustaben der strich ortschelchs gezogen werden/als da ist. v. x. y. aber
 doch ein wenig geendert/wie du hernach hören wirst. Item das. a. magst du noch anderst machen/
 nemlich oben scharpf /so leinen sich die strich oben neher zusamen. Darnach ruck den zwerch zug ein
 wenig mer herab/vñ mach in noch so breyt als for/du magst auch den strich oben stumpf abschneyden
 oder fornē außschweyffen. Vnd diser bustab ist hernach aufgerissen.



R ij

Ster mach das. b. in seiner fterung. a. b. c. d. also/ Erslich teyl die fterung mit einer zwerchli
 ni. e. f. in zwey teyl. darnach teyl. a. b. vnd. e. f. mit einer lini. g. h. auch in zwey teyl. darnach setz
 den ersten aufrechten breytten strich des buftaben so weyt in die fterung von der lini. a. c. so breyt
 der strich ist. Darnach zeuch ein aufrechte lini. i. k. hinter des buftaben strich gegen der mit eyn zehens
 teyl weyt von der fterung seyten leng/ vnd wo sie durch schneydet die lini. g. h. da setz ein. l. Darnach
 zeuch die dunnen zwerchstrich von dem aufrechten strich des buftabē da von die zwen runden beuch
 gezogen werden bis an die aufrechten. i. k. oben vnder der lini. a. b. vnd ob der lini. e. f. vnd ob der lini. c.
 d. Darnach setz ein cirkel mit dem einen fuces in den puncten. l. vnd reys mit dem anderen innen von
 den zwerchstrichē ein halben cirkel/also dz bede ende der cirkellini an der aufrechtē lini. i. k. vnder. a. b.
 vñ ob. e. f. die kurze zwerch strich räre. Darnach teyldes pustabē schmalen zwerch zug ob. e. f. an der li
 ni. i. k. mit einem puncten. m. in der mitt von einander. Darnach setz auf der lini. g. h. die breyte des bu
 ftaben strich mit einem puncten. n. hinder die cirkellini. Darnach zeuch auß dem puncten. m. ob. e. f.
 ein kurze zwerch lini gegen dem. f. so weyt du der bedarfft. Darnach reys ein halben cirkel der dise ob
 gemelte lini das. n. vñ oben die zwerch lini. a. b. räre/ darnach reys durch den punctē. n. ein aufrechte li
 ni/ dise all rären innen die holen des bauchs/ wie sie oben aussen den bauch rären. Darnach zeuch den
 zwerch zug ob. c. d. so lang gegē dē. d. als du des bedarfft/ da hin setz ein. q. Darnach teyl. m. q. mit einer
 zwerchen. o. p. in zwey teyl/ vñ wo sie die lini. n. vñ einand schneydet/ da setz ein. r. Darnach reys ein hal
 be cirkellini die da rür die zwerchen/ e. f. den punctē. r. vnd dz. q. Darnach setz die preyten des pustaben
 zug mit einem puncten. s. hinder das. r. ob der lini. o. p. vnd reys ein halben cirkel der da rür die lini. m.
 den puncten. s. vnd die lini. c. d. also beleyben im pustaben drey winckel/ aber in den vndersten winckel
 reys ein runde aufhölung mit einem cirkel des halben Diameter zwey driteyl von des pustaben breytē
 strich hab. Aber die eusser auffschweyffung oben vnd vnden an dem geraden zug des buftaben mach
 mit einem cirkel des halber Diameter des buftabens strich breytten hab.

Sder mach das. b. also teyl die seyten der fterung. a. b. in neun teyl / vnd schneyd die oberen vier teyl
 mit einer zwerch lini. e. f. ab. Darnach mach den aufrechten zug wie vor beschriben ist/ aber den oberen
 bauch mach zwischen. a. b. vnd. e. f. vnd den vnderen zeuch zwischen. e. f. vnd. c. d. Darnach teyl. a. b.
 in neun felt/ vñ schneyd die vier felt gegen dem. b. mit einem puncten. g. ab. Darnach teyl. c. d. in fünf
 felt/ vnd das negst bey dem. d. schneyd mit einem puncten. h. ab. Darnach zeuch ein lini. g. h. dise lini
 muß aussen den oberen vnd vnderen bauch anrüren / aber dise beuch müssen einer fänderen weys ge
 zogen werden vnd der cirkel zü den runden zügen auf den ort linien verfest / die selben zwen ortstrich
 mach also / teyl. a. e. in vier felt das negst bey dem. e. punctir mit einem. i. Darnach punctir das negst
 fünf teyl von. e. c. ob dem. c. mit einem puncten. k. Darnach zeuch. i. b. vnd. k. f. gerad züsamen / auf di
 sen linien ruck den cirkel vnd reys die zwen den oberen vnd vnderen bauch so werde sie oben dicker dan
 vnden / wie das die feder gibt / darumb werden dise beuch nit cirkel rund / dann du must den cirkel auf
 der ortlini verfestē / vñ denacht mit dem handzug darzü helffen. Wie ich das hernach hab auf gerissen.





B

B

Darnach mach das. c. also in sein fterung / zeuch ein zwerch lini. e. f. mitten durch die fterung / vnd setz ein puncten. i. mitten auf die lini. e. f. darausz reys ein cirkelriß der die vier seyten der fterung. a. b. c. d. an rür. darnach setz den vnferzuckten cirkel auf der lini. e. f. so weyt hinder das. i. so breyt des bustaben grösser strich ist in einem puncten. k. vnd reys auch einen cirkelriß mit herumb der streicht ober die lini. b. d. vnd gibt foren dem bustaben in der rundung sein rechte dickē. Darnach reys ein aufrechte lini. g. h. ein zehenteyl von. b. d. herfür diser strich schneydet ab oben vñ vnden disen bustaben. c. wie das die alten gebraucht habē. aber hie will ich das vnder im mittel zwischen. g. h. vñ d. b. d. abschneyden. Darnach zeuch innerhalb des bustaben von der hand oben vnd vnden da die zwen cirkel durch einander lauffen die runden des dünneren strichs am bustaben solkomen / vñ zeuch auch an den selben orten die rundung ob vnd vnderhalb des bustaben an die seyten der fterung. a. b. vñ d. c. d. aber vnden da d' bustab. g. h. furdrut / da zeuch die gestalt des bustabē vnder der cirkellini ein wenig ein gebogner / vnd das er doch pey der spitz mit seinem end die cirkellini weyter rür / des gleychen nym das ober teyl inwendig auch ein wenig holer auß dann das der cirkelriß gibt / also geben die zwo cirkel lini schier alle gestalt des bustaben.

Zum anderen mal mach das. c. also reys in der fterung ein Diameter. c. b. vnd setz ein cirkel mit dem ein fues in den puncten. i. vnd reys mit dem anderen fues den eusseren cirkel rys wie vor / vñ laß in ober enden an dem Diameter. c. b. vnd vnden laß die cirkellini ein wenig weyter streycken dann vor. Darnach setz den vnuerzuckten cirkel mit dem ein fues ob dem. i. so breyt des bustaben zug ist auf den Diameter / vnd reys mit dem anderen fues den inneren cirkel / so gibt sich der zug nach der federen vnder breyter dann oben. Darnach zeuch das ander mit der hand / vnd die abschnit der end am bustaben seine oben für sich / vud vnden vnder sich. Wie ich den hernach hab auf gerissen.





R iij




Das. d. mach also teyl sein fierung. a. b. c. d. mit einer aufrechten. g. h. vnd einer zwerch lini. e. f. in vier kleine fierung/vñ wo sie an einander durch schneydē/da setz ein. i. Darnach zeuch den ersten breyten strich des bustaben von der lini. a. b. herab bisz auf die lini. c. d. vnd so weyt hinder der lini. a. c. als des bustaben zug breyt ist/vnd schweyß den strich oben vnd vnden auß bisz in die eck a. e. wie foren in dem. b. beschriben ist/ des gebrauch dich bey allen geraden strichen der nachfolgeten bustaben. Darnach zeuch von dem aufrechten strich des bustaben die zwen dünnen zwerchstrich darson der rund zug des bustaben soll herumb gezogen werden/vnder der lini. a. b. vnd ob. c. d. bisz an die aufrecht. g. h. Darnach reyß mit einem cirkel. g. f. h. zúsamē. Darnach setz die grösseren breyten des bustaben zug auf der lini. e. f. mit einem. k. für das. f. Darnach thū den cirkel von des zugs breyten enger zú/vnd setz den einen fueß in den puncten. k. vñ den anderen in die lini. e. f. in einen puncten da hüt setz ein. l. darin laß den cirkel stil sten vñ mit dem anderen fueß reyß auß dem puncten. k. inwendig rund herum bisz oben vnd vnden an die dünnen zwen strich des bustaben/vñ laß den oberen winckel scharpf aber den vnderen hōle mit einem cirkeldrum auß von der größ/damit der bustab foren/oben vñ vnden außgeschweyßt ist.


Dem. d. mach sein krumen zug noch anderst dann vor/nemlich das er der federen nach gezogen werd oben breyter dann vnden/darzu zeuch ein diameter. c. b. vñ reyß den eusseren runden zug wie vor/aber zú dem inneren setz ein puncten. m. so weyt vnder dem. i. als breyt des bustaben zug ist auf den Diameter. c. b. vnd reyß mit vnuerzuckten cirkel die inner lini/aber da der zug düñ soll werden/das must du von der hand zihen vnden vnd oben. Wie das hernach ist aufgerissen.





Das .e. schreyb also in sein fierung / reiß ein zwerch lini. e. f. mitten durch. a. b. c. d. Darnach
 zeuch des bustaben ersten breyten aufrechten strich / foren zu gleicher weys wie im. d. beschri-
 ben. Darnach zeuch des bustaben obersten dünnen zwerch strich vnder der lini. a. b. das sein
 ent sechs zehenteyl minder eins drittel / von einē zehē teyl erreich / vñ die auffschweyffung dieses strichs
 mach vnder sich am ende eyn zehen teyl von .a. b. breyt / vnd des cirkelriß Diameter damit die auß ne-
 mung geschicht / mach eyn zehen teyl breyt von .a. b. Darnach mach den mittleren dünnen zwerch zug
 mittē auf der lini. e. f. dz er ein zehenteyl von der leng. a. b. kürzer sey dan der ober zug / vñ mach in am
 ende zwey mal so breyt als den oberen / vñ schweyff in oben vñ vnden auß mit einem cirkelriß des Dia-
 meter hab eyn sechs teyl von .e. f. aber den vndersten dünnen zwerch strich ob der lini. c. d. mach das er
 fürdret mit seinem vndersten eck den obersten zwerch zug eyn zehenteyl von der leng. c. d. vnd den spitz
 schweyff noch weyter hinauß zwen drittel von eynem zehē teyl / vñ zeuch in ober sich eyn sechsteyl von
 der leng. c. d. vnd schweyff in mit einem cirkel auß / des halben Diameter eyn sechsteyl von .c. d. hab.
 Item den vndersten winckel im bustaben hōle auß mit einem cirkelriß von der gros / damit der mitler
 zwerch strich auß geschweyfft ist / die anderen winckel laß scharpf beleyben. Wie das hernach ist auß-
 gerissen.





Fem das .f. mach zu gleicher weys wie das .e. allein den vndersten zwerch strich laß auß-
 sen vnd schweyff den bustaben vnden auf einer seyten auß / wie vor auß der anderen. Wie
 ich das hernach hab außgerissen.




Zem das. g. mach zu gleycher weys wie fornen das. c. beschriben ist / allein vor der lini. g. h. zeuch den breiten strich des bustaben von der rundirung gerad vbersich bis an die lini. e. f. vnd schweyff in oben auß wie du vor gelet bist / aber vnden laß die eck vnd winckel beleyben. Oder mach das. g. also in die forgetenlte fierung / reys ein Diameter. c. b. vnd setz den cirkel mit dem ein fues in den puncten. i. vnd mit dem anderen reys ein cirfeldrum auß dem. e. bis mitten auß. c. d. da hin setz ein. l. also reys auch von dem. e. vbersich an die lini. a. b. bis an die aufrechten. g. da hin setz ein. z. Darnach setz auß die lini. g. h. ein puncten in eyn zehenteyl von der leng. g. h. vñ zeuch mit der hand. l. m. rund zusamen. Darnach zeuch auß dem. z. vbersich ein ortlini so lang des bustabē strich breyt ist / vnd neyg die lini mitten zwischen die cirfellini vnd der aufrechten. g. h. von diesem ende zeuch mit der hand ein runde lini bis an die lini. a. b. da die cirfellini an rürt. Darnach schneyd. g. h. vnden mit einem puncten. n. ein dritteyl ab / also hoch zeuch den breyten aufrechten zug von dem. m. vbersich / vnd mach die ausschweyffung oben noch so breyt als der zug ist. Darnach setz den cirkel mit dem ein fues so weyt ob dem. i. als breyt des bustaben breyter zug ist / in den Diametr. c. b. vnd reys mit der weyten. e. i. mit dem anderen fues ein cirfellini die die eusser cirfellini oben rürt / vnd ende vnden ob dem. l. Darnach zeuch die lini von der hand zu dem breyten aufrechten zug bey der höhe des. m. vnd zeuch auch oben von der hand die kleiner breyten des bustaben zugs. Wie dz hernach ist außgerissen.



Zem das. h. mach in seiner fierung von zweyen der grösserenn breyten aufrechten zügen so hoch die fierung ist / also das ire eussere ausschweyffung die vier eck der fierung. a. c. vnd. b. d. anrüren / vñ wie du die breyten aufrechten züg der bustaben oben vñ vnden außbeden seyten außschweyffen solt / bist du foren berichte / dan ein yetlicher bustab ist in einem yetlichen breyten aufrechten strich oben vnd vnden in seiner ausschweyffung / drey mal so breyt als in der mitt / wo anderst kein dünner strich daran felt / so das gethan ist als dan mach den dünnen zwerch zug zwischen den aufrechten mitten auß der lini. e. f. Wi. das vnden ist außgerissen.




Als. i. mach mit einem breyten zug mitten in sein fterung/das es oben vnd vnden anrür/vnd
schweyßden oben vnd vnden auß. Wie das hernach ist aufgerissen.




Es. k. den ersten zug thu form herab in der fterung gleych meßig dem forderen zug im. h. Dar
nach zeuch den anderen dünnen zug von dem preyten aufrechten zug/also das er die zwerch
lini mitten in der fterung. e. f. vnden anrür ober ort ober sich vnd hinder sich an. a. b. vnd pa
rallel gegen dem rechten Diameter / aber die ausschweyßung an disem zug mach oben an der zwer
chen. a. b. auf yetlicher seyten eyn zehenteyl preyt von d leng. a. b. vñ die forder ausschweyßung / thu mit
einem cirkelröß des Diameter mit preyter sey dan der düñ strich preyt ist / aber des anderen cirkels Dia
meter / da mit du die anderē seyten ausschweyßst / mach zwey mal so preit / als da ist die cirkellini damit
die forigen geradē preyten aufrechte strich ausschweyßst sind. Darnach zeuch von disem dünnen zug
den vnderen preyten zug vnder sich herab / dz er auch parallel mit d fterung Diameter sey / vñ sein an
fang nym auß dem spiß winckel / den da macht d düñ zug an dem aufrechte preitē / vñ zeuch in mit sei
ner ausschweyßung biß in das eck. d. doch also / setz zwen puncten auf der lini. c. d. herfür alweg eyn
zehenteyl von. c. d. darzwischen breyt / vnd zeuch den forgedachten breyten zug mit plintrissen in dz for
der felt / aber darnach mußt du disen zug ausschweyßen / dem thu also / setz ein puncten. g. auf die lini. e.
f. so weit von dem. f. herfür so breyt der dünner strich des bustaben ist / darcin setz ein cirkel mit dem ein
fues vñ den anderen in den puncten. d. vnd reiß darauß fürhin durch den preytē blinistrich / so gibet dir
dise lini die vnder rundung des zipfels aber die ober ausschweyßung mach also / teyl. f. d. mit einem
puncten. h. in der mitt von einander / vnd setz einen cirkel mit dem einen fues darcin / vnd mit dem an
deren reiß auß dem. d. ein cirkellini hinfür biß an den breyten strich.

Oder mach dz .k. also/erstlich laß den aufrechten zug vñ den oberen dünnen ortzug beleybē wie sie vor sind/allein dem dünnen zug laß oben innen ein eck an der lini. a. b. aber aussen gegen dem. b. schweyß in auß wie vor. Darnach zeuch den breyten ortstrich auß dem eck den da schleußt der aufrecht breyt zug vñ die zwerchlini. e. f. herab auf die zwerch. c. d. also das zwischen dem. d. vñ ende des zuges/ des zugs breyte: i ler bleyb/ vñ das inner eck laß bleyben/ aber gegen dem. d. schweyß in ein wenig auß. Wie dz hernach ist aufgerissen.




Dz das. l. mach auß zweyerley vorgemelten bustaben zúsamē gesetzt/nemlich mach den aufrechten breyten zug/wie foren das. i. beschriben ist/daran setz vñ den den fües von dem vorgemachten. e. also ist das nachfolget. l. aufgerissen.



Dz das. m. mach zweyerley weyß in sein fierung. a. b. c. d. erstlich zeuch des bustaben schmalere aufrechten strich hinder. a. c. eyn zehenteyl von der leng. a. b. Darnach mach den anderen breyten zug eyn zehen teyl von der leng. a. b. für der seiten. b. d. also das sy oben vñ vñ den in der fierung an rüren. Darnach teyl zwischen den zweyen zügen des bustaben auf der lini. c. d. mit einem puncten. e. in der mitte von einander/vñ reiß ein breyten zug auß dem forderen oberen eck des dünnen zuges vñ den in den punctē. e. Darnach zeuch den dünnen zug von dem. e. wider vber sich bis in das forder eck des breyten aufrechten zuges/vñ die inneren oberen eck/der zug des bustabē schweyß nit auß/ aber außwendig/ des gleychen vñ den die zwen aufrechten züg schweyß auf beeden seiten auß wie du in den forderen bustabē bericht bist. Merck auch so man dise bustaben mit der federen schreibe das man sie in einem zug sol machen/ aber vmb deinet willen dich zú vñ derrichten ist diser bustab hernach wie ob stet aufgerissen.



Die ander meynung/teyl die seyten der fierung. a. b. in sechs gleiche feld/vñ schneyd die cufferen zwey feld auf beden seyten mit zweyen puncten. f. g. ab von dannen/zeuch den inneren breyten zug mit dem spiz zu dem puncten. e. wie vor/vnd von dan zeuch den dünnen zug wider vber sich / also das zwischen f. g. ein ler feld beleib/so leynt sich der bustab weyter auß. Darnach laß die zwey seyten strich den forderen dünnen vnd hinderen breyten oben sten wie vor / aber vnden ruck sie bede in die zwey eck. c. d. Darnach mach die ausschweyffung wie du in dem oberen. m. bericht bist / aber die ausschweyffung vber drit vnden die fierung pey dem. d.

Oder mach das. m. oben von scharpfen ecken / so leinen sich die seyten strich neher zusamen / oder schneyd die strich oben stumpf ab/welichs dir dan am basten gefelt das brauch. Wie du das hernach aufgerissen sihest.





Item das. n. mach in sein fierung/ also zum ersten/zeuch die zwey dünnen aufrechten züg das sie oben vnd vnden die fierung rüren/vnd das ire ausschweyffung an dem forderen zug vnden vnd an dem hinderen oben die eck. c. d. reychen. Darnach zeuch mit einem breyte zug die zwey dünnen züg vber ort zusamen auß dem winckel. a. bis in den puncten. e. damit der dünn zug hinder gemerckt ist/ da laß ein scharpf eck bleyben / aber oben schweyß den breyten zug vor dem eck. a. hinauß eyn fünfteyl von der leng. a. b. dise ausschweyffung soll ein fünfzehñ teyl von der leng. a. b. vnder sich gekrümpft werden. mit zweyerley cirkellinien gemacht/ oben mit einer kleinen / vnden mit einer grösseren/ zu des kleneren cirkeles Diameter/nym von der leng. a. b. eyn fünfteyl/vñ setz das centrum auffer halb der fierung/ also das dise das ende der ausschweyffung/vñ das eck. a. pende reychen. Darnach thü den cirkel ein wenig weyter auf / vnd verruck das centrum bis das die cirkellini rüre das ende der ausschweyffung/vnd den preyten ortstrich des pustaben mitten zwischen der seyten. a. c. vnd des forderen dünnen zuges.

Oder mach das. n. das sein obre fordre ausschweyffung innerhalb der fierung beleib / oder mach ein scharpf eck darauß. Wie das hernach ist aufgerissen.




N Als. o. mach in sein fierung also/reys in seiner fierung ein Diameter. c. b. vnd teyl den mit einem puncten. e. in der mitt von einander/ vnd setz des pustaben preiten zugs grössen mit zweyen puncten. f. g. mitten auf den Diameter zü beden seyten neben das. i. die laß zwen centrum sein/ vnd reys auß yetlichem ein cirkellini die zwo seyten der fierung anrüren/ vñ wo dann die zwo cirkellini durcheinander lauffen/ da hin zeuch von der hand die dünner preyten des pustaben zug in rechter form. Wie das hernach ist aufgerissen.



O Als. p. mach in seyn fierung/ also/ teyl die fierung. a. b. c. d. mit einer zwerchlini. e. f. in der mitt von einander. Darnach teyl. a. b. vnd. e. f. mit einer zwerchlini. g. h. auch in der mitt von einander. Darnach zeuch den ersten aufrechten preyten zug/ des. p. gleych mesig wie foren dz. f.

einen hat. Darnach zeuch zwischen .a. b. vnd .e. f. ein aufrechte lini. i. k. so weit hinder dem prenten zug so prent des pustabē zug ist / vñ merck dz albeg/das in der fierung darin der pustab stet/ heyst das eck. a. fornen vnd das .b. hinden/weyter/ wo. i. k. die lini. g. h. durch schneydet da setz ein. l. Darnach zeuch die zwen dünnen zwerch züg oben vnder .a. b. vnd ob. e. f. von dem prentem aufrechten zug bis an die lini i. k. vnd setz einen cirkel mit dem einen fues in den puncten. l. vñnd den anderen vnden an den dünnen zwerch zug/vnd reys von dann hinder sich rund durch die lini. g. h. bis zu dem vnderen dünnē zwerch zug des .p. vnd wo. g. h. durch schueyden wirt da setz ein. m. Darnach setz der pustaben zugs grössere prenten mit einem puncten. n. hinder das .m. auf der lini. g. h. vñ thū den cirkel so weit auf das du auf recht mit reychest die lini. a. b. vnd den puncten. n. Darnach laß den cirkel mit dem einen fues in dem puncten. n. sten/vnd den anderen setz auf die lini. g. h. hinfür in einen puncten. o. Darcin laß den einen fues des cirkels sten vnd reys mit dem anderen einen runden ryß der da rür die lini. a. b. vnd .e. f. vnd den puncten. n. Oder mach den hacken des pustaben also/ setz den cirkel mit dem einen fues vnder der zwerchen. g. h. auf die lini. i. k. mitten zwischen der zwerchen. e. f. vnd vnden des oberen dünnē zwerch zugs des pustaben in einen puncten. p. vnd reys mit dem anderen fues wider durch das .m. rund herum wie vor/ so wirt der hacken des pustaben vnden spizig/ disen spizen laß vnden enden mitten zwischen. i. k. vnd des prenten aufrechten zugs des pustaben.



Oder mach das .p. im krumen zug durch die versetzung des cirkels auf dem Diameter / also das der zug oben prent werd der federen nach. Wie hernach im anderen alfabet ist aufgerissen.



Das .q. mach in sein fierung zu gleycher weys wie das .o. foren gemacht ist / aber ein schwanz zeuch daran also/reys in der fierung einen Diameter. a. d. darunder heb an dem runden zug des pustaben den langen schwanz hinauf zu zihen durch das eck. d. also das mitten in der prenten des schwanz sey /vnd da der schwanz an hebt mach in ein wenig dünner dann in dem eck. d. da er sein vrchte prenten soll haben. Darnach zeuch in von dem eck. d. des ganzē Diameter lang hinauf/vnd vnder sich/also das er ein krümte gewin so er schlemis get/ das er mit seinem ende nit tiefer vnder die vnderst lini der fierung kum dann eyn dritteyl von der fierung höhe/ vñ ye lenger ye dünner hinauf gezogen werde /vnd auf die leze ein ganz dünner strich darauf werde.


Oder mach dem .q. den schwanz kürzer/nemlich also/ nym mit einem cirkel die leng. e. d. vñnd reys den schwanz von dem runden ryß heraus / die erst lini durch den puncten. d. so lang da ist. c. d. vñnd das sich der schwanz vbersich krüm bis wider zu der höhe. c. d. vnd merck den puncten mit einem. h. Darnach versetz den cirkel /vnd mit dem anderen fues reys wider von dem runden zug des pustabert vnder dem. d. heruñ bis wider in den puncten. h. also das der schwanz im anfang sein groste prenten hab wie das nachfolget in der ersten figur doppell ist aufgerissen.

£





Süter das. r. mach also in sein fierung geleych wie das. p. züm ersten beschribē ist. Darnach zeuch ein aufrechte lini. q. r. mittē durch die fierung/wo sie dan den eusseren runden zug durch schneydet da setz ein. s. von dem selben punctē zeuch ein prenten zug herab gegen dem winckel. d. schier gemēß dem zug den foren der bustab. f. hat doch soll er ein wenig einwerß gekrümpft sein. Darumb mußt du disen zug von der hand ziehen/ vnd sein ausschweyffung wolgestalt piß in den winckel. d. führen.

Oder mach dz. r. also / das sein krumer zug der feder nach oben prent sey vñ vnden schmal / darzü soll der cirkel auf einem Diameter versetzt werden / vñ der krum zug soll den auffrechten nit anrüren/ wie im. p. beschriben ist/ auch soll der ort zug der von dem krumen get ein wenig cyngebogner gezogen werden. Wie ich das hernach hab aufgerissen.




Sem das. f. mach also in sein fierung. a. b. c. d. Erstlich reiß die mitler zwerch lini. e. f. vnd ein aufrechte. g. h. vnd wo die in der mit an einander durch schneyden da setz ein. m. Darnach nym des pustaben zug grose prenten vñ setz die auf die lini. g. h. also das der punct. m. vnden ein dritteyl von diser prente abschneyd. Darnach setz die dünner prente des pustabē zug mit zweyen puncten oben vnder dem. g. mit einem. i. vnd ob dem. h. mit einem. k. vñ merck die prenten des pustabē oben mit einem. n. vnden mit einem. l. Darnach setz ein cirkel mit dem einen fues auf die lini. g. h. mitten zwischen. i. n. vñ reiß mit dem anderen fues ein cirkellini durch. i. n. Darnach setz den cirkel aber mit dem ein fues auf die lini. g. h. mitten zwischen. g. l. vnd reiß mit dem anderen fues ein cirkellini durch. g. l. Darnach setz aber den cirkel mit dem einen fues auf der lini. g. h. mitten zwischen. n. h. vnd reiß mit dem anderen ein cirkellini durch. n. k. Aber setz den cirkel mit dem einen fues auf der lini. g. h. mitten zwischen. l. k. vnd reiß mit dem anderen fues ein cirkellini durch. l. k. Darnach schneyd den oberen zug des buftaben aufrecht ab / also das diser schnid am ende des pustaben grösste prenten / vnd eynes dritteyls mer hab / vnd das der spiz so tief herab ge das er dem Centrum zu. i. n. auf der seytten gleich ste / darumb soll diser spiz von der cirkellini. i. n. hinder sich gezogen werden bis in das erst dritteyl zwischen der klein vnd grösseren cirkellini. Darnach schneyd den pustaben formen vnden ab mit einer aufrechten lini mitten zwischen den zweyen runden rissen / vnd das diser abschnid eins vierteyls prenter sey dann der ober hinder. vnd das sein spiz des Centrumis höhe zu. n. h. gleich ste. Das. f. mach noch einer anderen weis / setz mitten in die fierung. a. b. c. d. auf die zwerch lini. e. f. ein puncten. m. Darnach stell ein cirkel mit dem einen fues mitten zwischen. g. m. vnd mit dem anderen reiß ein cirkellini. g. m. gegen. a. e. Darnach setz den cirkel mitten zwischen. m. h. vnd mit dem anderen fues reiß ein cirkellini. m. h. gegen. f. d. dise zwo krume linien rüren foren oben vnd hinten / vnden die eusseren krüm des. f. Darnach zeuch ein Diameter. c. b. durch das. m. mitten darauf setz die prenten des grösseren zugs mit zweyen puncten. p. q. auß denen zeuch zwo gerad linien vbersich vñ vnder sich an pede cirkelreiß. Darnach zeuch zwo parallel auß peder puncten. p. q. vbersich vñ vnder sich / innerhalb peder cirkellini bis zu der höhe vnd nideren beder Centrum der cirkellini. Darnach punctir vnder dem. g. vnd ob dem. h. mit zweyen puncten die dünner prenten des pustaben / von dann reiß mit der hand den form des. f. innen / oben vnd vnden formlich / vñ zeuch den zug des. f. oben hinauf gegen dem. b. vnd schneyd den zug ab das der vnder spiz den cirkelreiß rür / vñ das vbersich der abschnid eyn zehenteyl von der leng. a. b. hab / vnd das der cirkelreiß den abschnid fürtref. Darnach setz ein aufrechte lini. r. s. hinder. e. c. eyn fünfteyl von d lenge. c. d. wo dise den Diameter durch schneydet da setz ein. t. in den selben winckel zeuch das ende des pustaben / vmb mach den abschnit vmb eyn dritteyl prenter dann den oberen / darumb must du ein wenig für das. t. hinauf faren. Wie ich das also hernach hab aufgerissen.



S S


Das. t. stell aufrecht mitten in sein fterung / vñ schwenf das vnden auf peden seyten auß / wie da foren dz. i. igemacht ist / darnach setz zwen puncte yetlichen eyn zehenteyl von der leng. a. b. hinder das. a. ein. e. vnd für das. b. ein. f. also lang mach den zwerch strich des pustaben vnder der lini. a. b. aber pede seyten des zwerch zugs sollen außgeschwenft werden / vnd durch ortstrich abgeschnitten / vnd oben sollen die selben scherypf vber die lini. a. b. gezogen werden / vnd oben hindersich hangen / vnd dise abschnid der ortstrich mach ein fünfteyl von der leng. a. b. lang. Darnach mach die ausschweyffung durch zwenyerley cirkel / in dem engē wincklen brauch dich eines Diameters der zwey dritteyl hab von des pustaben grōsten prenten. Aber zū dem weyten winckel mach den Diameter so prent da ist die seyten der fterung / auf einem teyl neben dem prenten zug des pustaben.

Oder mach das. t. also in sein fterung / mach den puncten. e. wie for hinder das. a. vnd schneyd den zwerch strich des pustabē mit einem ortstrich ab wie for / vñ das die ausschweyffung nūn halb so prent sey als for / vnd dz oben ein schlecht eck pelenb / des gleychen auf der anderen seyten auch / aber den puncten. f. solst du vmb halbteyl neher zūm. b. setzen. vnd den abschnid mit seiner ausschweyffung aufrechter vnd prenter machen dann den forderen / sunst las all ding beleyben wie for. Wie ich das hernach hab aufgerissen.




T T


Das. v. mach also in sein fterung / teyl. c. d. mit einem. e. mitten von einander. Darnach setz ein puncten. f. eyn zehenteyl von der leng. a. b. hinder das. a. also weyt setz auch ein. g. für das. b. Darnach zeuch den prenten zug des pustaben von dem. f. herab mit seinem spiz in das. e. vñ von dann zeuch den dünnen zug vbersich bis an das. g. vñnd schwenf die züg oben auß / wie das. a. foren beschriben vnden außgeschwenft ist. Wie das hernach ist aufgerissen.



V As. x. mach also/rech zwei aufrecht lini.e.f.vnd. g. h. eyn zehenteyl von der leng. a. b. hinder vnd for den seytten.a.c.vnd.b.d. Darnach zeuch des pustaben zwen kreuzzüg / den prenten dz der oben foren rür das.e.vnd vnden hünden das.h.aber den dünnen zug mach das er oben hünden rür das.g.vnd vnden foren das.f.Darnach schweyff die züg oben vnd vnden auß/das sie rüren die vier eck. a. b. c. d. vnd mach den halben Diameter des grösseren cirkels breyt eyn fünfteyl von der leng. a. b. damit schweyff die vier weyteren winckel auß / aber des kleineren Diameters cirkel mach prent zwey dritteyl von des grösseren zugs prenten.
 Oder ender das. x. also/alle ding laß beleyben wie for/allein den dünnen strich richt oben vñ eyn halbtteyl von des pustaben prenten zug mer auß/ so wirt das ober teyl kleiner vnd enger dan das vnder / vnd sicht anderst dann for. Wie das hernach ist aufgerissen.





X As. y. mach mitten in sein fierung in dem vnderem halbtteyl wie foren das. i. beschriben ist. Aber das ober halbtteyl spalt von einander/also das dz forder halbtteyl zwey dritteyl/vñ das hinder eyn dritteyl haben von des pustaben prenten zug/vñ leine ire bede teyl außpede seytten auß/also das ire ausschweyffung die zwey eck.a.b.reychen/vnd zu dem grossen cirkel/ damit du aussen die weyten winckel ausschweyffst/des Diameter mach prent der fierung felt neben dem pustaben/aber die Diameter der cirkel in die kleineren winckel mach ein yetlichen prenter dann der zug auß der selben seytten ist. Wie das hernach ist aufgerissen.



Wach das. z. also in sein fterung / setz auf beden linien vnder vnd neben dem eck. a. zwen puncten. e. f. eyn zehen teyl weyt von der leng. a. b. also setz noch zwen gleich messig ander puncte. g. h. für vnd ob dem eck. d. vnd zeuch gerad. e. f. vnd. g. h. zúsamē. Darnach zeuch den ersten dünnen zug vnder. a. b. von dem. f. hinder sich bis in den winkel. b. von dannen zeuch den prenten zug ober ort bis in das. c. Darnach zeuch den dünnen zug auß dem. c. bis zum. g. Darnach schweyf die zwen spiz. e. h. von der hand auß.





Oder mach das. z. also schneyd die fterung. a. b. c. d. mit einer aufrechten lini. e. f. ab / vnd zeuch den pustaben. z. wider darcin wie for / aber also / das die zwen zwerch strich oben foren vnd vnden hinden mit den aufrechten. a. c. vnd. e. f. abgeschnitten werden. Wie das hernach ist aufgerissen.




Sem all diß forgemacht pustaben mag man von neun prenten hoch machen / wie dann die forgemachten zehen prenten hoch sind / vñ werden eben in irer maß von neun teylen in ir fterung. a. b. c. d. eyn geteylt / wie die forderen durch zehen. Das dest baß zúuersten / hab ich hernach solichen pustaben aufgerissen.


Man macht auch dise pustaben fünf höhe / so man sie klein von der hand schreybet.

In diser schrift mache man die versal in gleycher maß vnd gestalt / aber eyns dritteyls grosser dan die
 gemeyn zeyl der schrift.







E




F




G G




H





I




K K




L







O O O




R R




S S




T T




V



XX



Y



ZZ



Die alten textur hat man etwan in solicher mas geschriben / wie wol man sie yekt einer ande-
ren art macht / das ich dann auch schreyben will. Vnd wiewol man das alfabet am. a. an-
hebt zúschreyben / so will ich doch auß vrsach hie zúm ersten das. i. für mich nemen zúmachen
darumb das schier alle pustaben darauß gemacht mögen werden / doch muß man jm etwan zú ge-
ben oder nemen.

Erstlich das. i. mach auß rechten fierungen / der sez drey aufrecht auf einander / vñ teyl der obersten
fierung oberste seyten vñ der vndersten vnderste mit zweyen puncten yetliche in drey gleyche felt. Dar-
nach sez ein gleych mestige fierung ober ort / den Diameter aufrecht mit dem eck in den fordersten pun-
cten der fierung seyten / so vber trit die ort fierung mit iren ecken / fornen weyter dann hinden. Dar-
nach zeuch von peden seyten der aufeinander gesetzten fierungen linien vbersich an die verruckt sie-
rung. Darnach thü jm vnden wie oben / allein sez die fierung mit irem obersten eck in den anderen
oder hinderen puncten der vnderen seyten an der fierung / vñ zeuch pede seyten von den aufrechten sie-
rungen herab an die verruckt fierung / also ist das. i. gemacht darob reyß mit einer kleiner federen ein
kleines halbes mönlein.

Item das. n. mach auß zweyen zügen des pustaben. i. also das jr oberste vnd vnderste eck an einan-
der rüren / so wirt das felt schlemer zwischen den zügen dann ein zug des pustaben preyt ist / aber kein
mönlein mach mer darauß / vnd mach die kúrzen pustaben all gleych lang durch dz ganz alfabet.

Item das. m. mach von dreyen zügen wie das. n. von zweyen gemacht worden ist.

Das. r. mach wie das. i. allein sez oben hinden daran ein gleych mestige fierung die mit iren ecken
anrüren.

Das. r. mach auch einer solichen meynung / den fues laß vnden beleyben wie for / aber oben sez zwo
verruckt fierung die mit iren ecken an einander rüren mitten auf dem geraden zug / vnd zeuch ped sey-
ten follent vbersich an die fierung.

Das. u. mach dreierley / das erst einfach mach wie das. n. allein an dem hinderen zug laß die verruckt
fierung oben ab gen / vnd mach darfür ein ortstrich / also das die zwey eck des zugs das ein hinden als
hoch sey als forē / das oberst eck an der fierung des ersten zugs / aber das forder ober eck an dem hinderen
zug sey nider als das negst eck an dem forderen zug hinden ist.

Das ander. v. braucht man im anfang der wörter das mach also / den ersten zug mach wie dz. i. allein
ruck das vnderst eck vnden der fierung mer hinder sich / also das dz forderst eck der fierung dem aufrech-
ten zug gleych sey. Darnach stell den anderen zug hinden daran / aber schneyd den selben vnden ab
mit einem ortstrich der von dem vndersten eck hinder sich gezogen wirt biß zú der höhe der halbē fierung
vnder den dreyen die auf einander sten.

Darnach mach das zwifach. w. wie das einfach / allein stell noch ein zug des. i. fornen daran.

Das. b. mach wie das einfach ander. v. aber dem forderen zug laß die oberst ortfierung ab gen / vnd
sez noch drey ander aufrecht firung auf die vnderē drey / aber die sibend schneyd oben fornē mit einem
Diameter weg.

Item so du diß. b. vmb kerst das oberst zú vnderst so ist es ein. a.

Das. x. mach auß dem. i. henck oben hinden daran ein gleych mestige ort fierung / vñ vnden mach an-
der forderen ort fierung ein spizen sparren für sich / vñ in der mitt zeuch ein preyten zwerchstrich durch
den aufrechten zug / also das der foren vnd hinden mit einem Diameter abgeschnitten werd / das for-
der vnder eck las enden des halben aufrechten zugs breyt for dem zug / vnd oben las in an dem zug an-
rüren / aber hinden las in oben hinauß gen in der weyten biß vnder das vnder eck der oberen hinderen
ort fierung / vnd schneyd in ab mit einem parallel gegen der forderen ortlini.

Das. c. mach auch auß dem. i. aber thü die ober ort fierung hinweg / vñ far mit den seyten linien vber
sich biß zú des pustaben höhe / vnd schneyd dz forder eck mit einem Diameter ab. Darnach zeuch oben
zwerchs herdan ein preyten zug so weyt hinder sich als der zug preyt ist / vñ schneyd in ab mit einem
Diameter vnder dem halben vberschus des oberen vbertretten.

Den aufrechten zug zú dem. e. mach geleych wie dz. c. aber von oben herab hinder sich zeuch ein prey-
ten zug auß dem forderen Diameter zú gleychen wincklen einer fierung / vnd eins drittel lang / vnd

mach ein klein ort rifslein von dem vnderen eck an den aufrechten zug.

Das. t. wirt gleych formig dem. c. gemacht/ aber im wirt oben formen zugebē im Diameter dardurch gewint das. t. zu oberst ein spitz / vnd vnden am prenten zug fürsich hinauß auch ein gleychmessigen wie oben/ darumb wirt das .t. oben ratlicher dann das. c. vnd scheynt nit so gepugt.

Das. l. mach vnden herab wie das. i. aber der fierung sollen sechs ob einander sten/ vnd die sibend schneid formen mit einem Diameter von einander / so peleybt dem pustaben oben hinden ein spitz.

Das. s. mach wie dz. l. allein zeuch zu oberst hinder sich einē prentē zwerch zug des Diameter lang/ vnd schneyd in hinden mit einem parallel gegen dem forderen ab.

Das. f. mach wie das. s. allein mach im ein prenten zwerchzug in der höhe der kürzeren pustaben zwey mal so lang als prent/ vnd ortschelchs foren vnd hinden abgeschneiden/ also das der spitz form vnd vnden des halben zugs prent für tret / vnd das die zwen abschnit parallel gegen einander sein.

Dem. h. mach sein ersten zug wie das. l. vnd den anderen hinden daran oben in seiner stat wie das. i. aber vnden herab vnder der verruckte fierungen mach follent die viert aufrecht fierung/ vñ die funfte vnderst schneid hinden mit einem Diameter ab.

Das. k. den ersten zug mach wie dz. l. vñ henck daran neben zur lincken seytē ein ort fierung an/ vñ laß von dem vndersten eck der erst gemelten fierung ein dünne ort lini gen an den forderen aufrechten zug von dan zeuch schelchs herdan ein prenten ortstrich/ vnd den schneyd vnden mit einem Diameter ab/ also das nit weyter vnden zwischen den zweyen spizen des pustaben sey dann eins Diameter weyt von einer fierung.

Das. d. mach in seinem vnderen halbt Eyl wie dz. b. aber oben hinauß zeuch den forderē zug bis zu des pustaben höhe / vñ schneyd im mit einem Diameter sein forder eck ab / darnach setz noch ein halbe fierung auf die drey hinderen fierungen des hinderen zuges / vnd thū im wider wie vnden / vnd lein den prochen hinderen zug auf des forderen zugs eck/ vnd laß den für gen bis zu end des aufrechten forderen zuges/ so werden ein wenig munder dann drey fierung an einander sten/ dan an dem forderen aufrechten zug soll der prochen zug zu gleychen winckelen abgeschneiden werden.

Das. o. mach vnden eben wie das. d. des gleychen mach das oben wie vnden als sey es vmbfert.

Dem. p. mach sein forderen zug wie ein vmbfert. l. aber den hinderen zug mach wie ein aufrecht. i. doch mach im vnden kein verruckte fierung / sonder schneyd den zug ab mit einem Diameter/ vñ mach vnden ein prenten zwerch zug der foren auch mit einem Diameter ab geschnitten sey / das vñ den ein spitz des halben zugs prent fürsich ge.

Item das. a. mach in dem vnderen halbt Eyl wie das. n. aber dem forderen aufrechten zug schneyd oben im mittleren quadrat durch ein Diameter das forder eck ab / dem hinderen zug laß die drey quadrat auf einander sten/ vñ neyg dz ober ort des quadrats baß fürsich / also das noch oben ein halb leng von dem quadrat daran gesest die höhe des bustaben erreych / vñ schneyd die fierung ort schelchs ab das der vnder spitz lenger hinauß gee dan der ober / von dan reiß ein cirkellini fürsich vnd vnder sich herumb/ also das sein weyten des forderen zugs weyten erreych.

Das. z. mach dreyerley / dem ersten setz oben ein ort fierung die die höch des pustaben reychē / vnd setz noch ein soliche mit der seytē/ daran so wirt darauß ein oberlengte fierung die herab hinder sich reycht Darnach setz ein ort fierung vnder die oberst des Diameter lang darzwischen/ von dan reiß ein ort lini von einem eck zu dem anderen / oder zeuch den zug rund zu der vndersten fierung/ aber von der erst gemelten vndersten fierung reiß ein runde ausschweyffung vnder sich vnd hinder sich durch zweyerley cirkellini/ die vnden des pustaben leng erreych/ vnd das der dün spitz fürsich ste/ oder machs mit dreyen ort zügen ob einander/ vnd reiß ein Diameter dardurch der sich hinder sich lein.

Das ander. z. mach dz drey ort fierung auf einander sten/ vnd schweyff die vnderst fierung mit einem runden zug auß wie das forder.

Dem. g. mach sein ersten zug vnden wie dem. i. vnd setz vnden noch ein soliche ort fierung mit dem eck daran / aber oberhalb zeuch den zug mit dem hinderen spitz vber sich so hoch der pustab ist / vñ zeuch auß disem spitz ein Diameter fürsich herab bis zu dem forderen eck der ersten aufrechten fierung die auf einander sten. Darnach zeuch denn hinderen aufrechten zug ganz so lang der for


W

der ist / vnd zeuch vnden ein Diameter von dem eck der vndersten ortstierung bis zu ent des hinderen zuges eck / vnd reys den zug innen soltent daran in ein spiz herab / darzu zeuch auch die forderst vnderst tierung mit einer lini ganz / Darnach zeuch oben zu höchst des pustaben ein prenten zwerch zug von dem ersten aufrechten zug oben den hinderen / vñ oben so weyt hinder sich hinaus so prent der aufrecht zug ist / vnd schneyd in hinden ab mit einem prenten ortstrich parallel gegen dem forderen.

Das. y. mach wie das. n. allein die hinder vnder ortstierung laß auffen / vnd mach noch ein aufrechte tierung vnder die oberen drey / vnd die fünft vnderst schneyd mit einem Diameter von einander / das der spiz foren sey / dafon zeuch den Diameter mit einem dünnen zug soltent hinfür einer seyten lang der tierung eine.

Das kurz. s. mach also / in der mit des pustaben lenge setz zwo ortstierung mit iren ecken neben einander / von der forderen tierung zeuch den prenten zug vbersich bis zu des pustaben höhe / also zeuch von der hinderen tierung vnder sich zu gleycher weys wie dz. i. oben vñ vnde gezogen ist / diese pede züg schneid mit Diameteren oben vñ vnde ab / also dz pede spiz gegē der mit peleyben. Darnach zeuch zwen prent züg von der oberen spiz hinder sich vnder sich / des gleychen von dem vnderen spiz für sich vñ vbersich des zugs prenten hoch vnd nider / aber nit weyter hinaus auf beide seyten dann so weyt die prenten züg von einander sind. Darnach zeuch ein Diameter von oben hinden herab für sich / vnd schneyd pede preit ort züg mit ab / vnd zeuch soltent die tierung peyd in der mitt daran / solichs hab ich hernach weys mit den linien / vnd schwas in rechter ordnung für geschriben.

Diz ist nun die alte meynung wie for gemelt / aber nes macht man die textur freyer / vnd setz die veruckte tierung mitten auf die seyten der aufrechten tierung / also das die lini der pustaben nit so fast gepugte werden / vñ macht etliche züglein daran / vñ spaldet sie / vnd setz der tierüg vierthalbe an einander / vñnd macht die feld so weyt zwischen den zügen als ein zug des pustaben prent ist / solichs hab ich auch hernach für geschriben / vñ die kleinen verschal die man in den zeylen an die wörter setz darzu gemacht / die sollen im schreyben eines dritteyls höher sein dann die kurzen pustaben.



M. ii

abcedefgh

iklmnop

qrstuvw

xyzze

^aA ^bB ^cC ^dD ^eE ^fF ^gG ^hH
ⁱI ^kK ^lL ^mM ⁿN ^oO ^pP ^qQ
^rR ^sS ^tT ^uU ^vV ^wW ^xX
a b c d e f g h
i k l m n o p q
r s t u v w x
y z

Hie endet sich das Drey büchlein.


De 111

Das Viert büchlein.

Fürder maß sind dreyerley Corpora die man durch den cirkel vnd richescheyt mache kan/ Etliche ziehen sich in ein gleyche leng / darauff macht man seulen / thürn vnd andre ding. Die anderen zeucht man in ein spiz darauff werden kegeln / doch mag man auch seulen vnd anders darauff machen / so man einen spiz hoch genug stelt / aber soliche spiz muß zu rechter maß abgeschnitten werde. Darauff kumpt dz man keiner seulen die sich oben ein zeucht höher zu tragen soll auf legen dan jr spiz des dryangels reycht.


Zum dritten sind Corpora die allenthalben gleych sind / von felderer / ecken vnd seytten / die der Euklides corpora regularia nennet / der beschreibet jr fünffe / darumb das jr nit mer können sein / die in ein kugel darin sie allenthalben an rüren verfast mügen werdenn / die selben nach dem sie zu vill dingen nutz sind / wil ich hie anzeygen.

Zum ersten ist ein dryanglich corpus das hat vier ebne dryeckete feld von gleychen wincklen / vnd hat auch vier gleyche dryeckete eck / vnd sechs gleyche scharpfe seytten. Wie ich das hernach aufgethan / zugegethan in grund gelegt / vnd darnach aufgezozen alles hab aufgerissen.





Das ander corpus ist wie ein diamant punct / vnd hat gleych wincklen / vnd sechs gleycher vier

eckete eck / vnd zwelf scharffer seiten. Wie ich das hernach ganz offen / darnach zügethan nider in grund gelegt / vnd darnach aufgezozen / alles hab aufgerissen.



30

De Tabledrus.





Das drit corpus hat zweynzig driangliche gleyche felder von gleyche wincklen / vñ zwelf gleycher fünfecketer eck vnd dreyssig scharpfer gleycher seiten. Wie ich das hernach ganz / offen darnach zügethan nider in grund gelegt / vnd darnach wider aufgezozen hab aufgerissen.

M iij


Faint, illegible text, likely bleed-through from the reverse side of the page.






Icosahedrus



As viert corpus ist wie ein vierecketer würffel d³ hat sechs gestirter rechte wincklicher ebner sel
der/ vnd acht rechter dreyecketer eck/ vnd zwelff scharpfer seyten/ Wie ich das hernach ganz of
fen/ darnach zügethan vnd in grund gelegt/ vnd wider aufgezogen alles aufgerissen hab.



Das fünft eszpus wirt von eytel fünf ecketen ebenen felderem gemacht/ vnd hat zwelf blatte fünf
 eckede feld/ vnd zweynzig gleycher dreyeckte eck/ vnd dreyßig scharpfer seyten/ wie ich das ganz
 offen/ darnach zu gethan wider in grund gelegt/ vnd wider auf gezogen alles hernach hab auf
 gerissen.



33

Die spera oder ein kugel wen man sie durch jr mittag linien zerschneydet / vnd in ein planum legt / so gewint sie ein gestal einskams / wie ich das hie vnden kugels weys / vnd offen hab außgerissen.

34

a

b

c



d

e

f

g

[The text in this section is mirrored bleed-through from the reverse side of the page. It is written in a historical German script, likely Gothic or a similar cursive, and is largely illegible due to the mirroring and fading. The text appears to be a technical or mathematical treatise, possibly related to the diagram above.]



Diese corpora rühren in einer hohlen kugel mit all iren ecken an/wie ich hie for die selben kugel auch aufgeriffē hab/vnd dise corpora magst du von einer groß zwifach durch einander reysen/ als so das alweg das ein eck durch des anderen planum sticht/ das sicht im werck gar ertig.

Du magst auch auf dise cörper auf einen yeden plano einen spizen punct setzen /nider oder hoch erhaben so von vill ecken als der planus hat darauf er stet.

Solichs magst du auch gebrauchen mit den ungericulirten cörperen / wo sie in einer spera vberall anrühren.

Ein yedlich corpus das mit geraden ebnen beschlossen wirt das muß eck vnd scharpf seuten haben.


Das heyst ein scharpfe seute/da zwo ebnen zūsamē stossen /sie sein im winckel weyt oder eng.

Ein yedlich ganz kugelt ding hat kein eck/es sey ablang oder rund.

Auch sind noch vill hübscher corpora zūmachen/die auch in einer hohlen kugel mit all iren ecken an rühren/aber sie haben ungleiche felder/der selben wil ich eins teyls hernach auf reysen/vnd ganz aufge than / auf das sie ein yedlicher selbs zamen müg legen/welicher sie aber machen will der reys sie grösser auf ein zwifach gepabt papier/vñ schneyd mit einem scharpfen messer auf der einen seuten all rysz durch den einen pogen papiers/vnd so dan all ding auf dem vbrigē papier geledigt wirt/als dan lege man das corpus zūsamē/so lest es sich geren in den rissen piegen/darumb nym des nachfolgeten auf reysens acht/dan soliche ding sind zū vill sachen nütz.


Das Erst corpus/das nit ganz mit seinen planen gleych an einander ist/ds hat vier sechs eckter
 ter vnd drey dreyangletter ebner felder / aber die scharpfen seyten sind all geleych lang an ein-
 ander / vnd so dis corpus als es offen ist zamen geschlossen wirt / so gewint es zwelf eck / vnd
 achtzehn scharpfer seyten.

35




Das Ander vngeregulirt corpus/hat sechs achteckter/vnd acht dreyangliche felder/so man dis
 corpus als es offen aufgerissen ist zusamen leget / gewint es vier vnd zweynzig eck / vnd sechs
 vnd dreyssigscharpfer seyten.

R



Das Drey unregulire corpus / hat sechs viereckete / vnd acht dreyangliche felder / so man dis corpus als es offen ist zusamē leget / gewint es zwelf eck / vñ vier vñ zweynzig scharpfer seiten.




Das Viert corpus/hat offen acht sechs ecketter /vnd sechs vier ecketter felder/so man diß zusamen leget/so gewint das corpus vier vñ zweynzig eck/vnd sechs vnd dreysig scharpfer seyten.


R ij

Das ist ein corpus / das hat vier ecketter felder / sechs vier ecketter felder / sechs vñ dreysig scharpfer seyten / vier vñ zweynzig eck / so man diß zusamen leget / so gewint das corpus vier vñ zweynzig eck / vnd sechs vñ dreysig scharpfer seyten.






Das Fünff corpus / so dz offen ist / hat es achthē gefierte / vnd acht Driangliche felder / so man
 darauß ein corpus schleußt / gewint das vier vnd zweinsig eck / vnd acht vnd vierzig schar
 pfer seyen.




2 III



Das Sechst corpus/so das aufthan wirt/hat es sechs gefierte/vnd zwey vnd dreyßig Dreyangli
che felder/so man das zûsamen leget.gewint es vier vnd zweyßzig eck/vnd sechßzig scharp
pfer seyten.




Das Sibent vnd nach folget corpus/so es offen leyt/hat es sechs acht ecketter/vñ acht sechs ecket
ter/vnd zwelf vier ecketter felder/vñ so man das zûsamen leget/so gewint es acht vnd vierßzig
eck/vnd zwo vnd sibenzig scharpfer seyten.



R III

Das Acht corpus / mach von sechs zwelf ecketen felderer / darzwischen mach zwen vnd drey
sig Driangel / sie haben aber nit all gleych seyten / wie solichs hernach offen ist aufgerissen.


42



100 50

S Du sechs recht stierung an einander setzt / vnd zwelf Triangel da ein yetlicher so hoch ist als ein seyten der stierung / vnd dann diß alles zusamen legest / wirt ein corpus / darauff solichs ist hernach offen aufgerissen.

34







S Man den for gemachten Corporen mit glatten schnittē ire eck weg nimbt / vnd dan die beleybenden eck / aber hinweg nymbt / so mag man manicherley corpora darauff machen. Auß disen dingen mag man gar manicherley machen / so jr teyl aufeinander versect wirt / das zu dem außhauen der seulen vnd iren zirden dienet.

Als auf ein zeit die stat Athenis mit der plag der pestilens beschwert / was fragten die burger den Abgot Apollinem rates / wie sie des seuchens möchten abkomē / der anwurdet in / weñ sie seinen altar zwispalten / würden sie erlöst / also lieffen sie ein stein machē der eben so groß was als d' altar / legten in auf den selben / als aber die plag n't auf hören wolt / fragten sie den Abgot wider wie das zu gieng so sie doch sein geheysß solbracht hetten / der antwurt in sie hetten nit gehandelt wie er sie geheysen het / sondern hetten den altar gar vill grösser dann noch einmal gemacht // als aber jr werckleut nit findē konten wie sie der sacht solten thün / hetten sie der geleerten vnd in sonders des philosophen Platonis ratt der lezret die wie sie zwischen zweyen vngleychen fürgebneen linien zwo ander linien die sich vergleychlich gegen den selben hielten solten finden / dan durch solichs mochten sie den cubum / dz ist ein viereck et corpus wie ein würffel / vnd alle andre ding dupliciren tripliciren / vnd für vñ für meeren vnd vorgrössen die weyl nün solichs ein ser nuzē kunst ist vnd allen werckleuten dienet / auch von den geleerten in grösser geheim vnd verporgenheit gehalten wirt / wil ich die an den tag legen vñ leren machen / dan auß diser kunst kan man puren vnd klofen giessen die sich vergrössen vnd dupliren wie man wil / vñ doch alweg jr rechte proporcion / auch jr gewicht behalten / des gleychen kan man durch die fesser / drühen / mes / reder / zimer / pild vnd was man haben will vergrössen. Darumb nem ein yetlicher werckman der acht die weyl die piß auf disen tag als ich acht in Teutscher sparch nie beschriben ist worden.

Erstlich / setz zwen gleych cubos oder würffel an einander. a. b. c. die selb leng. a. c. setz aufrecht zu gleychen winklen auf ein zwerch lini. d. e. vnd reysß auß dem Centrum. c. ein halben cirkel. d. a. e. Darnach reysß ein gerade lini auß dem. e. durch das. b. piß an die cirkellini / da hin setz ein. f. Darnach nim ein schmal richtscheyt vnd zeychen darauff ein mittel puncten / vnd teyl von dann auf bede seyten grad mit zifferen / vnd setz die zal auf ein seyten wie auf die anderen / das auf yetlicher seyten des mittel puncten / die erst zal eins an fache / dann dnrech das richtscheys bewegung must du finden / die erst lini durch die ander funden wirt zu dem zwifachen cubo. Darnach leg das forgemacht richtscheyt mit

der einen seiten auf den puncten. d. vnd laß das stes daran haften / es schieb sich auf oder nider / vnd so du das ander teyl des richtscheyt bewegst / so peleybt mit dem mittel puncten das richtscheyt albeg auf der lini. a. b. c. vnd beweg das richtscheyt so lang piß das du ein mittel findest zwischen der lini. e. f. vnd des cirkelrhyß / vnd wo das beweglich richtscheyt durch schneydet die lini. e. f. da setz ein. g. vnd wo es durch schneydet die lini. a. b. c. da setz ein. h. vnd wo das egedacht richtscheyt aussen den cirkelrhyß rüret da setz ein. i. also werden. g. h. vnd. h. i. zwo geleyche lenge / so ist dann. h. c. die erst gefunden lini / dar auß zu finden ist die seiten des zwifachen cubi. Darnach setz die lini. h. c. vñ die seiten von dem einfachen cubo. a. b. zwerchs an einander / dar auß wirt. a. h. c. vñ setz ein cirkel mit dem einen fues in die mitt. a. c. vñnd reyh oben herumb ein halben cirkel. a. c. Darnach zeuch auß dem. h. oberstich ein außs rechte lini piß an den cirkelrhyß / da setz ein. f. diese lini. f. h. gibt dir ein seiten zu dem zwifachen cubo / wie ich das hernach hab aufgerissen.


44



Will du nun den cubum dreyfachen / vierfachen / oder so vil du wild ergrösseren / dz mach durch den for beschribnen weg / doch wie hernach folget.
 Erstlich nim die leng dreyer cubus. a. b. c. d. vnd stos die an einander / vñ stell diese lini. a. d. auß recht zu gleychen winckeln auf ein zwerch lini. f. e. vñ reyh auß dem Centrum. d. ein cirkelrhyß f. a. e. Darnach zeuch ein gerade lini ober ort auß dem. e. durch die lini. a. d. vnd schneid mit ab das vñderst dritteyl / das ist des eynfachen cubus leng / da hin setz ein. b. Aber wo die lini auß dem. e. gezogen den cirkelrhyß anrürt da hin setz ein. g. Darnach leg das gradirt richtscheyt mit dem einen ort auf den



puncten. f. vñ laß daran beleyben. Aber mit dem anderen teyl beweg es / vñ such mit an der aufrecht
 ten lini. a. d. das mittel zwischen. e. g. vñ des cirkelrifs. e. a. g. vñ wo dann an dem richtscheyt so es
 recht leit ein lini gezogen wirt die durch schneydet die lini. e. g. da hin setz ein. h. vñ wo die weyter durch
 schneydet die aufrechte lini. a. d. da hin setz ein. i. vñ wo dise lini darnach den cirkel rüret da hin setz ein
 k. also gewinen. h. i. vñ. i. k. zwo geleych lengen / dardurch wirt. i. d. die erst lenge / durch welich zu finden
 ist die ander lini der seyten lenge des dryfachen cubi.

Nachfolget so nym die lin. . i. d. zu einer zwerch lini vñ erlenger sie mit der seyten des einfachen cu
 bi. a. b. vñ setz ein cirkel mitten auf die zusamen gestossen lini. a. b. vñ. i. d. vñ reys ein halben cirkel
 a. d. Darnach setz ein aufrechte lini. b. l. zu gleychen wincklen / dise lini. b. l. ist die seyten des dryfachen
 cubi gegen dem einfachen cubo. a. b. Wie das hernach ist aufgerissen.



Darnach setz vier leng des eynfachen cubi. a. b. an einander / dz wirt. a. b. c. d. e. dise lini. a. e. setz
 aufrechte auf ein zwerch lini. g. f. Darnach reys ein lini auß dē. f. vñ schneyd den vnderen siet
 teyl von. a. e. mit ab / vñ wo dise lini den cirkel ob dem. g. an rürt / da setz ein. i. Darnach nym
 das gradirt richtscheyt / vñ leg das mit seinem mittel puncten auf die lini. a. e. vñ das ein ende an
 den puncten. g. vñ such das mittel zwischen. f. i. vñ der cirkellini an der aufrechten. a. e. wo den. f. i.
 durch schnitten wirt / da setz ein. k. vñ wo. a. e. da setz ein. l. vñ wo den die cirkellini zwischen. a. f. ge
 rüt wirt / da setz ein. m. so werden. k. l. vñ. l. m. von gleychē lengen darauß sint sich / dz. l. e. die erst leng ist
 auß welcher man die seite des vierfachē cubi findet / dz such wie for gemelt / setz die leng. l. e. vñ die leng
 der seyten des einfachen cubi. a. b. an einander / vñ setz ein cirkel mit dem einen fues mitten zwischen
 a. e. vñ reys mit dem anderen fues ein cirkellini. a. e. Darnach reys ein aufrechte lini zu gleychen

winkelen auß dem. l. vbersich an die cirkellini/da setz ein. n. so ist. n. l. die leng der seyten des vierfachen cubi. Wie ich das hernach hab aufgerissen.




Snd so du nun die vier cubos durch den for angezeygte weg gemacht hast / so magst du ein an deren grösseren cubum der dir für gegeben wirt / nach dem ersten gleycher weyst vilfeltigen zwifach drey oder vierfach machen in halten.

Thü jm also.

Mach ein rechten winkelhacken des eck sey. e. die aufrecht lini. f. vnd die lini. i. ober zwerch/vñ setz den einfachen / zwey / drey / vnd vierfachen cubum im aufreysen all an ein stat / also das von allen vier cubis ein yetlichen eck imß winkel. e. vñ zwo seyten auf den zweyen linien. f. i. beleiben / vñ bezeychen von den vier cubis einß yetlichs eck auf der lini. i. nach irem inhalt. e1. e2. e3. e4. vnd zeuch einen Diameter oder ostrich. e. h. durch alle vier eck der vier cubus. Darnach reys der vier cubus seyten die mit. e1. e2. e3. e4. bezeychnet sind parallel ober die lini. e. h. gerad vbersich so weyt du der bedarfft.

So dir nun ein grössere leng der seyten eines cubi für geben ist die du nach dem anderen wilt vilfeltigen / so leg die selb für gegeben leng aufrecht auf die lini. i. des einfachen cubi / vnd das ste vnden rür die zwerch. e. i. vnd wo dann dise fürgegebne leng oben endet / da setz ein. a. Darnach zeuch ein schlemmie lini auß dem. e. durch das. a. vnd durch all aufrecht lini. 2. 3. 4. vnd diser schlemmen lini ende sey.

g. wo dan die aufrechten linien. 2. 3. 4. durch schnytē werden / sek. b. c. d. so ist. a. die seite des eynfache. b. 2. des zwifache. c. 3. des dryfachen. d. 4. des vierfachen cubi leng / vnd halten sich gleich zūsamē / wie die seiten der kleynen cuborum / diß alles ist zū vill dingen nutz / dann damit mag man alle ding rechte vnd ordenlich vergrössen / das sie jr proportion behalten. Wie du solichs hernach sihest aufgerissen.




Aber ein ander meynung durch die du die cubos albeg duppel grösser oder halb minder gegen einander machen magst / du mußt aber for zwen haben die duppel gegen einander gemacht sind.

Dem thū also.


Setz ein aufrechte lini. a. b. daran setz der egemelten peder cubus seiten das sie aneinander anrüren / vnd das der grösser oben der kleineren vnden ste / des oberen zwei fordre eck die an der lini. a. b. stend sey en. c. e. aber die anderen zwey herdan seyend. f. aber des kleineren vnderen cubi forderen zwey eck bezeychen an der lini. a. b. mit. g. i. aber die eusseren zwey mit. h. k. Nun zeuch die zwey eck. f. k. mit einer geradē lini zūsamē / vñ darnach gerad vbersich so weyt du wild / da setz ein. r. darnach vnder sich piß an die lini. a. b. da setz ein. z. so du nun auß dem eck. d. ein gerade lini zeuchst in den punctē. z. so schneid sie durch die zwo seiten vnden der zweyer cuborū / so du aber mit diser schlemē lini vbersich ferst piß zū end. r. darauß wirt d gebrauch zū d ergrösserung des cubi genumē / aber vnder sich herab die verkleinerung / das mach also / Erstlich oben hinauß zeuch die zwerch lini des cubi. c. d. piß an die schlemē lini. z. r. da setz ein. l. Darnach far mit einer aufrechten lini auß dem. l. vbersich an die lini. z. r. da setz ein. m. Darnach schleuß ein cubum. c. l. m. n. der helt zwey mal so vil innen als der cubus. c. d. e. f. diß stengeet so oft im dupliren vbersich als du es machē kanst / wirst das gewiß vnd gerecht finden. Aber vnder sich herab macht sich der cubus alweg vmb das halbtēyl kleyner / das weret schier piß in den spiß. z. vñ diß

D

get zu gleycher weys im ab stengen zu wie for im aufstengen / dem thit also / wo die lini .x. z. durchschnei
 det des vndersten cubi seyen .i. k. da seß ein .o. vñ zeuch darauß vnder sich ein aufrechte lini an die schle
 men .z. r. da seß ein .p. von dan far ober zwerch gleych wincklich an die aufrechten .a. b. da seß ein .q. so
 helt diser cubus .i. o. q. p. halb so vill innen als der ober cubus / g. h. i. k. des magst du dich wenter geprau
 chen piß zu dem puncten. Solichs hab ich hernach aufgerissen.



Du magst auch den cubum in anderen ungleichen zalen durch das grösser oder kleiner ma
 chen / als wenn du for zwen cubos hast die sich dreyfaltig gegen einander halten / so thü im wie
 for geschriben ist / es sey durch was zal es wöl / als wenn du zwen cubos hast / der erst helt cym /
 der ander drey. Wie dann das hernach ist aufgerissen.



Doch ist nutz zu wissen einem der ein cubum ergrösseren wil oder vilfeltigen / wie er zwischert zweyen vngleychen fürgebenen linien zwo ander linien die sich vergleychlich gegen den selben halten finden soll / also das si sich all vier vergleychlich gegen einander halten. Das such also.


Die zwo fürgebenen vngleychen linien seyen .e. b. vnd .b. g. die sey beide in den puncten .b. in einen rechten winckelhacken zusamen. Darnach zeuch die zwo linien für das eck .b. so weit gerad hinaus als du der bedürffen wirst / piß auf .d. vnd .c. Darnach stell zwen recht wincklich driangel .g. c. d. des rechter winckel sey .c. der ander driangel .c. d. e. vnd das .d. sey sein rechter winckel. Durch was instrument du das machen solt wirt hernach beschriben.

Nun bewert der Euclides in seinem sechsten buch durch die achten proposition das .c. b. ist ein mittellini zwischen .d. b. vnd .b. g. vnd .d. b. ist ein mittellini zwischen .c. b. vnd .b. e. daruub helt sich .g. b. zu .c. b. wie .c. b. zw. d. b. vnd also auch .d. b. zu .e. b. dem nach zwischen den zweyen fürgebenen linien .b. g. vnd .b. e. sind gefunden die zwo mittellini .b. c. vnd .b. d.

Aber die zwen egemelten driangel .g. c. d. vnd .c. d. e. mach also. Nym ein winckelmeß sam .r. p. q. des gerechter winckel sey .p. vnd der seyten eine sam .p. q. nym hol auß / vnd in dise mit steck ein gerad richtscheyt sam .t. s. welches mit der seyten des winckelmes .p. q. albeg ein rechter winckel beleyb / ja wie das auf vnd nider bewegt werde / das dennacht allzeyt .t. s. ein rechte parallel gegen der seyten .p. r. des winckelmes .r. p. q. beleybe. So nun das alles gemacht ist so lege die seyten .p. r. des winckelmes also auf das sie berür den puncten .g. also das der gerecht winckel .p. lige auf der lini .e. c. vnd die ander seyten des

D ij

winkelmes. q. p. lege auf der lini. d. b. da ruck das richtscheyt. t. f. also lang bis das der winkel. f. sey auf der lini. b. d. vnd das richtscheyt. t. f. berür den puncten. e. vnd so das alles geschicht vnd auf gerissen ist/dann so wirt. p. r. wie. c. g. vnd. p. f. wie. c. d. vnd. f. t. wie. d. e. vnd auß dem wirt kunt vnd offenbar das die zwen dyangel. g. c. d. vnd. e. d. e. sind gemacht vnd beschriben wie sie an dem anfang sind für genumen. Wie du das in der folgetten figur siehest aufgerissen.




Noch magst du die egedacht meynung anderst machen außserhalb des forbeschribnen instrumens oder winkelmes/das also die zwo fürgegebne linien. a. b. vñ. b. g. sollen wider in einen rechten winkel. b. zúsamē gestossen werdē. Darnach beschleuß follent ein vier ecket feld. b. d. des ortstrich sey. a. g. den teyl mit einem puncten. e. in der mitt von ein ander/vnnd die zwo seyten. d. a. vnd. d. g. erlenger als weyt das not ist. Darnach leg auf den puncten. b. ein richtscheyt. also das es hin vnd her müg geruckt werden/so lang piß es abschneydet. d. h. vnd. d. z. der massen das die lini. e. h. vnd e. z. geleych lang seyen/vnnd das d. z. richtscheyt auf dem puncten. b. ligent beleyb/das vergwiset der cirkelryß. Nachfolget zeuch ein aufrechte lini. e. t. auf die lini. d. g. also teylet. e. t. die lini. d. g. in zwen gleyche teyl durch die ander propositiō des sechsten buchs Euclidis/dar auß folget d. z. die recht anglich vier ecket figur so gemacht wirt von. t. z. vñ. z. g. mit dem quadrat der linien. g. t. ist geleych dem quadrat so auß. t. z. gemacht wirt/nun auf peden teylen wirt hin zú geleyt d. z. quadrat so auß. t. e. gemacht ist/dem nach d. z. quadrangel od' vierecket recht wincklich figur/weliche auß. d. z. vñ. z. g. gemacht wirt mit dem quadrat. e. g. ist geleych dem quadrat so von. e. z. gemacht wirt. Gleycher weyß auch das quadrangel oder die recht wincklich figur/weliche auß den linien. d. h. vñ. h. a. gemacht wirt mit dem quadrat von. a. e. gemacht ist/gleych dem quadrat so von der lini. e. h. gemacht wirt.

So nun aber wie yezund gemacht ist die zwo linien. e. h. vnd. e. z. geleych sind/der gleychen auch die zwo linien. e. a. vnd. e. g. sind gleych. Dar auß folget das die recht anglich vierecket figur so von. t. z. vñ. z. g. gemacht wirt/ist geleych der recht anglichen figur mit der inhaltung/weliche von den linien. d. h. vnd. h. a. gemacht wirt (das ist also zúersten die lini. d. h. wirt zú dem ersten quadrangel für die langen seyten/vnd. h. a. zú den kurzen genumen/des gleychen die lini. t. z. wirt zú der langen seyten/vnd z. g. zú der kurzen des anderen quadrangels genumen/also helt der quadrangel. d. h. a. so vill innen als der quadrangel. d. z. g. das noch weyter zúbeweren mach diese quadrangel zú rechten quadraten. Wie fornen im büchle in der planen in der. 31. figur an zeygt ist.)

Aber das das forder also sey/wirt durch die fünfschetten propositiō des sechsten buchs Euclidis angezeygt das sich die lini. d. z. halt zú der lini. d. h. wie sich die lini. h. a. zú der lini. g. z. helt/vnd wie sich die

lini. d. z. hat zu der lini. d. h. also helt sich auch die lini. g. z. zu der lini. g. b. der geleyche auch die lini. a. b. zu der lini. a. h. dem nach durch die vierten proposition des sechsten buchs Euclidis die lini. a. b. helt sich zu der lini. a. h. wie die lini. a. h. zu der lini. g. z. vnd also auch die lini. g. z. zu der lini. g. b. vñ also ist offen war gemacht / das zwischen den zweyen linien. a. b. vñ d. b. g. sind gefunden zwo medie proportionals da sind die zwo lini. a. h. vñ d. g. z. Wie das hernach ist aufgerissen.

Item der vndercheid zwischen dem quadrangel vnd dem quadrat ist der / das das quadrat hat vier recht winckel. Aber der quadrangel hat zwo lang vnd zwo kurz seyten / vñ doch vier recht winckel / wie foren gemelt.





So du nun durch die for beschriben angezeygt bewisen ler den für gegebenen cubum wilt zwis falten / dann so solst du die seyten des fürgegebenen cubi zwifach erlengen / vñ zwischen diesem doppel / vñ d. der selben eynfachen seyten des cubi / durch die for beschribenn ler an ein ander setze / dardurch wirst du finden zwo gerecht mittellini / die man neinet medias proporcionales vñ so du ein cubū auß der minderen oder kürzeren gefunden linien aufrichtest / so helt sich der selb zwifach gegen dem ersten cubo.

Also magst du auch den für gegebenen cubum dryfachen / dann so oft du zwischen des für gebnen cubi seyten / vñ d. der dryfachen erlengeten seyten zwo mittellini erfindest / so du dann wider einen cubum auß der minderen machest / der selb cubus helt sich dryfach gegen dem ersten fürgegebenen / also mag ein cubus so oft gefilfeltigt werden / so oft man im die einen seyten erlengert.

Aber ein exempel zu dem gewicht wil ich herzu setzen / also.

So du ein pürsen kugel von einem pfund schwer hast / magst du die stetiglich durch den for angezeygten weg vmb ein pfund erschweren / dann die proporzion gibt auch in gleychem metall das gewicht / gleych / so du dann die kugel in einen cubum reysfest / vñ darnach den cubum zwifach / dryfach / vierfach ergrößerst / vñ dan die kugelen wider in sie alle reysfest / so helt sich auch das gewicht so darnach gossen wirt / zwifach / dryfach / vierfach gegen einander. Wie ich das hernach hab aufgerissen / das magst du piß auf hundert pfund führen.

Si



Sich daforen manicherley corpora wie man die mach anzeigt hab/wil ich auch leren so man soliche gemecht ansicht wie man die in ein gemel müg pringē/ zū solichem wil ich das schlechtest corpus fürnemen/ als den würffel/darpey anzeygē das man mit allen cōperen also handeln mag/auch von liecht vñ schatten etwas zūuersten geben/vñ eins mit dem anderen zū gebrauchen. Dann was gesehen soll werden das muß for sein/vnd wirt mit dem aug gesehen /darzū gehört auch ein liecht /dann die finsternuß-lest nichts sehen/ auch muß ein mittel sein zwischen dem aug vñnd dem das man sihet/wie hernach folgt.

Ein yetlichs liecht reycht durch gerad linien so weyt sein streym lauffen /so aber ein vndurchsichtig ding für das liecht gestelt wirt /so stossen sich die streym daran ab /vñnd felt ein schatten so weyt die streym linien des liechts verhalten werden. Das will ich im auffreyßē anzeygen.

Darumb mach zum ersten ein nider gedruckten grund vierecket vñ gleych wincklich. e. f. g. h. auf dis
se ebne stell ein würffel das wirt im grund ein gefirt felt / darn die vier oberen eck fallen auf die vier
vnderen / darumb wirt ein yetlich eck zwifach bezeychnet / die vnderen vier eck sind. a. b. c. d. aber die obe
ren viere. 1. 2. 3. 4. darumb komen. a. 1. b. 2. c. 3. d. 4. zú samen.

Nun ist diser nider gedruht grund fertig.

Darnach must du dis gefirt felt vnd den würffel der darauf stet auf zihen / wie ein steinmetz seinen
grund im aufreyssen auf zeucht.

Dem thü also / mach ob dem gefirten feld. e. f. g. h. ein zwerch par lini so lang dz gefirt feld ist / der an
fang sey. e. h. vnd end. f. g. dise lini ist so vill in der bedeutnuß als die vnder ebne. e. f. g. h. darumb sind
ire end zwifach bezeychnet.

Darnach far mit aufrechten linien auß dem nider gedruckten grund des würffels. a. 1. b. 2. c. 3. d. 4. vber
sich durch die zwerch lini. e. h. f. g. so hoch der würfel soll sein / so finst du die stat des würffels / der kumbe
aufrecht auf die ee gedachten zwerch lini. Also wirt die vnder seyten des würffels die da auf der zwerch
linien. e. h. vnd. f. g. stet / das ein end. a. d. das ander. b. c. aber die ober seyten wirt. 1. 4. vnd. 2. 3. also sind
die vier eck des aufgezognen würffels. 1. 4. 2. 3. b. c. vnd. a. d. verstendlich ob dem vnderen grund zú ges
richt.

Darnach gehört das liecht zú stellen / aber zú gleycher weyß / wie ich zwen grund setz / ein nider gedruck
ten vñ ein aufgezognen. Also muß ich auch zú yetlichem grund sein sunder liecht setzen / zú dem aufge
zognen setz ich die höch oder nideren des liechts / vñ in dem nider gedruckten grund die weyten auf der
seyten oder in die mitt.

Aber hic machs also / setz gegen dem aufgezognen grund ein liecht. o. so hoch vnd ferz du wild.

Vnd zú dem nider gedruckten grund / setz das ander liecht. p. auf welche seyten du wild / doch das pe
de liecht in gleycher weyten von dem nider gedruckten grund vñ aufgezognen würffel stend. Darnach
zeuch auß dem oberen puncte. o. des liechts zwo gerad streym linien durch die oberen eck des aufgezog
nen würffels. 1. 4. vnd. 2. 3. wo dann dise streymen fallen auf die lini. e. h. vnd. f. g. da setz zwen puncte
i. k. so weyt reycht der schatten. Darnach zeuch auß den puncten. p. des vnderen liechts die streym lini
en durch die eck des nider gedruckten grundes des würffels / die bezeychnet sind. b. 2. c. 3. vnd. d. 4. vñ laß
die streymen für streychen / wo dann auß dem puncten. i. k. aufrecht linien herab gezogen werde durch
die streym linien des vnderen lies im nider gedruckten grund die for gezogen sind / die selb abschney
dung beschleust des schatten leng vnd preyte / vnd pezeychen des schatten eck. l. m. n. die zeuch mit gerad
den linien zú samen / des gleychen. b. 2. l. d. 4. vñ d. n. zeuch auch zamen so hast du den vmb freyß des
schatten gar.

Vnd merck sunderlich das dise zwen liecht ein liecht sein / des gleychen die lini. e. h. vñ. f. g. mit dem pla
no darunder. e. f. g. h. ein ding wie for gemelt auch der nider gedruckte vñ aufgezogene würffel ist eins / su
ma pede grund vnd pede liecht ist als ein ding / aber zú dem gebrauch von leychte wegen gespaltten. Wie
das hernach ist aufgerissen.



licht

52

Cubus
aufrecht

licht

Cubus
Im grund

flachen

8

8

S Du nün disen for beschribnen würffel auf seinem gefiertē feld mit liecht vnd schatten in ein abgestolen gemel wilt pringen / so thüt for not das du wist was darzü gehöret / vnd durch was mittel das zümachen sey.

Darumb muß züm ersten gesetzt werden der punct des aug.

Züm anderen das ding dz da gesehen soll werdē / gleych dargegen oder auf einer seite.

Das dryt ist das liecht / an das nichts gesehen wirt / wie for gemelt.

Das aug sicht allein durch gerad linien die ding die for im sind / vnd mag durch kein krumē lini sehenn / darumb wen zwey gleyche vndurchsichtige ding hinder einander stend / vnd das aug gerad dargegen / so kan allein das forder vnd das hinder nit gesehen werden.


Darumb wen vill gesehen soll werden so müsen die selben ding von einander geteylt werden / auf das solichs die streym linien des gesichts begreifen mögen.

Es muß auch ein zimliche weyten oder lenge sein zwischen dem aug vnd dem das da gesehen soll werden. Darumb soll man das ding das da gesehen wirt nicht so nahent züm aug stellen dz es nit mit zü de.ckt wirt / vnd das gesicht verhalt / dan es werden auß dem kleinen teyl des g.ichts in rechter weyten vill grosser ding gesehen. Auch soll das ding nit zü weyt gestelt werdē damit es dem g.icht nit verlorē werd / dan wan ein ding so gar weyt stet / so schlahen sich die streym linien bey dem aug so nahent züsamen / das dz aug das klein feld zwischen den streym linien nit mer sehē kan. Dis ist hie ein gleichnuß aufgerissen / dich darnach zürichten.

Aber das verste also / setz ein puncten. a. der sey dein f.rgenommen aug / vnd setz ganz nahent darfür / ein lini. b. c. vnd laß auß dem puncten. a. genn streym lini an pede end. b. c. so stinst du dein aug ganz verdeckt. Darnach thü dise lini. b. c. hinweg vnd setz ein andre lini. d. e. in einer zimlichern weyten hinauß / vnd zeuch streym linien auß dem. a. an pede ort. d. e. dis wirt das aug wol sehen / nün werdt dise lini. d. e. aber dannen than vnd werd ganz ferz ein lini. f. g. gesetzt / vnd zeuch wider auß dem. a. streym linien an die ort. f. g. so schlahen sich hinder bey dem aug. a. die streym linien so nahent züsamē das dz aug das feld dar zwischen nit wol merz erkennen kan.


Darum wenn man ein menschen so gar weyt von feren sicht / so erkent in das g.icht von seiner schwacheyt wegen nit. Darumb muß in solichen dingen das so kentlich gesehen soll werden in einer erkennlichen weyten sten. Aber lantschafft zu sehen vnd machen da man etwan sechs oder sibem meyl sicht / hat es aber sein sunder art.

Nün merck das zwischen der weyten des aug vnd des das gesehē wirt soll genommen werden ein ebne durchsichtige abschneydung aller der streym linien die auß dem aug fallen auf die ding die es sicht / dis eben durchsichtig feld mag im abschneiden nahent zü dem aug oder ferz darson / vnd nahent zü dem ding das es sicht gestelt werden / wirt die ebne nahent zü dem gesicht gestelt / so gefelt das gemel das da werden soll klein dar auf / ruckt man aber die abschneydent ebne weyt vom aug / vnd nahent zü dem ding das man sicht / so felt das gemel grösser darauf / des nym ein solichē verstand / setz zwo lini mit iren beden ortten an einander / also das sie ein spizigen winckel geben / der sey a. vñ die zwey anderen end der zweyen linien sein. b. c. darzwischen setz zwo aufrecht lini die weyter vom. a. sey. d. e. die neher bey dem. a. sey. f. g. wo dann dise zwo lini. d. e. vñ f. g. von den zweyenn gabletten linien. b. c. abgeschnitten werden / auß den selben linien




3

Zeuch rechte stierungen / so sichst du das die weyter stierung. d. e. grösser / vnd die neher. f. g. kleiner wirt mit
sambt allem dem das dareyn felt. Wie ich dann solichs hie neben hab aufgerissen.



W As im gesicht zwischen den zweyen gabel linien. a. b. c. beschlossent wirt vnd sie an rüret / es
sey nahent oder ferz / aufrecht vber ort oder krum / dz scheynt dem aug. a. alles in einer grössse.
Wie ich solichs hernach hab aufgerissen.




W En wil ich zum werck greiffen / vnd für mich nemen den vor beschribnen würffel / wie der
auf seiner gestierten ebne stet / mit sambt dem liecht vnd an zeygtem schatten den er würft in
den nider gedruckten vnd auf gezogenen grund / wie vor aufgerissen ist / wie er auch so er ange
sehen wirt in dem gesicht scheynt / will ich im aufreissen also zuuersteen geben / das ich das gesicht zu
puncten machen vnd zerteilen will / gleych wie das eynig ding vor in zwen / in einen nider gedruckten
vnd auf gezogenen grund zerteilt ist / vnd dz gesicht zu mercken / will ich auf die nider gelegten puncten
augē reysen / dise punctē des gesichts stell ich auf ein seytē im aufreissen so weyt von den zweyē grün
den als ich will / vnd reys ein aufrechte lini dardurch / die parallel gegen der seytē des nider gedruck
ten grundes sey / vnd setz darauf einen puncten des gesichts zu dem auf gezogenen grund hoch oder nis
der / darnach ich dz ding ansehen will / darauff mis ich die höhe / nideren / vñ tieffe / oder ferzen. Den
anderen punctē des gesichts setz ich vnder dz ober aug / auch auf die egedachte aufrechte lini / auf weli
che seytē des nider gedruckte grundes ich will / od aber in die mitt / darauff mis ich alle preyte zu pedē seytē
ferz vnd nahent / dan zeuch ich auß dem punctē des oberen gesichts streim linien auf alle ding die man
sehen kan die mit pustabne oder zifferen gemerckt sind. Die erst streym lini des gesichts / das zu dem
auf gezogenen grund gestelt ist / zeuch ich in den puncten des liechs. o. die ander zeuch ich vnden zu en
de des liechs cirkel. Darnach zeuch ich zwo linie oben in die vier eck des würffels / fore fallen zwey eck.
2. 3. vnd hinten zwey eck. a. d. zusamē. Darnach zeuch ich zwo streym linien in die zwen punctē. f. i.

Aber zeuch zwo liniē auff die zwen ort der zwerch lini / darauf der würffel stet / die pedeudet ein fierung / darumb sind jr pede ende bezeychnet fornen. g. f. vnd hinden. e. h. Also ist der aufrecht grund auß dem gesicht mit streym linien recht bezogen / wie das soll sein. Darnach zeuch auß dem vnderen aug das zu dem nider gedruckten grund gestelt ist / auch streym linien in alle punctē des nider gedruckten grund des auf seiner ebne.

Erstlich far auß dem puncten des gesichts mit streym linien auff die vier eck der ebne. f. g. h. e. Darnach auff die vier eck des würffels grunde / die dañ acht eck bedeuten / darumb sie fornen mit. b. z. vnd. c. z. hin den mitt. d. 4. vnd. a. j. bezeychnet sind. Darnach zeuch noch drey streym linien auff die drey eck. l. m. n. des würffels schatten / nün sind gezogen all streym linien zu peden gründen so vill du der bedarffst. So nün das gesicht durch die streym linien das erzeycht das es sicht / soll das in ein gemel gebracht werden / das pringt man zu wegen durch die for gemelten superficies / das ist ein durchsichtiger planus oder eben feld der all streym linien durchschneydet / disen planum must du in dem aufreysenn ein lini lassen sein / darumb mach dise aufrechte parallel lini nahent pey den gründe zwischen dem gesicht auff das die ding groß scheynen / wie fornen gemelt / vnd auff diser lini müssen die zwen gesicht stent den fornen gemelß zu rechtenn angelen / man möcht auch wo von nöten dise lini hinder sich oder für sich leyenn / aber dise lini schneydet all streym linien ab. Darnach zeuch auß des gesichts puncten zwo zwerch lini zu gleychen wincklen in die aufrechten lini der superficies / vnd reys in die puncten do sie an rüren auch zwen augen / dise vier augen bedeuten nün ein gesicht / aber dise zerspaltung pringt leychtickheit in der arbeyt.

P ij



Seite

technologisch bedingt
eingefügt


licht

licht

Cubus
Aufsicht

Cubus im
Grund

schatten




S Du nimm die for beschribnen meynung vor augen sihest vnd verstest sie/ so nimm ein ander pa-
 spir vnd reys darauf zwei kreuz linien zu rechten wincklen/ vnd in der mitt da sie sich durch ein
 ander schliessen/ da setz den puncten des auges/ das stet hie an stat der forigen vier augen / zu di-
 sem puncten des auges müssen alle höhe/nideren/tieffen vnd prenten auf peden seyten gepracht vnd gi-
 fest werden/ die dy forigen streym linien anzeygen.


Darumb nimm zwei cirkel zu deinem messen von minder yrrikent wegen / den einen brauch zu dem
 aufrechten grund / den anderen zu dem nider gedruckten.

Nun nimm den cirkel den du brauchen wilt zu dem aufgezochnen grund / vñ setz in mit dem einen fues
 auf die forgemachte lini der superficien in das aug das da gehört zu dem aufgezochnen grund/ vñ mit
 dem anderen fues setz in auf der obgedachten lini in die streym linien die da auß dem weyteren aug in
 den puncten des liechs .o. gezogen ist/ vnd behalt dise höch.

Darnach nimm den anderen cirkel / vnd setz in auf der superficien oder durchsichtigē lini in das ander
 aug das da gehört zu dem nider gedruckten grund/ vnd den anderen fues setz wider auf der durchsich-
 tigen lini in die streym lini/ die da auß dem weyteren vnderen aug in den punctē des liechs .p. gezogen
 ist/ also trag dise zwei puncten mit den zweyen cirkelen zusamenn zu einer nachfolgetten kreuz lini
 wie hoch der punct .o. ob dem aug ste/ so gibt dir der ander cirkel wie weyt der punct .p. auf der seyten
 stet/ dise zwei puncten kumen in einen puncten den zeychen dann mit den zweyen pußtaben .o. p. wo
 du in hin setz. Also thū in mit allen streym linien die da auf der durchsichtigen lini durch streycken/
 vnd nimm wie for gemelt alle jr höch vnd nideren von dem oberen aug mit dem ersten cirkel/ des gleych
 en thū in mit dem anderen cirkel auf der durchsichtigen lini bey dem vnderen aug / nimm alle prenten
 von den durch streycketen streym linien wie weyt sie von dē aug auf der seyten sten / die trag dan all zu
 dem aug deiner kreuz lini / so fallen albeg die zwei punctē die auf der durchsichtigē lini genummer
 werden pey peden augen des aufgezochnen vnd nider gedruckten grundes in einen puncten / wie hoch
 nider oder weyt sie auf einer seyten sten sollen / die bezeychen dann wo sie hin fallen albeg mit iren pu-
 sta ben oder zifferen/ vnd wo ich von der durchsichtigen lini rede / da verste albeg die superficien die zu
 negst bey den gründen aufrechten gezogen ist.

Darnach zeuch die gemachte puncten mit gestrackten linien zusamen/ so siehst du was darauß wirt/
 vnd auß disen dingen erferst du wo alle eck eins yetlichen dings sten soll/ auch die da von dem aug nit
 gesehen mügen werdē/ das ist ist hie mit plintryssen angezeygt. Wie ich das hernach pey seiner kreuz
 lini eygentlich hab aufgerissen/ aber dargegē ober hab ich solichs allein was gesehē wirt aufgerissen/
 vnd den schatten ein wenig mit der schraffirung angezeygt dich darnach zu richten / diß ist der rechte
 grund des abstelens was zu der malerey gehört.






Sernach wil ich durch ein anderen vnd neheren weg / gleych das for beschriben ding abgestol
len / in das gemel pringen. Durch ein solichen weg.

Ich leg vber zwerch ein lini in der leng der forigen. e. f. g. h. des forderen aufgezogner grun-
des / die da an stat einer gestierten ebenen ist / vnd setz ein nahet aug auf der seyten ob der lini / wie dann
das for auf dem puncten des auges der kreuz linien stet pey dem for beschriben ding.

Sodas gemacht ist / als dann zeuch ich auß disem aug zwo gerad lini an pede ort der nider gelegten
lini. e. f. g. h. die machen vnden zwey eck / vnd der stierung sind drey seyten gemacht die ich vierecket ab
stelen will. Nun must du die hinder seyten wissen zu machen / wie hoch sie vbersich stengt / dz sind also.


Stell ein ander aug auf die seyte in der weyte wie dz bey dem for beschribne grund stet / aber gleych in
der hoch wie das neher aug. Auß disem aug zeuch zwo gerad linien an bede ort der fürgelegten lini-
en. Darnach reiß ein aufrechte lini. aa. bb. die das forder eck an rürz / wo dann dise aufrechte lini ab-
schneyde die lang streym lini die auß dem weiterem aug in den spizigen winckel zogen ist / in den
puncten setz. cc. Auß disem puncten. cc. zeuch ein zwerch par lini durch die zwo streym linien die da
auß dem nahetten aug auf die zwey vnderen ort der zwerch lini der stierung zogen sind. Wo dann die
streym linien durch schneiden werden / da machen sie zwey eck / also ist dise gestierte ebne recht abgesto-
len / gleych wie die for gemacht / darumb pezenchen auch jr vier eck mit den vier pustabē. e. f. g. h. wie hie
foren im ersten gethan ist. Dis hab ich hienach also aufgerissen / ee ich weiter gee.



S Nün diser gefiert planus abgestolen fertig ist/als dann stell den würffel darauf an sein stat zu gleycher weysz wie er dann hie foren auf seim abgestolen plano stet. Das zu machen sind also.

Nym die leng von emer seytten des würffels im foderen nider gedruckten grund/ vnd setz die mit zwey en puncten. r. y. auf die vnderen zwerch lini. f. g. deiner ysigen abgestolnen stierung/ in der weyten von dem eck. f. so weyt sie stett im foderen nider gedruckten grund/ von der seytten des gefierten plano. c. f. Darnach zeuch zwo streym lini auß dem aug in die zwen puncten. r. y. zwischen dise zwo lini muß der würffel mit seiner vnderen stierung hinden auf disen planum gestelt werden. Aber wie weyt hin/ der sich/ das such also so du in dem foderen nider gedruckten grund ein ortstrich. e. g. reysst/ so wirt auch diser ortstrich ein ortstrich im nider gedruckten grund des würffels sein/ dann dise lini get durch seine zwey eck. y. a. vnd. z. c. Nün so das ist/ so zeuch auch ein ort lini. e. g. in deinem ysigen abgestolnen feld/ wo dann dise durch schneyd die zwo streym lini. r. y. da setz auf der lini. r. ein. a. vnd auf der lini. y. ein. c. Darnach zeuch zwo zwerch lini auß den puncten. a. c. wo daß die zwerch lini. a. durch schneydet die streym lini. y. da setz ein. d. Aber wo durchschneyd an die zwerch lini. c. die streym lini. r. da setz ein. b. also stet der gefiert planus vnden an de würffel mit sein vier ecken recht auf den gefierte abgestolnen plano. e. f. g. h. wie da foren in dem anderen.


Nün zeuch auß den vier ecken. a. b. c. d. vbersich vier aufrecht lini/ vnd die foderen zwo zeuch so hoch vbersich als lang da ist die zwerch lini. b. c. vñ zeuch obē in for gemelter höhe ein zwerch lini von einer lini zu der anderen/ vnd setz in die selben zwey eck ob dem. b. die ziffer. 2. vnd ob dem. c. die ziffer. 3. Darnach zeuch zwo streym linien auß dem aug in die zwey eck. 2. 3. wo sie dann abschneyden. a. d. da setz ob dem. a. die ziffer. 1. vnd ob dem. d. setz. 4. Also ist der würffel recht gemacht wie in dem sonigen abgestolnen grund. Wie ich dann das hienach also hab auf gerissen. Et ich weyter ge.





So nun der würffel ab gestolen auf sein gestielten ab gestolnen feld stet vnd gemacht ist/ als daß
 stell das liecht vnd mach den schatten von dem würffel auf sein planum. Aber das zu finden
 dem thû also.

Stell das liecht ob dem aug in die höch auf welche seytē du wilt, diß liecht sey .o. aber ich stell es gleych
 an die stat wie es foren beschriben ist. So nun das gestellt ist dann zeuch auß dem punctum .o. ein auß
 rechte lini vnder sich herab / darauf gehöre zûsetzen ein punct .p. da sey das vnder liecht verstanden
 wirt. Ist nun sach das ich das liecht ferz setzen will so setz ich den puncten .o. auf der lini die vom .o. her
 ab gezogen ist deßer höher. So ich aber das liecht neher haben will so ruck ich den puncten .p. deßt ferz
 rer herab. Aber hie will ich es angefert in der weyten setzen/ wie es foren stet. So nun diß zwen punctē
 des liechts .o. p. gemacht sind. Als dann zeuch gerad streym lini auß dem liecht .o. durch die drey oberen
 eck des würffels. 2. 3. 4. vñ laß die radios für ab streycken. Darnach reiß aber gerad linien auß dem
 puncten .p. durch die vnderen drey eck des würffels. b. c. d. wo dann dise drey streym linien die oberen
 drey streym linien des liechts .o. abschneyden da setz drey puncten. l. m. n. Darnach zeuch mit gera
 den linien zûsamen. b.l. vnd l.m. vnd m.n. vnd n. d. Also ist der schatten des würffels recht gemacht
 in sein abstellen/ wie im forderen beschriben. Vnd das klerlich zû sehen hab ich all ding hie nach mit
 seiner zûgehörung aufgerissen/ darin wirst du gleych das forig finden.

Hab auch darnach sunderlich was zûm gemel pleyben sol allein aufgerissen vnd geschrafft solichs
 deß pas zûuersten.





S V gleycher weys wie ich den cubus in ein abgestolen gemel gebracht hab/also mag man alle corpora die man in grund legen vnd aufziehen kan / durch söliche weg in ein gemel pringen.

Hernach will ich vnderweyssen / wie man ein yetlich ding das man sihet / vnd nit fast weye stet durch drey feden messen / vnd dardurch in ein gemel pringen mag.

Ein anders will ich leren was man sihet wie man das mag durchzeychen

Wilt du durch zeychen was du for dir sihest / so rüst for einen geschickten zeug darzu / nemlich also.

Nimm ein reyn flach glas in ein gefierte ram / darnach mach ein pret so preyt als die ram ist / aber lenger / vnd beschlag die glas ram mit zweyen panden / vnd nagel pede pant auf der anderen seyten der gelenck innen an das pret / also das die ram vnd das pret daran auf vnd zu müg than werden wie ein pret spil / auf das man das glas auf das pret so man will nider müg legen zu behalte. Darnach schlag auf beden seyten mitten in dz pret zwey klöblein mitt eysnen stenglen die sich gelencken lassen / vñ mach die so lang dz sie die ram des glases erreychen / so du die von dem pret zu gleychen winckelen auf hebest / vnd mach fornen die stenglen flach vnd ein loch dardurch / vñ schlag ein hecklein darhinder das omb gee / darnach schlag in die glas ram zu peden seyten da die flech der stenglein hin reychen zwey klöblein / so du dan die stenglein daran legst vnd die hecklein für thust so stet die ram fest / darnach mach ein gefiert oberlengt holz lenger dann das pret preyt ist / das nym auf einer seyten auß so preyt das pret ist / vnd das dz gefiert holz zu peden seyten mit seiner genze für das pret gee / vnd zwing diß holz also in dem außgenumen zwerchs auf das pret / auf das man es hin vnd wider gegen dem glas vñ darfan schiebē müg / diß vier ecket holz so auf dē pret ligt nim in der mitt oben nach lengs vierecket holl auß / aber nit gar biß an die örter / aber durch die zwey örter por zwey runde löcher / dadurch stos ein lange schraufen / aber dise schraufen soll in den runde löcheren nit geschrauft sein / allein darzwischen / nün mach ein ander holz der halben ram hoch / das zepf vnden gerecht in die gefierten nuet des zwerch holz / vñ das der vberschus zu beden seyten an dem aufrechten holz auf dem zwerche plat auflige / auf das / dz aufrecht holz winckelrecht hin vnd her zwerchs geschoben müg werden / vnd

por vnden in das ein zeyst aufrecht holz ein rund loch / vnd mach ein schrauben mütterlein / in welche die for gemelt lang schrauben gerecht sey / darnach steck die schrauben mit dem forderen teyl auf einer seyten des zwerch holz zu dem runden loch hinein / vnd schrauff sie durch das mütterlein des aufrechten holz piß wider zu dem anderen loch hinaus / also magst du mit diser schrauben das aufrechte holz gewiß hin vnd her ziehen auf welche seyten du wilt. Darnach por mitten durch dz aufrecht holz nach lengs ein rund loch / vnd schneyd das holz auf einer seyten ein wenig auß / vnd auf einer seyten des selben offenen schnittes schneyd vill kleyner kerblein darein / darnach mach ein gedrehten stab der recht in das geport loch sey / vnd mach zu vnderst ein zenlein daran / vnd stof das rund holz in das egemelt geport loch / also das dz zenlein in den ofnen schnit des aufrecht holz hinab ge / vnd so oft du diß rund holz vmb einen grad erhebest vnd stet wilt behalten / so oft scheub sein zenlein in ein kerblein / also magst du disen stab hoch oder nider ziehen / vnd oben an disen stab mach ein klein dünn geschicktes pretlein vnd por ein loch dardurch / auf das du darauß mit einem aug dest gewisser durch dz glas sehen mügest in der ram / was du dann dardurch sihest das verzeychen mit einem pensel auf einem glaser lot auf das glas / darnach zeychen das selb auf das ding darauf du malen wilt. Solichs ist gut all denen die nemand wöllen ab Conterfeten / vnd die irer sacht nit gewiß sind / so du dann der massen einen wild abmachen / so leyn im das haubt an / auf das er stet vnuerückt halt bis das du all notstrich tuest / so das geschehen ist dann magst du dich der farben gebrauchen / aber du must ein stet liecht suchen.

Item so du dem obgemelten pret darauf das glas gemacht ist vnden zwo zwerch leyten an nagelst / vnd zwen löcher in yetliche porest / vnd dann den gedrehten stab darein steckest / die vnden eyssen steft haben / dz alles recht in ein ander verfüget / magst du dich als eines tisch zu disem ding fügliche gebrauchen / diß alles mag zerlegt werden / auf das es leychtlich zu tragen vñ mit zühandelen sey. Solichs hab ich hernach auf gerissen.


2 ij



Ein andre meynung.

Dre drey feden magst du ein yetlich ding das du mit erreychen kanst in ein gemel bringen/
auf ein dafel zuuerzeychnen/dem thû also.
Pist du in einem sal so schlag ein grosse nadel mit einem weyten ör die darzü gemacht ist in
ein wand/vnd setz das für ein aug/dardurch zeuch einen starcken faden/vnd hencf vnden ein pley ge
wicht daran /darnach setz einen tisch oder tafel so weyt von dem nadel ör darinn der faden ist als du
wilt /darauff stell stet ein aufrechte ram zwerchs gegen dem nadel ör hoch oder nider auf welche sey
ten du wilt / die ein türlein hab das man auf vnd zu müg than / diß thürlein sey dein tafel darauf du
malen wilt. Darnach nagel zwen feden die als lang sind als die aufrecht ram lang vnd preyt ist oben
vnd mitten in die ram /vnd den anderen auf einer seyten auch mitten in die ram vnd laß sie hangen.
Darnach mach ein eyssen langen stest der zu forderst am spitz ein nadel ör hab/dareyn feden den lan
gen faden der durch das nadel ör an der wand gezogen ist/ vnd far mit der nadel vnd langen faden
durch die ram hinauf/vnd gib sie einem anderen in die hand/vnd wart du der anderen zweyer feden
die an der ram hangen. Nun brauch diß also /leg ein lauten oder was dir sunst gefelt so ferz von der
ram als du wilt/vnd das sie vnuerriekt peleyb so lang du jr bedarfft/vnd laß deinen gesellen die nadel
mit dem faden hinauf strecken/ auf die nöttigisten puncte der lauten/vnd so oft er auf einem still helt
vnd den langen faden anstreckt/so schlag alweg die zwen feden an der ram kreuzweyß gestrackes
an den langen faden /vnd kleb sie zu peden orten mit einem wachs an die ram /vnd heyß deinen gesel
len seinen langen faden nach lassen. Darnach schlag die türlein zu vnd zeychen den selben puncten
da die feden kreuzweyß ober einander gen auf die tafel /darnach thû das türlein wider auf vnd thû

mit einem anderen puncten aber also piß das du die ganken lauten gar an die tafel punctirft / dann
 zeuch all puncten die auf der tafel von der lauten worden sind mit linien züsamē / so sichst du was darz
 auß wirt / also magst du ander ding auch abzeychnen. Dise meynung hab ich hernach aufgerissen.



Vnd damit günstiger lieber Herz will ich meinem schreyben end geben / vnd so mir Got genad ver
 leycht die bücher so ich von menschlicher proporzion vñ anderen darzū gehörend geschriben hab mit
 der zeyt in druck pringen / vnd darpey meniglich gewarnet haben / ob sich yemand vnder
 steen wurd mir diß außgangen büchlein wider nach zū drucken / das ich das
 selb auch wider drucken will / vñ auß lassen geen mit meren vnd
 grösserem zūsatz dan iez beschehen ist / darnach mag
 sich ein netlicher richtē / Got dem Herren
 sey lob vnd eer ewigklich.

¶ ij

Gedruckt zu Nürnberg.
 Im. 1525. Jar.

Wie wol ich möglichem fleiß hab an gefert/das diese büchlein recht vnd wol corrigirt auß geem-
möchten / noch dann haben sich durch die außziehung vnd wider eynsetzung der puftaben/
auch die eyl etlich yrtum in Worten vnd dem verstand zügetragen / der nötigsten auß den sel-
ben will ich eyns teyls hiemit anzeigen / dz ander wirt ein yetlicher verstendiger selb wol wis-
sen zü corrigiren.

Im. B. am fünften plat an der zehenden zeyl liß für / durchschneiden / durchschnitten.

Im. E. am anderen plat an der anderen seyten an der achten zeyl liß für / rechten / gleichen.

Im. E. am vierten plat in der fünfzeheten figur im ersten cirkel soll. d. e. mit einer lini züsammen gezo-
gen werden.

Es sollen auch im obgemelten plat die puftaben in der sechzeheten figur die jr schrift anzeigen hinzü
gesetzt werden.

Im. F. am dritten plat ist die sechs vnd zweynzigst figur versetzt / soll die hinder zü foderst steen.

Im. F. am vierten plat an der zeheten zeyl liß für das letzte wort / corporen / figuren.

Im. J. am anderen plat an der vierten zeyl laß die wort / hundert vnd eyn vnd vierzig aussen vnd liß
darfür / vnd sechzig.

Im. J. am letzten plat an der dreyzeheten zeyl liß für das letzte wort / vntterteylen / anderteyl.

Im. K. die ander zeyl laß vngelesen dann sie ist vnrecht gesetzt vnd vbrig

Im. N. am fünften plat vnder der. 43. figur in der anderen zeyl stet / manicherley / dar für liß / vil-
erley.

Es ist auch in der obgemelten figur in der ciffer das hinder herfür gesetzt.

Im. P. ii. an d fünfzehete zeyl liß form in der zeyl für die zwey wort / formen gemels / den ferren gemels.

Im. P. am letzten plat an der anderen seyten an der fünfzehete zeyl liß für die zwey wörter / schneyd
an / schneydet.

Keyserliche freyheit wirt in dem nechsten büchlein der Proportion so
ich zü drucken for hab eyngelenbet wirt.

(Aut. plast. 196)

S.B. 616

(Art plüsterge
796)

